

年

卷

期

1

9

第

第

中華民國郵務局特准掛號認爲新聞紙類

民國四年九月二十日出版

梁任公先生主任撰述

# 大中華

上海中華書局印行

第一卷 第九期

The Great Chung Hwa Magazine

# 國本問題

國家之大患不在弱而在貧亦惟貧然後弱愈弱則愈貧也夫中國之不振久矣自強之策人各一言然苟且補苴彌縫粉飾往往功效未見而禍害先至若是者何也曰此非國本問題也是故治病者不可以治標治國者不可以不知本吾國地大物博人口衆多豈弱之爲患哉母亦貧之爲患耳治國之道先富而後強遠徵古人足食足兵之言近考諸歐洲戰爭之狀況國本所在吾人顧可忽視之乎雖然國者個人之所積也未有四百兆人皆貧而國能富者亦未有四百兆人皆富而國仍貧者故欲求國家財政之充裕不能不先講求個人致富之方法致富之途徑亦多矣然求其適於開源節流之公例合乎勤儉成家之古訓則投保人壽保險實爲致富之唯一善法歲積醵錄久成巨款暮年固有養老之資意外則妻子亦免飢寒之患果四百兆人曉然於投保壽險之利益相率爲節省儲蓄之謀則家給人足國民之富力既充而謂吾國尙患貧患弱者未之有也然人壽保險公司夥矣其爲純粹華商所創辦而章程妥善辦理認真信用昭著賠款迅速者厥爲金星人壽保險公司總公司設在上海四川路一百二十七號分局設於各埠在總公司辦事人名如下

董事會主席 唐紹儀

副主席 盧 信

總 理 易次乾

協 理 張平夫

# 次日期九第華中大

## 目次

民國四年九月二十日第一卷第九期

徐國務卿世昌最近攝影

袁大總統及其子孫之全體攝影

吳祿貞先生之墓

美國陸軍攝影 (一)美國馬兵最完全之裝束 (二)美軍之旗號傳信法 (三)美軍之日光傳信法

(四)美軍所用每分鐘可發二十響之野戰砲 (五)美軍馬隊衝擊時之情狀 (六)美軍無線電信之機關

炸彈隊擲放炸彈之狀

射擲炸彈之砲

敬告全國生計委員會  
吳貫因

下流社會之人物  
吳貫因

韓非 (續)  
謝光量



# 次目期九第華中大

- 孔子教義實際之研究……………抱木
- 最近世界空中戰……………(續)……………廖惕園
- 德國軍備主義之影響……………翁長鍾
- 活動中之新法蘭西……………葉達前
- 德意志與列強……………葉達前
- 大戰爭中協約國之中堅人物……………陳政
- 最近十五年世界財政史……………農生
- 偉人與遺傳性之關係……………嚴楨
- 能書能算之犬馬……………陳霆銳
- 推行新國幣宜速定新輔幣及其種類私議……………吳延清 未稿
- 中國之將來……………王毓祥 未稿
- 泰西禮儀指南(續)……………陳霆銳
- 偵探小說 拿破崙之情網……………(續)……………天鵬笑

# 次日期九第華中大

外交 和平歟戰爭歟

周瘦鵑

## 文苑

天影齋詩存序

王闓運

賦贈杏城左丞

樊山

乙卯三月三十日利海修禊分韻得伊字效齊梁體

樊山

天琴老人以詩贈余並及頤姬因和元韻奉答

一

爲莊思緘題西泠感舊圖

一

燕京八景

規

曉起

規

六月大雨夜作

規

穀城過項王墓

潘

石遺翁六十生日

霜

上巳前一日游十刹海留柬修禊諸公

勇

## 法令

# 次目期九第華中大

高等小學校令 縣治戶口編查規則

## 餘錄

美國三大城之街衢(心二) 自由鐘之旅行(心二) 世界體育最優之成績(心二) 巴拿馬萬國博覽會場中之巨蟲(幸農) 新發明之鐵甲橡皮車輪(幸農) 英國國務員與體育(心二) 間島問題(子材)

## 文中插圖細目

最近世界空中戰 (一) 布雷翁式飛行機略圖 (二) 英國海軍用飛行機 (三) 俄之軍用飛行機 (四)

亨利華爾曼式複機圖 (五) 德國式之單葉飛行機 (六) 紙鳶式氣球 (七) 吊籠上之動作

大戰爭中協約國之中堅人物 (一) 英皇喬治 (二) 英國皇太子愛德華 (三) 俄皇尼古拉士

(四) 比皇阿爾般脫 (五) 法總統卜加橫 (六) 英財政大臣喬治氏 (七) 英國戰地總司令弗蘭巨將軍 (八)

法國陸軍總司令飛霞將軍 (九) 俄國總司令尼哥拉士公爵 (十) 英海軍大將約翰雅利各

能書能算之犬馬 (一) 亞斯吞男爵試驗海史之視覺 (二) 海史練習視覺之圖 (三) 克萊爾試驗亞斯

吞男爵之視覺以與馬之視覺比較之圖 (四) 試驗馬之嗅覺


餘錄中插圖 (一) 番薯蟲形之會場 (二) 橡皮車輪正面 (三) 車輪外部之鐵甲




徐國務卿世昌最近攝影

克十五 克四 克二 克七 克五 克六 克長 克三 克十四 家四  
 和子 端子 文子 齊子 權子 桓子 定子 良子 捷子 瑠孫

袁大總統及其子孫之全體攝影



克九 克八 家次 克十 家三 統總大 克十二 克十二 克十一 家長 家姪  
 玖子 軫子 暇孫 堅子 璋孫 相子 度子 安子 融孫 矩孫



吳 祿 貞 先 生 之 墓 ( 墓 在 石 家 莊 )




美 國 馬 兵 最 完 全 之 裝 束



美 軍 之 日 光 傳 信 法



美 軍 之 旗 號 傳 信 法




美 軍 所 用 每 分 鐘 可 發 十 二 響 之 野 戰 砲

(二) 影 攝 軍 陸 國 美




狀 情 之 時 擊 衝 隊 馬 軍 美



關 機 之 信 電 線 無 軍 美



炸彈隊擲放炸彈之狀



射擲炸彈之砲

# 中華書局

**承印**

中西書籍 地圖鈔票  
證書股票 章程招貼  
商標傳單 影五月份牌

**精製**

寫真銅版 電鍍銅版  
照相鋅版 雕刻鋼版  
珂羅版 鉛版木版

總廠上海東百老匯路廿九號

## 上海商業儲蓄銀行

本行在上海寧波路廣肇公所隔壁

完全華商  
自辦之商業儲蓄銀行經理各種  
往來存款定期存款  
儲蓄存款借款貼現放款  
國內外匯兌押匯生金  
銀買賣及其他一切銀行職務  
無不敏捷公道凡政商學界惠顧  
當格外克己以副雅意特此廣告

本行在 活期存款週息二厘 三個月三厘 六個月四厘 全年六厘 活期儲蓄存款週息四厘 其餘一切面議 總理陳光甫謹啟

### 中華書局發行



## 小學國文成績選粹

甲編四冊

定價八角

小學校學生閱讀小學校學生國文成績。最爲有益。最能進境。書分甲乙丙丁四編。甲編歷史類四冊。甫經出版。舉其特色如後。

- (一)內容豐富 第一卷自唐虞至秦。篇凡九十有六。第二卷自漢至三國。篇凡七十有九。第三卷自晉至五代。篇凡四十有一。第四卷自宋至清。而以外國史事爲之殿。篇凡五十有五。統系分明。非一鱗一爪可比。
- (二)評點精密 每篇於總評外。必有細批。以開豁讀者之心思。而於文中緊要關鍵。雖一點一圈。亦斟酌不苟。尤爲有人所無。詳人所畧。
- (三)程度適當 本編以切合小學程度爲主。故所選皆男女小學校學生之作。其出於私家學塾。而程度相當者。間亦采錄。以資觀摩。中學校及專門學校。諸作。則概不屬入。以嚴界限。

(四)徵集富有 徵集範圍。凡全國小學校之成績。可爲模範者。無不徵集。不拘拘於一校一省。有尙友海內之雅。

# 國體問題緊要

身體問題更屬緊要

國非民不立民無食不生無居不安無醫藥無以資養生無強健之精神無以圖存於商戰學戰競論劇烈之世界無論海通以後無爭未通海以前強國必先強種已公認爲惟一之要圖故國無論爲民主爲君主政體無論爲立憲爲共和必有強健之人民方得有強健之國體朝野上下羣議紛紛談國是者蓋先研究夫國民之體質本藥房發行一種人造自來血對於體質上扶助能力有歷年經驗之證明有實際補血之比據凡萎黃虛癆或骨瘦食少之人如法服用能奏功於一二星期間婦女痛經諸患更有絕對之效益其味甘甜其質純良飲料之灌輸依他種補劑容易見功嗟夫東方病夫之謂我國民已痛心疾首乘此忍辱偷生之時機正宜力求體育謀國民自立之生計爲國家准備之後盾俾四千年神明裔胄永結不渙之偕大團體卓立於亞細亞大陸之中歷億萬年而不替故曰國體問題緊要而國民之身體問題尤屬緊要振弱國之精神與強鄰相頡頏內政外交努力並進俾堂堂中國磐固不搖熙熙攘攘共樂太平明哲保身之君子其勿河漢斯言也可


人造自來血總發行所

上海

五洲大藥房謹啓

請試物美價廉之國貨

◀號百九話電子園家邵西橋紅大津天在設廠工本▶



庚戌南洋勸業會得超等獎憑



天津造胰公司  
自製各種肥皂

總批發處 ● 天津北馬路售品總所 天津北馬路新泰號 唐山東局子街同義公

總批發處 ● 山東濟南府協裕號

山東周村鎮協裕號

山東烟台天陞福

意大利萬國大博覽會得頭等金牌牌



開設天津東南城角

電話九九四號

分設北京前門外觀音寺

電話南局二二二號

分設北京東安市場內北頭

電話東局八十三號



# 上海英大藥房



## 承辦大批藥料用品

本藥房專運泰西各國道地藥材遵照驗方  
修合丸散膏丹水酒油露凡內外醫科及理

### 醫藥用品

化電氣聲光諸  
學應用一切器  
具藥料牛痘苗

### 化學用品

管刀鉞等件無  
不精工齊備歷  
蒙中外官商軍

### 軍用品

學各界及醫院  
善會購用同聲  
嘉許價格廉平

### 工業用品

兼售照相鎖牙  
所用藥物並玻  
璃橡皮傢伙又

### 照相用品

精製香水香粉  
香油香皂諸般  
開閉用品除總

### 鑲牙用品

發行唐製各種  
家用良藥又新  
發明美而特益

### 衛生用品

膏膠強種補血  
丸均係無上補

### 助粧用品

品獨出冠時 賜顧者請向上海本總號或  
各埠本分號接洽是荷

各埠本分號接洽是荷

## 恭昌綢緞廣貨號廣告

### 貨真價實

啟者本號開設以來生涯日見發  
達承蒙 官商各界惠購同稱價  
廉物美至深幸感茲值商業競爭  
之際物品優劣更當詳加考求本  
號故不惜鉅款採運中西上等新  
貨各色花素綢緞絨呢線緞花素  
布疋提花棉布粗細夏布綾羅貢  
葛哈喇及洋廣雜貨鐘表玩物鐵  
床木器無不美備今為歡迎購客  
起見各種物品概從減價出售以  
副 惠顧諸君之盛意欲要真正  
良美物品者祈 隨敝號試購便  
知言無虛謬也

又啟者本號為歡迎購客以資推  
廣銷路特於門旁毗連新開停車  
場一處房式寬濶可容大馬車數  
輛以備乘車惠購謹此佈聞

北京前門外大街路東便是

電話南局一百零四號

定價  
五元

# 清 朝 全 史

洋裝  
二冊

是書調查  
確實記載  
精覈不爲  
直書錄所  
東華凡宗  
蒙蔽內宮  
室內訂外  
關豔史西  
交笑柄軍  
及人趣事  
之太平軍  
搜錄極詳  
含錄小說  
趣味插畫  
中如清朝  
歷代御像  
洪秀全像  
印以軍宮  
殿園林等  
圖均用銅  
版精工印  
廣眼界尤

## 慈 禧 寫 照 記

洋裝  
一冊  
定價  
八角

是書爲美國卡爾女士原著所述大內祭祀萬壽節宴  
等儀節及慈禧太后之起居習慣服飾朝遊覽交際  
暨寢宮之陳設御用物之華貴李蓮英之權勢宮眷之  
待遇無不繪影繪聲非常有趣書中插圖如慈禧畫像  
並御輦出宮圖等十餘幅均精美絕倫

## 清 代 軼 聞

全書四冊特價一元

是書分門十六上而宮庭下而草野搜羅名人  
筆記數百十種而成多家藏秘籍未經流傳之  
本如宮闈秘史門之納蘭后爲尼德宗晏駕異  
聞等外交小史門之英使覲見行叩頭禮石達  
開之日記等檣杌近志之李蓮英之妹等小說  
門之品花寶鑑孽海花各書之隱託人名等均  
爲人人所欲知而不能盡知者無不採入洵洋  
洋大觀也

## 慈 禧 外 紀

洋裝  
一冊  
二元

書爲英人濮蘭德白克好司二人合著凡慈禧之家世  
幼時之生活以及被選入宮三次訓政無不源本  
記載靡遺而其中政變詭局宮闈奇聞皆含有小說趣  
味閱之令人忘倦插圖十餘幅如太監李蓮英之親筆  
書札內務大臣景善之日記等多從來所未見者

# 中華書局代售

## 民友社出版政法各書

民友社出版政法各書均法律經濟專家編著或介紹歐美日本名家著作爲從事政治法律財政者必需之書出書以來疊次再版現歸本局特約代售茲將各書列下

財政淵鑑

洋裝二冊  
定價六元

平民政治

洋裝二冊  
定價六元

民主政治

洋裝一冊  
一元六角

新商法釋義

洋裝一冊  
定價三元

比較行政法

洋裝一冊  
一元八角


二十世紀國際公法

洋裝一冊  
定價二元

# 本雜誌緊急啓事

敬啟者本雜誌撰述主任梁任公先生  
近以養痾津門本期文稿遲未寄到而  
出版經已逾期邇承各處紛來函促未  
便再緩本期只得暫闕任公先生之文  
卽付印行尙祈  
鑒諒是幸

大中華雜誌社謹啓



## 敬告全國生計委員會

吳貫因

近頃忽有全國生計委員會之設立。以全國人民之生計。而欲恃此若干之委員。代爲之謀。此正文天祥所謂一部十七史。從何處說起。故滑稽者謂生計委員會。當改爲委員生計會。如七月九日亞細亞報載某政客之言。此雖輕薄之言乎。奈余徬徨終夜。代爲諸公籌思。終覺此事之無從辦起也。雖然在現在政治之下。官吏固不能爲國民籌生計。然欲使官吏不奪國民之生計。在委員諸公。或者可以籌辦。即不能籌辦。或者可以試一建議。故余今所期望於生計委員會者。不在其籌辦國民之生計。而在其設法禁止官吏之奪國民之生計也。願欲望其禁止官吏之奪國民之生計。則不能不舉其實事。使之知所從事。委員諸君子。倘果留意於國民之生計。其曷抽珍重之光陰。而一聽余言也。

(甲) 余年來因多與都中從事教育之人往來。於是在外國大學校專門學校畢業而來之人。其向與余有一面之識。託余爲謀一教員之席者。兩月以來。殆達二十人左右。若其與余不相識。以是託諸他人者。更不知若干。余固欲爲之設法。其奈探諸都中各學校教員之席。大半爲官吏所奪。且多屬於司長參事以上之官吏也。夫爲官吏者。無論其前此有無學問。然一入仕途。即有仕途應辦之事。且每日必赴衙署。所行所言者。非屬政治之事。即屬應酬之事。安有餘暇。以研究科學。即日前此嘗在學校畢業。然服官數年。或至十餘年前。此在學校所讀之書。亦忘之久矣。以此輩而爲教員。視與初由外國專門大學畢業。可專從事於教育之人。孰適孰不適。此固不待辯而明矣。不寧惟是爲官吏者。以每日必赴衙署。故學校

雖每週聘以三時間。彼多則。但至二時間。少則僅至一時間。焉甚。或以日間無暇於教授。不為日課。而為夜課。焉問此等學問。淺陋。而又。不守規則。之人。何以能保其教員之地位。蓋為校長者。以勾結若干高等之官吏。一面可以保持其地位。一面遇有私事時。可以託此等官吏。為力以達其所欲之目的。此校長樂聘官吏為教員之心理也。又就學生一方面言之。曩日拜座師之事。今尚浮於一般學生之腦中。彼輩以為苟得若干高等官吏。以為師。他日畢業之後。當可得其攀援。故雖其學問極謬陋。不之較也。雖常缺席不到校。亦不之較也。試觀往者之拜座師。但有每年三節。二生日送禮於老師而已。何嘗有學問之授受。今學生之願官吏為教員。亦望他日得其提挈已耳。此學生樂迎官吏為教員之心理也。故北京學風之敗壞。其故雖不一。而以官吏兼為教員。實為其一大原因。不革此風。則學務終無進步也。七月十九日亞

京大學法科招考應考者至數百人。高等工業招考應考者僅五六人。其多少之故。何在。則以法政學校多有高等官吏之教員。學生思他日可得其汲引。故爭趨之。若工業學校。率無官吏之教員。學生以不能趨之。此實為其一大原因也。夫為高等官吏者。每月之薪俸。若僅云養其身家。則實有餘而無不足。即更思食花酒打麻雀。苟勿太濶綽。亦有餘貲。可作此等之行樂。乃貪欲無厭。挾其官吏之威風。更插足於學界中。並寒士課徒之錢。而奪之。使在外國專門大學畢業者。欲求作一教員。而不可得。人之無良。有逾於斯耶。此官吏之奪國民之生計者一也。

(乙) 今日全國之官產。藉其收入。以充公家之費用者。實屬不少。如各省官立之學校。多有賴官有的田園舖屋之收入。以作學校之經費。即其一例也。今試舉田園以論之。此等官有之田園。官吏非自能耕稼也。勢必招佃戶以領耕。於是官吏剝奪人民生計之法。從而生焉。例如有官田若干畝。使屬個人之私

業領耕者歲應輸租一萬元。然官吏則語佃戶曰：我給汝領耕十五年。歲但輸租四千元。而汝應暗謝我五萬元。爲佃戶者以爲如領耕私人之田。歲應輸租一萬元。今依官吏所言之辦法平均計之。歲但輸租七千三百三十三元。有奇。依前後利息合計之似此便宜。眞乃喜出望外。於是領耕之約定矣。殊不知自清季以至於今日。爲地方官者。短則數月。而一易焉。長亦終歲。而一易焉。而新官蒞任。畧一探查。卽知領耕此田者之有弊。於是出票而拘佃戶。至謂汝領耕如此寬廣之田。乃僅歲輸租四千元。我不惟將易佃戶而已。且將治汝以欺瞞隱匿之罪。讀者試思之。佃戶之以五萬元賂前任之官。此則不可告人之事。而以其地歲應輸租萬元者。乃僅輸租四千元。有何理由。可以與新官辯駁。於是但求得免於罪而已。又安敢希望再得領耕此田也。然前此僅領耕一年。或數月。所得之利幾何。而所賂於前任官之五萬元。則已鴻飛冥冥。不知何往。於是遂不免於傾家破產矣。而新任官之招新佃戶。畧爲增租二三百元。仍師前任官之舊智。裏面收佃戶若干萬之賄賂。而許以長期之領耕。如是行之。有一任之官。卽有一傾家破產之佃戶。而官之更易。無窮。卽傾家破產之佃戶。亦無窮矣。雖歷數次之後。欲領耕者不能無戒心。然爲官吏者。常誑之曰：我已稟省存案。或稟京存案。汝可長期領耕。後任官斷不能易佃戶。實則安有此事。而以農民之愚聽官吏之說。得天花亂墜。終不免爲其所誑。以故依此法領耕。至於傾家破產者。仍踵相續也。余目擊家鄉之人。其領耕官田而受此禍者。難以枚舉。而各省皆有官田。其領耕而受此禍者。未必絕無之。此等愚民。一時貪算學上之利。而不慮官吏更任時。卽有危險之來。其無識固可哂然。爲官吏者。以蜚樓海市之利誘愚民使之入其陷阱。以至於破產傾家。則其罪實不容誅矣。此官吏之奪國民之生計者。

二也

(丙) 今日因國家厲行禁煙。故內地之煙土極貴。余聞諸家鄉老於農事者之言。每田園一畝。若種禾黍一歲之總收入。不過四十元左右。苟改種鴛粟一歲之總收入。可達二百餘元。以故農民多喜種鴛粟。然今日沿海沿江各省。不獨縣城中。有警察已也。即稍大之市鄉。亦多有警察。故農民之種鴛粟。官吏未嘗不知之也。然當其初種植之始。官吏乃佯作不知。聽其時加灌溉焉。又聽其時下肥料焉。及將收穫之頃。乃出票而拘農民。至謂汝種鴛粟。我將依法律治汝罪。一面又暗使人語之曰。汝苟將所有鴛粟。相當之代價。以納諸我。則聽汝收穫之後。始出一空泛之告示。以禁止鴛粟之種。而亦不治汝罪也。而不然者。一面則治汝罪。一面則使人盡刈汝鴛粟。俾無子遺焉。今試以我輩為農民。設身處地。苟從官吏之言。不過失利而已。尚可免於刑罰。若違其言。乎則利既失。而罪亦不免焉。而兩害相權。必取其輕。於是其田園所種之鴛粟。苟值五千元者。必送五千元於官吏。苟值一萬元者。必送一萬元於官吏。乃始得獲其鴛粟。而免身受刑罰也。然至此。則已不免於破產矣。夫種鴛粟之事。今日國家懸為厲禁。使官吏而有天良。則當農民將種或始種之時。即遣差役往禁止之。其在農民。或則毫無損失。或則損失甚輕。今乃始則佯作不知。而俟其將收穫之時。始以此種手段。網取其利。使其前此所施之人工所投之資本。悉歸烏有。孟子所謂罔民。此等官吏。其當之矣。然孟子所言罔民之本旨。乃在不謀使民得免於犯法。此等官吏。所以罔民之本旨。乃在故意陷民。必至於破產。其手段之辣。視孟子所言。尤加甚矣。此官吏之奪國民之生計者三也。

(丁) 土地價值之低昂。非徒由於自然之漲跌也。常有價值極廉之地。一施以人工。驟變為價值極貴之地。處今日工商業發達之世界。土地價值之變化。猶較覺其易而速也。今試舉一事以為例。如商埠之附近。有官荒之窪地若干畝。因為窪地之故。幾無所用。論其價值。多不過二三百元。然因近商埠之故。人乃出代價二三百元。向官吏購買焉。旋投巨貲以經營之。不一二月間。高與地平。可以建洋房。開商店。論其價值。幾逾十萬。當賣此地之官吏。尙未離任時。固不敢有異議。一旦有所更動。新官蒞任。乃謂此地價逾十萬。而汝於二三月前。乃僅以二三百元購之。作弊情形顯然。可見我今以原價贖回。苟敢抗命。則將治汝以罪焉。官吏之所以相逼者如此。若在樸厚之商民乎。惟有忍氣吞聲。領回原價而已。蓋地雖填。高毫無填鋪之痕迹。若云投有填鋪之巨貲。則誰可作左証者。而論其地之價值。則實逾十萬。而非止二三百元。即云地價有自然之增加。然二三月間。斷無由二三百元而漲至十餘萬之理。試問有何理由。可與官吏辯難也。若在稍知世故之商民乎。惟有暮夜之苞苴。再進若干萬。求其另給一詳明之契約。以絕後來之禍根而已。然此二方法。無論擇用何種。當時皆不免於失利。其在第一種所投經營之巨貲。悉歸烏有。其不免於破產。此無待言。即用第二種之法。其地之價逾十萬。實緣投相當之資本。以經營之。始能致此。今乃多出若干萬。則此所送於新任官之若干萬。即其所損失之數也。余十年以來。目擊此等之事。難以枚舉。度今後未必即無此弊。處現在官吏得以意為法之世。苟無明文以禁止此弊。則商民因貪地價。有自然增加之利。其墮入官吏之陷阱。至於傾家蕩產者。終必踵相接矣。此官吏之奪國民之生計者。四也。

余年來閉門讀書。不與聞世事。第以生長鄉村。又屢居都市。故官吏網取人民生計之法。余得畧知數事。若其爲余所未知者。更不知其幾千百焉。故今日之所急者。非在望官吏之爲人民籌生計。乃在禁官吏之勿奪人民之生計也。

生計委員會諸委員。余多認識者。而會長湯君。尤爲嚮與余共辦庸言報之人。因相知之故。余乃敢進一忠告曰。全國人民之生計。非公等之所能辦也。卽欲籌辦實亦無從辦起。故今日勿言籌辦國民之生計。但籌辦禁止官吏之奪國民之生計。苟能使爲官吏者安於國家所給之俸祿。而不侵入國民之生計範圍內。以奪其衣食之途。則國民已將三薰三沐。以拜公等之賜矣。至於國民之生計。國民自能謀之。固無俟公等之越俎代庖也。



## 下流社會之人物

吳貫因

史冊所載。其以節義學識著者。類屬上流社會之人物。若下流社會。則罕有聞焉。豈天之降才爾殊耶。竊謂不然。下流社會中。未嘗無人物在。特士大夫懷階級之見。不爲表而傳之。故其姓名遂湮而不彰耳。每讀往籍。常見有出身微賤。而有奇節奇行奇學奇識。可以爲世法者。而其姓名偏失傳。未嘗不嘆爲古今之恨事。今試標舉數人。以見下流社會中。固常有可傳而名不傳之人物在也。其一爲諸葛亮之僕。一亮身後有僕老矣。服事桓大司馬。桓與衆賓客說及孔明。歎羨不已。老僕在旁。階曰。據奴所見。諸葛公亦無以異人。桓聞之。便有自矜之色。僕徐曰。第自諸葛公去後。覺後人辦事。無有妥當如公者。桓嘿然而慚。一其僕所謂「自諸葛公去後。覺後人辦事。無有妥當如公者」數語。實可爲孔明之寫真。自三國以來。詠孔。明。論孔明之詩文。無慮千萬。顧無論如何描寫。其才終不及此數語之能道其實際。故孔明之知己不在他人。而在此僕。蓋知己云者。非相愛相敬之謂也。乃在能知其才之分量。而孔明之才之分量。實盡於此數語。故劉先主之三顧草廬。司馬懿之歎爲天下奇材。皆非其真知己。則此僕是已。然其僕具此識力。而其姓名竟失傳焉。此古今之恨事。一其爲周恭帝死節之士卒。宋太祖陳橋兵變。有祗候班二卒。長拒於南門。隨自縊。宋祖爲立廟。而其名失傳。余謂後周死節之士。當以此二卒稱最。蓋周臣之以死節傳名者。惟有一韓通。然通特爲王彥昇之所殺。使彥昇不殺之。彼肯自縊與否。尙未可知。況通爲侍衛親軍副指揮。使屬周主之親臣。其以一死報之分所。宜然若此二卒。未嘗爲一命之官。竟能爲

周死節。乃知天地清淑之氣。不必鍾於士大夫。時或鍾於侯班卒。當五季之世。名教掃地。以馮道之才。學猶歷事五代。且自稱爲長樂老。獨此二卒。乃能於滄海橫流之中。爲天地留正氣焉。百世之下。聞其風者。猶將頌廉懦。立而其姓名。偏湮沒不彰。此古今之恨事二。然此猶就男子言之也。而不知女界之中。亦有此種人物焉。其一爲晏嬰之御者妻。『晏子爲齊相。出其御之妻。從門間而窺其夫。其夫爲相御。擁大蓋策駟馬。意氣揚揚。甚自得也。旣而歸。其妻請去。夫問其故。妻曰。晏子長不滿六尺。身相齊國。名顯諸侯。今者妾觀其出。志念深矣。常有以自下者。今子長八尺。乃爲人僕御。然子之意。自以爲足。妾是以求去也。其後夫自抑損。晏子怪而問之。御以實對。晏子薦以爲大夫。』此御者之妻。能發此番議論。不獨此夫對之。應愧死卽一般器小之鬚眉男子。對之亦應愧死。然彼特借此以激勵其夫。非果決然他適。卒使其夫致身通顯焉。此不特其志氣可嘉。其道德亦可嘉也。然卒不知其姓名。此古今之恨事三。其四爲鄭康成之詩婢。『康成家奴婢。皆讀書。嘗使一婢不稱旨。將撻之。方自陳說。使人曳著泥中。復有一婢來。問曰。胡爲乎泥中。答曰。薄言往愬。逢彼之怒。』此二婢之說。經鏘鏘談論。風雅卽在大家。閨秀其具此才學者。能有幾人。而其姓名。偏不傳。此古今之恨事四。此數人者。使能傳其姓名。或則可爲婢僕界生色。或則可爲兵卒界生色。而借此以勸勵一般之人。民則庸德與常識。必易普及。乃當時有紀載之責者。偏不肯爲傳其姓名。蔽賢之罪。其時之學士文人。安能不任其責耶。然此數人者。猶可曰。當時與有關係之人。皆屬尊貴。無負使之傳名之義務。而後人則欲求其姓名。而不可得也。乃若有負爲傳其名之義務之人。而其名亦竟失傳者。伊古以來。亦不少焉。其一爲飯伍子胥之女子。『子胥去楚奔吳。乞食溧陽。適會女子擊綿於

瀨水之上。管中有飯。謂曰。夫人可得一餐乎。女子知非恆人。長跪而與之。子胥再餐而止。又謂女子曰。掩  
 夫人之壺漿。無令其露。女子歎曰。妾獨與母居三十年。自守貞明。不願從適。何宜饋食而與丈夫。越虧禮  
 儀。妾不忍也。子行矣。子胥行。反顧。女子已自投於瀨水矣。此擊綿之女子。不特慧眼能識英雄。且以一  
 死全其所執之操。其貞德亦不可及。古今名門之巾幗人物。其具此智識與道德者。猶不多見。況出於擊  
 綿水上之窮女子哉。而子胥不爲訪其姓名。使傳於世。豈特寡恩而已。且輕視下流社會之人物。非人道  
 上。一不平之事耶。其二爲飯韓信之漂母。「信釣於淮陰城下。諸母漂有一母見信飢。飯信。竟漂數十日。  
 信喜。謂漂母曰。吾必有以重報母。母怒曰。大丈夫不能自食。吾哀王孫而進食。豈望報乎。」此漂母既言  
 非以望報。則韓信宦達之後。何必予以金錢。但倩一文人爲之作一小傳。使其姓名傳於後世。則不特爲  
 漂母生色。卽韓信自身亦大爲生色。乃只知以金錢報之。而不知以名譽報之。韓信武夫。究竟不解風雅  
 事。吾不特惜漂母之姓名失傳。吾又笑韓信之不學無術也。要而論之。吾國歷代之君相儒者。但解爲上  
 流人。傳名而不解爲下流人。傳名。此爲前人之通病。顧往事已矣。今處平等主義漸昌明之世。著述之士  
 其於下流社會之人物。曷亦加之意哉。



美國三大城之街衢

美國第一大城爲紐約。其次爲芝加哥。又次爲費雷特費。紐約亦卽爲全世界之第一大城。近有人統計三大城之街衢。紐約有二千一百七十三哩。芝加哥有一千八百九十九哩。費雷特費有一千三百七十一哩。紐約街衢之清道夫。合計有四千人之多云。

## 韓非 (續)

謝无量

## 第一編 韓非學術之淵源

## 第五章 韓非與楊墨及諸子之關係

韓非之時。楊墨之學盛行。韓非既博觀羣言。不宜於楊墨獨無所取。章學誠文史通義曰。楊朱書亡。多存於韓子。楊朱爲我。其術自近名法家。今按韓非引楊朱曰。

楊子過於宋東之逆旅。有妾二人。其惡者貴。美者賤。楊子問其故。逆旅之父答曰。美者自美。吾不知其美也。惡者自惡。吾不知其惡也。楊子謂弟子曰。行賢而去自賢之心。焉往而不美。說林上

楊朱之弟楊布。衣素衣而出。天雨。解素衣。衣緇衣而反。其狗不知而吠之。楊布怒。將擊之。楊朱曰。子毋擊也。子亦猶是。曩者使女狗白而往。黑而來。子豈能毋怪哉。說林下

韓非又記墨子曰。

楚王謂田鳩曰。墨子者。顯學也。其身體則可。其言多而不辯何也。曰。昔秦伯嫁其女於晉公子。令晉爲之飾裝。從衣文之媵七十人。至晉。晉人愛其妾而賤公女。此可謂善嫁妾而未可謂善嫁女也。楚人有賣其珠於鄭者。爲木蘭之櫃。薰桂椒之積。綴以珠玉。飾以玫瑰。輯以翡翠。鄭人買其積而還其珠。此可謂善賣積矣。未可謂善鬻珠也。今世之談也。皆道辯說文辭之言。人主覽其文而忘有用。墨子之說。傳先王之道。論聖人之言。以宣告人。若辯其辭。則恐人懷其文。忘其直。以文害用也。此與楚人鬻珠。秦伯

嫁女同類。故其言多不辯。外儲說左

墨子爲木鸛。三年而成。蜚一日而敗。弟子曰。先生之巧。至能使木鸛飛。墨子曰。不如爲車輓者巧也。用咫尺之木。不費一朝之事。而引三十石之任。致遠力多。久於歲數。今我爲鸛三年成。蜚一日而敗。惠子聞之曰。墨子大巧。巧爲輓。拙爲鸛。同上

就以上所引。則韓子之楊墨。未有所非也。後乃並詆儒家之顯學。蓋將以自樹。不得不絀儒墨。亦其操術實異也。夫墨子兼愛尙明思上賢諸說。固未爲韓非所取。至於辯言正辭之術。則韓非仍本諸墨翟。以來。晉魯勝注墨辯經。又雜集刑名二篇。附於其後。今不傳。蓋以刑名之學。亦宗墨子也。其序曰。墨子著書作辯經。以立名本。惠施公孫龍祖述其學。以正刑名。顯於世。孟子非墨子。其辯正辭。則與墨同。荀卿莊周等。皆非毀名家。而不能易其論也。名必有形。察形莫如別色。故有堅白之辨。名必有分。明分莫如有無。故有無序之辨。是有不是。可有不可。是名兩可。同而有異。異而有同。是之謂辯同異。至同無不同。至異無不異。是謂辯同辯異。同異生是非。是非生吉凶。取辯於一物。而原極天下之汗隆。名之至也。莊子天下篇。謂南方之墨者。苦獲。已齒。鄧陵子之屬。俱誦墨經。而倍謫不同。相謂別墨。以堅白同異之辯相譽。以脩偶不件之辭相應。然則名家堅白同異之辯。皆出於墨家。至於墨家而後爲辯之術益詳。後之學者。於墨子所言治天下之道。雖有異論。獨於辯論之法。則同遵墨家。惟不流於倍謫耳。魯勝所稱孟子荀卿莊周皆是也。墨經雖見傳。而多譌託。不可強解。惟墨子非命篇。有立言三表之法。其辭曰。

子墨子言曰。必立儀言。而毋儀。譬猶運鈞之上。而立朝夕者也。是非利害之辨。不可得而明知也。故言

必有三表。何謂三表。子墨子言曰。有本之者。有原之者。有用之者。於何本之。上本之於古者聖王之事。於何原之。下原察百姓耳目之實。於何用之。發以爲刑政。觀其中國家百姓人民之利。此所謂言有三表也。

蓋墨子以爲今之言論。欲明事之是非利害。不可不用三表之法。韓非於堅白游詞。多所訾詆。又引田鳩之說。謂墨子言多不辯。則其所詆者是倍譎之墨。而所取者惟是墨子之辯也。倍譎之墨。徒飾無實之言。漢志所謂名家之弊。則鈎鈇析亂而已者也。韓非非之曰。

宋人有請爲燕王以棘刺之端爲母猴者。必三月齋然後能觀之。燕王因以三乘養之。右御冶工言王曰。臣聞人主無十日不燕之齋。今知王不能久齋以觀無用之器也。故以三月爲期。凡刻削者。以其所以削必小。今臣治人也。無以爲之削。此不然物也。王必察之。王因囚而問之。果妄乃殺之。冶人謂王曰。計無度量言談之士。多棘刺之說也。外儲說左

兒說宋人善辯者也。持白馬非白馬也。服齊稷下之辯者。乘白馬而過關。則顧白馬之賦。故籍之虛辭。則能勝一國。考實按形。不能謾於一人。同上

是以亂世之聽言也。以難知爲察。以博文爲辯。其觀行也。以離羣爲賢。以犯上爲抗。人主者說辯察之言。尊賢抗之行。故夫作法術之人。立取舍之行。別辭爭之論。而莫爲之正。是以儒服帶劍者衆。而耕戰之士寡。堅白無厚之辭章。而憲令之法息。故曰上不明則辯生焉。辯問

韓非所以非名家破析之弊如此。然韓非自爲書。其文曉切事情。深得辯言正辭之法。故條理粲然。而議

論質實。戰國諸子之文。未能或之先也。雖長於指陳利害。顧不為詭察浮說。殆善承墨子三表之術者也。其內外儲說之文。尤別為一體。語必比偶。事皆徵類。後世以為連珠之體所肇。今錄其一例於下。

內儲說上七術

主之所用於七術。所察也。六微。七術。一曰眾端參觀。二曰必罰明威。三曰信賞盡能。四曰一聽責下。五曰疑詔詭使。六曰挾知而問。七曰倒言反事。此七者主之所用於以上總綱。觀聽不參。則誠不聞。聽有門戶。則臣壅塞。其說在侏儒之夢見竈。哀公之稱莫衆而迷。故齊人見河伯。與惠子之言亡其半也。其患在豎牛之餓叔孫。而江乞之說荊俗也。嗣公欲治不知。故使有敵。是以明主推積鐵之類。而察一市之患。

右經 參觀一

(一)衛靈公之時。彌子瑕有寵。專於衛國。侏儒有見公者曰。臣之夢賤矣。公曰何夢。對曰。夢見竈為見公也。公怒曰。吾聞見人主者夢見日。奚為見寡人而夢見竈。對曰。夫日兼燭天下。一物不能當也。人君兼燭一國人。一人不能擁也。故將見人主者夢見日。夫竈一人場焉。則後人無從見矣。今或者一人有場君者乎。則臣雖夢見竈。不亦可乎。

右傳經中侏儒夢見竈句傳

儲說之例。先總其大綱。次別其事。誼為經。次即經中每句為傳。則文體特創。而論指易瞭。故謂韓非亦能持墨辯之一人也。

韓非之時。其尤盛行於世者。又有從橫之學。尚長短裨闔。詐讓而無信。程子以從橫與法家。皆出道家。然

韓非固深惡從橫之說者也。其言曰。

世人多不言國法而言從橫。諸侯言從者曰。從成必霸。而言橫者曰。橫成必王。山東之言從橫。未嘗一日而止也。然而功名不成。霸王不立者。虛言非所以成治也。王者獨行之謂王。是以三王不務離合而正。五霸不待從橫而察。治內以裁外而已矣。忠

韓非既兼包衆家之長。其所淵源者固已廣矣。於是欲自建其說於天下。則非先攻去當世之顯學不可。而當世顯學。無過儒墨。故韓非置諸家不論。卒乃專詆儒墨。

世之顯學。儒墨也。儒之所至。孔丘也。墨之所至。墨翟也。自孔子之死也。有子張之儒。有子思之儒。有顏氏之儒。有孟氏之儒。有漆雕氏之儒。有仲良氏之儒。有孫氏之儒。有樂正氏之儒。自墨子之死也。有相里氏之墨。有相夫氏之墨。有鄧陵氏之墨。故孔墨之後。儒分爲八。墨離爲三。取舍相反不同。而皆自謂真孔墨。孔墨不可復生。將誰使定世之學乎。孔子墨子俱道堯舜。而取舍不同。皆自謂真堯舜。堯舜不復生。將誰使定儒墨之誠乎。殷周七百餘歲。虞夏二千餘歲。而不能定儒墨之真。今乃欲審堯舜之道於三千歲之前。意者其不可必乎。無參驗而必之者。愚也。弗能必而據之者。誣也。故明據先王。必定堯舜者。非愚則誣也。愚誣之學。雜反之行。明主弗受也。墨者之葬也。冬日冬服。夏日夏服。桐棺三寸。服喪三月。世以爲儉而禮之。儒者破家而葬。服喪三年。大毀扶杖。世主以爲孝而禮之。夫是墨子之儉。將非孔子之侈也。是孔子之孝。將非墨子之戾也。今孝戾侈儉。俱在儒墨。而上兼禮之。漆雕之議。不色撓。不目逃。行曲則違於臧獲。行直則怒於諸侯。世主以爲廉而禮之。宋榮子之議。設不爭鬪。取不隨仇。不差。

困圍。見侮不辱。世主以爲寬而禮之。夫是漆雕之廉。將非宋榮之恕也。是宋榮之寬。將非漆雕之暴也。今寬廉恕暴。俱在二子。人主兼而禮之。自愚誣之學。雜反之辭爭。而人主俱聽之。故海內之士。言無定術。行無常儀。夫冰炭不同器。而久寒暑不兼時。而至雜反之學。不兩立而治。今兼聽雜學。謬行同異之辭。安得無亂乎。學顯

藏書策。習談論。聚徒役。服文學而議說。世主必從而禮之。曰。敬賢士先王之道也。夫吏之所稅。耕者也。而上之所養。學士也。耕者則重稅。學士則多賞。而索民之疾。作而少言談。不可得也。立節參明。執操不侵。怨言過於耳。必隨之以劍。世主必從而禮之。以爲自好之士。夫斬首之勞。不賞。而家鬪之勇。尊顯。而索民之疾。戰距敵而無私鬪。不可得也。國平則養儒俠。難至則用介士。所養者非所用。所用者非所養。此所以亂也。同上

夫爵祿大而官職治。王之道也。磬石千里。不可謂富。衆人百萬。不可謂強。石非不大。數非不衆也。而不可謂富強者。磬不生粟。衆人不可使距敵也。今商官技藝之士。亦不墾而食。是地不墾與磬石一貫也。儒俠無軍勞。顯而榮者。則民不使與衆人同事也。夫禍知磬石衆人。而不知禍商官儒俠。爲不墾之地。不使之民。不知事類者也。同上

今世儒者之說人主。不言今之所以爲治。而語已治之功。不審官法之事。不察姦邪之情。而皆道上古之傳譽。先王之成功。儒者飾辭曰。聽吾言則可以霸王。此說者之巫祝。有度之主不受也。同上

今儒墨皆稱先王兼愛天下。則視民如父母。何以明其然也。曰。司寇行刑。君爲之不舉樂。聞死刑之報。

君爲流涕。此所舉先王也。夫以君臣爲如父子。則必治。推是言之。是無亂父子也。人之性情。莫先於父母。皆見愛而未必治也。雖厚愛矣。奚遽不亂。今先王之愛民。不過父母之愛子。子未必不爲亂也。則民奚遽治哉。且夫以法行刑。而君爲之流涕。此以效仁。非以爲治也。夫垂泣不欲刑者仁也。然而不可不刑者法也。先王勝其法不聽其臣。則仁之不可以爲治亦明矣。且民者固服於勢。寡能懷於義。仲尼天下聖人也。修行明道。以游海內。海內說其仁。美其義。而爲服役者七十人。蓋貴仁者寡。能義者難也。故以天下之大。而爲服役者七十人。而爲仁義者一人。魯哀公下主也。南面君國。境內之民。莫敢不臣。民者固服於勢。勢誠易以服人。故仲尼反爲臣。而哀公顧爲君。仲尼非懷其義。服其勢也。故以義則仲尼不服於哀公。乘勢則哀公臣仲尼。今學者之說人主也。不乘必勝之勢。而務行仁義。則可以王。是求人主之必及仲尼。而以世之凡民。皆如列徒。此必不得之數也。五

儒以文亂法。俠以武犯禁。而人主兼禮之。此所以亂也。夫離法者罪。而諸先生以文學取。犯禁者誅。而羣俠以私劍養。故法之所非。君之所取。吏之所誅。上之所養也。法趣上下。四相反也。而無所定。雖有十黃帝不能治也。故行仁義者。非所譽。譽之則害功。工文學者。非所用。用之則亂法。同上

國平養儒。俠難至用。介士所利。非所用。非所利。是故服事者簡其業。而游學者日衆。是世之所以亂也。且世之所謂賢者。貞信之行也。所謂智者。微妙之言也。微妙之言。上智之所難知也。今爲衆人法。而以上智之所難知。則民無從識之矣。故糟糠不飽者。不務梁肉。短褐不完者。不待文繡。夫治世之事。急者不得。則緩者非所務也。同上

博習辯智如孔墨。孔墨不耕耨。則國何得焉。修孝寡欲如曾史。曾史不戰攻。則國何利焉。匹夫有私便。人主有公利。息文學而明法度。塞私便而一功勞。此公利也。錯法以道民也。而又貴文學。則民之所師法也。疑賞功以勸民也。而又尊行修。則民之產利也。惜夫貴文學以疑法。尊行修以貳功。索國之富強。不可得也。八說

墨者之徒。可使赴湯蹈火。其流變而爲俠。喜濟人之急。亦兼愛之意也。故韓非以儒俠並稱。卽是儒墨矣。魏文侯師子夏。其後魏獨有博士文學。以尊禮儒者。故韓非深譏文學。所以詆儒者之徒。竊嘗論之。古之言治者。儒與道相細。而墨又與儒相細。然墨子親受業孔子之門。淮南子說其學術之異者。僅在等差辨析之間。至於理國之大端。不甚相遠也。韓愈以孔子必用墨子。墨子亦必用孔子。不相用不足爲孔墨。豈有見於此耶。若夫刑名法術之學。宗祖道家。其言治也。始較然與儒墨不同。韓非最晚出。所說益有條貫矣。或曰。荀卿之爲儒。已不純乎儒者之古義。多自禮禁以推刑罰。爲韓非李斯所本。遂流爲刑名焉。凡法家言治。多與儒墨殊者。其詳當敘次於後編。今略舉其犖犖大者於此。儒墨並上賢。而法家不尙賢。其異一也。儒墨並師古。而法家獨法今。其異二也。儒墨並上智。而法家不尙智。如秦愚民。其異三也。儒墨並主以德化人。而法家反以勢服人。其異四也。儒墨並重仁愛。而法家重刑罰。其異五也。儒墨於事貴適於義。而法家獨貴用術。其異六也。儒墨皆以治出於聖。而法家以治出於理。如彭蒙之告宋子。其異七也。儒墨皆稱堯舜。而法家每詆毀堯舜。其異八也。儒墨皆以最高權歸之元首。而法家以最高權歸之法律。其異九也。儒墨皆以爲人君者。大錄萬幾。自任其責。而法家則以人君惟當端拱無爲。委責於臣。課效於法。而君不

事。其異十也。儒墨皆言常道。以爲持一定之道。可萬世行之而不敝。法家則主常議。在因循人情。卑議合時務。以爲治。其異十一也。儒墨皆不尙戰。故孟子謂善戰陳者服。上刑。墨子亦非攻。而法家多尊顯戰士。其異十二也。自餘細端相異者。猶衆。不復悉論。韓非爲法家之學。故言治務與儒墨相難。欲知中國古代政治學之流派者。不可不一考法家與儒墨之異同也。

## 第二編 韓非之學說

### 第一章 非法古論

韓非以爲一國之治。惟在適合於今。而不在於法古。且世變不同。人情代異。持古法以治之。未有不亂且亡者。非僅推進化之說。謂今必勝古也。總之用古之道。將施之今。在事實萬不可濟。故詆好言古道者爲愚學。曰。且夫世之愚學。皆不知治亂之情。講談多誦先古之書。以亂當世之治。智慮不足以避穿井之陷。又妄非有術之士。聽其言者危。用其計者亂。此亦愚之至大。而患之至甚者也。俱與有術之士。有談說之名。而實相去千萬也。姦知方是之時。儒墨俱稱法古。顯於諸侯。韓非蓋以諷之。以爲不足與有術之士並論。且諛曰。至愚。殆自處於有術之士也。

韓非又曰。不知治者。必曰無變古。毋易常。變與不變。聖人不聽。正治而已。然則古之無變。常之毋易。在常古之可與不可。伊尹毋變殷。太公毋變周。則湯武不王矣。管仲毋易齊。郭偃毋更晉。則桓文不霸矣。凡人難變古者。憚易民之安也。夫不變古者。襲亂之迹。適民心者。恣姦之行也。民愚而不知亂。上儒而不能更。是治之失也。人主者。明能知治。嚴必行之。故雖拂於民。必立其治。南蓋韓非謂必變古者。以其不適於今。

也。然所謂適於今者，非適於今之人情而已。人情多愚而慕古，不知治道。雖處大亂之世，猶泰然以爲無患。惟有術之士，乃能深憂遠計，有所興革，及其成功，而民受其利。如伊尹、太公、管仲、郭偃，皆本此義，不牽於流俗，故能輔相其君，以成霸王之業也。

夫後之不能法古者，非故爲紛更喜事，亦時勢變易，不得不然。然法古則逸，變制則勞。法古則簡，變制則繁。且其間非必無小小利害。聖人權其輕重緩急，故終不棄此而取彼也。於是韓非乃曰：摺笏于威，不適有方鐵錫，登降周旋，不逮日中。奏百狸首射侯，不當強弩趨發，干城距衝，不若堙穴伏藥。古人亟於德，中世逐於智，當今爭於力。古者寡事而備簡，樸陋而不盡，故有球錘而推車者，古者人寡而相親，物多而輕利易讓，故有揖讓而傳天下者。然而行揖讓，高慈惠而道仁厚，皆推政也。處多事之時，用寡事之器，非智者之備也。當大爭之世，而循揖讓之軌，非聖人之治也。故智者不乘推車，聖人不行推政。難法所以制事，事所以名功也。法立而有難，權其難而事成，則立之事成而有害，權其害而功多，則爲之無難之法。無害之功，天下無有也。是以拔千丈之都，敗十萬之衆，死傷者軍之乘，甲兵折挫，士卒死傷，而賀戰勝得地者，出其小害，計其大利也。夫沐者有棄髮，除者傷血肉，爲人見其難，因釋其業，是無術之事也。先聖有言曰：規有摩而水有波，我欲更之，無奈之何。此通權之言也。是以說有必立而曠於實者，言有辭拙而急於用者，故聖人不求無害之言，而務無益之事。八由韓非之意，蓋天下無有百利而無一害之事，世之執古者，動輒舉新法，毛髮之害，以爲不如仍舊之無患。韓非故深切言之，且熟權其事，宜以問執悠悠之口者也。於是韓非乃以歷史之事證之，以益見言法古者之無當。曰：上古之世，人民少而禽獸衆，人民不勝禽獸

蟲蛇。有聖人作。構木爲巢。以避羣害。而民悅之。使王天下。號曰有巢氏。民食果蓏。鱉蛤。腥臊惡臭。而傷害腹胃。民多疾病。有聖人作。鑽燧取火。以化腥臊。而民悅之。使王天下。號之曰燧人氏。中古之世。天下大水。而鯀禹決瀆。近古之世。桀紂暴亂。而湯武征伐。今有構木鑽燧於夏后氏之世者。必爲鯀禹笑矣。有決瀆於殷周之世者。必爲湯武笑矣。然則今有美堯舜湯禹之道於當今之世者。必爲新聖笑矣。是以聖人不期修古。不法常行。論世之事。因爲之備。五韓非乃深察古今爲治之具。所以異者。由於人口多少之差。與社會生活狀況之不同。其言曰。古者丈夫不耕。草木之實足食也。婦女不織。禽獸之皮足衣也。不事力而養足。人民少而財有餘。故民不爭。是以厚賞不行。重罰不用。而民自治。今人有五子不爲多。子又有五子。大父未死而有二十五孫。是以人民衆而貨財寡。事力勞而供養薄。故民爭。雖倍賞累罰而不免於亂。堯之王天下也。茅茨不翦。楹棗不斲。糲粢之食。藜藿之羹。冬日覺裘。夏日葛衣。雖監門之服。養不虧於此矣。禹之王天下也。身執耒耜。以爲民先。股無肢。脛不生毛。雖臣虜之勞。不苦於此矣。以是言之。夫古之讓天子者。是去監門之養。而離臣虜之勞也。故傳天下而不足爲多也。今之縣令。一日身死。子孫累世聖駕。故人重之。是以人之於讓也。輕辭古之天子。難去今之縣令者。厚薄之實異也。夫山居而谷汲者。臝臠而相遺以水。澤居苦水者。買庸而決竇。故饑歲之春。幼弟不饑。饑歲之秋。疏客必食。非疏骨肉。愛過客也。多少之實異也。是以古之易財。非仁也。財多也。今之爭奪。非鄙也。財寡也。輕辭天子。非高也。勢薄也。重爭土。棄非下也。權重也。故聖人議多少。論薄厚。爲之政。故罰薄不爲慈。誅嚴不爲戾。稱俗而行也。上韓非既知古今風俗異尚。則施政異宜。乃謂道德仁義。但當用於古之世。而在今則直無所取。其言曰。古

者。太王處豐鎬之間。地方百里。行仁義而懷西戎。遂王天下。徐偃處漢東。地方五百里。行仁義。割地而朝者。三十有六國。荆文王恐其害己也。舉兵伐徐。遂滅之。故文王行仁義而王天下。偃王行仁義而喪其國。是仁義用於古不用於今也。故曰世異則事異。當舜之時。有苗不服。禹將伐之。舜曰不可。上德不厚而行武非道也。乃修教三年。執干戚舞。有苗乃服。共工之戰。鐵鉞距者及乎敵。鎧甲不堅者傷乎體。是干戚用於古不用於今也。故曰世異則備變。上古競於道德。中世遂於智謀。當今爭於氣力。五當是之時。儒墨皆言仁義。稱先王兼愛天下。則民視之如父母。韓非非之曰。夫以君臣如父子則必治。推是言之。是無亂父子也。人之性情。莫先於父母。皆見愛而未必治也。雖厚愛矣。奚遽不亂。今先王之愛民。不過父母之愛子。子未必不亂也。則民奚遽治哉。上蓋荀卿言人性惡。必待禮禁矯揉而後變。韓非則不盡歸之於人性。而以為時勢遷異之不得不然。故又曰。古今異俗。新故異備。如欲以寬緩之政。治急世之民。猶無轡策而御駉馬。此不知之患也。於是揆當時之勢。見非重刑罰不足為治。曰。今有不才之子。父母怒之弗為改。鄉人讒之弗為動。師長教之弗為變。夫以父母之愛。鄉人之行。師長之智。三美加焉。而終不動。其脛毛不改。州部之吏。操官兵。推公法。而求索姦人。然後恐懼。變其節易其行矣。民固驕於愛聽於威矣。故十仞之城。樓季弗能踰者。峭也。千仞之山。跛牂易牧者。夷也。故明王峭其法而嚴其刑也。上然則韓非所以主嚴刑為治者。蓋出於其事實上之經驗觀。非徒根據空理者矣。

韓非既以嚴刑為今最適合之治法。乃以古之道非惟不足法而已。且足以致禍亂。不可不察也。故曰。明主之國。無書簡之文。以法為教。無先王之語。以吏為師。五此即秦燔詩書之策矣。又曰。亂國之俗。其學者

則稱先王之道以藉仁義。盛容服而飾辯說以疑當世之法。而貳人主之心。上又言古者列於五靈之民之首。其用意亦可見矣。

然將廢古之法。則必取當世所指爲古之聖人者而一一攻之。而後其說乃有力而足信。是時天下所稱爲古之大聖。能施仁政於民者。莫如堯舜湯武矣。於是韓非乃言曰。天下皆以孝悌忠順之道爲是也。而莫知孝悌忠順之道而審行之。是以天下亂。皆以堯舜之道爲是而法之。是以有亂君。有曲父。堯舜湯武。或反君臣之義。亂後世之教者也。堯爲人君而君其臣。舜爲人臣而臣其君。湯武人臣而弑其主。刑其尸。而天下譽之。此天下所以至今不治者也。夫所謂明君者。能畜其臣者也。所謂賢臣者。能明法辟。治官職。以戴其君者也。今堯自以爲明而不能以畜舜。舜自以爲賢而不能以戴堯。湯武自以爲義而弑其君長。此明君且常與。而賢臣且常取也。故至今爲人子者。有取其父之家。爲人臣者。有取其君之國者矣。忠孝又見世之稱譽堯舜者。多自相矛盾。不察其義。因舉舜一事曰。歷山之農者侵畔。舜往耕焉。其年剛畝正。河濱之漁者爭坻。舜往漁焉。其年而讓長。東夷之陶者器苦窳。舜往陶焉。其年而器牢。仲尼歎曰。耕漁與陶。非舜官也。而舜往爲之者。所以救敗也。舜其信仁乎。乃躬耕處苦而民從之。故曰聖人之德化乎。韓非難之曰。或問儒者曰。方此時也。堯安在其人曰。堯爲天子。然則仲尼之聖。堯奈何。聖人明察在上位。將使天下無姦也。今耕漁不爭。陶器不窳。舜又何德而化。舜之救敗也。則是堯有失也。賢舜則去堯之明察。聖堯則去舜之德化。不可兩得也。楚人有鬻楯與矛者。譽之曰。吾楯之堅。莫能陷也。又譽其矛曰。吾矛之利。於物無不陷也。或曰。以子之矛。陷子之楯。如何。其人弗能應也。夫不可陷之楯。與無不陷之矛。不可同世。

而立。今堯舜之不可兩譽。矛盾之說也。且舜救敗。其年已一過。三年已三過。舜有盡。壽有盡。天下過無已者。以有盡逐無已。所止者寡矣。難此蓋力闢世人信仰古聖人之深也。

至是韓非乃曰。夫嬰兒相與戲也。以塵爲飯。以塗爲羹。以木爲戲。然至日晚必歸餽者。塵飯塗羹。可以戲而不可食也。夫稱上古之傳頌。辯而不怒。道先王仁義而不能正國者。此亦可以戲而不可以爲治也。儲外

左說復爲設喻以嘲之曰。

宋人有耕田者。田中有株。兔走觸株。折頸而死。因釋其耒而守株。冀復得兔。兔不可復得。而身爲宋國笑。今欲以先王之政。治當世之民。皆守株之類也。盡五

鄭縣人乙子使其妻爲袴。其妻問曰。今袴何如。夫曰。象吾故袴。妻子因毀新令如故袴。外儲說左

鄭縣人有得車軛者。而不知其名。問人曰。此何種也。對曰。此車軛也。俄又復得一。問人曰。此是何種也。

對曰。此車軛也。問者大怒曰。曩者曰車軛。今又曰車軛。是何衆也。此女欺我也。遂與之鬪。同上

夫少者侍長者飲。長者飲亦自飲也。一日魯人有自喜者。見長者飲酒。不能釀則唾之。亦效唾之。一日

宋人有少者。亦欲效善。見長者飲無餘。非對酒飲也。而欲盡之。同上

書曰。紳之束之。宋人有治者。因重帶自紳束也。人曰。是何也。對曰。書言之固然。書曰。旣雕旣琢。還歸其

樸。同上

梁人有治者。動作言學。舉事於文。曰難之。顧失其實。人曰。是何也。對曰。書言之固然。同上

鄭人有且置履者。先自度其足。而置其坐。至之市。而忘操之。已得履。乃曰。吾忘持度。反歸取之。及反市

罷。遂不得履。人曰。何不試之以足。曰。寧信度。毋自信也。同上

韓非以爲先王之道。不宜於今。而世謂不能更者。是無異宋人守株。乙子妻爲敝袴。鄭人得車。輒與少者飲酒也。先王之言。有所爲小。而世意之大者。有所爲大。而世意之小者。未可必知也。無異宋人之解書。與梁人讀記也。至不求適夫國事。惟屑屑焉謀合乎先王。皆歸取度者而已矣。故得廢先王之教。以立法術。設度數。所以利民萌。便衆庶也。問治國之道。惟在適其時耳。豈必法古哉。自來道德法律。皆與時變遷。爲治者當察其因革之端。舉而措之。不可執古之術以自畫也。



## 自由鐘之旅行

北美合衆國曩於一千七百七十六年離英獨立之初。費城有巨鐘。首先搖擺其舌。以佈散自由之音。遂以自由鐘名。而美人保藏之於獨立廳中。視爲舉國惟一最名貴之紀念品焉。今歲舊金山舉行巴拿馬博覽會。主其事者請於政府。送自由鐘至會場。俾蒞會者均得一擴眼界。目覩此人世之奇珍。鐘乃以七月五日由費城出發。躬請獨立廳行送別禮者。有最初獨立十三州之現任州長。禮畢。軍隊護送登專車。隨行者有費城市議員及警吏兵士百餘人。車至一城市。止半小時。以至數小時。其地市民及學校生徒羣至車站。行見鐘禮。繼以演說及自由鐘圖說之分贈。鐘以七月十七日抵舊金山。計在途中者十有二日。其歸期大約在十一月。中屆時舊金山市民將行歡送禮。而抵費城後。費城之市民將羣出歡迎之。噫。自由鐘。一銅鐘耳。非有靈也。然而美國人民敬禮之如神明。則亦以其爲共和幸福之標識耳。美國人敬禮自由鐘之熱度。適足以表示其百餘年來所享受共和幸福之深且厚。鐘可羨而美國人更可羨矣。

## 孔子教義實際之研究

抱木

革命以來。尊孔之聲。頗騰於國中。政府復一再申令。以法孔孟爲士人之標的。夫孔子之教義。果何如者。今之世有尊孔子者。亦有詆訾孔子者。皆各以所見之孔子。造作文論。持之有故。言之成理。而古之世。漢儒有漢儒之孔子。宋儒有宋儒之孔子。言孔子者滿天下。其是且非亦幾不可勝聽矣。於是爲之調和者。又以孔子之道。有可以節取者。有不足深論者。吾人當順於時勢而爲之採擇焉。凡此數說。其文采辯博。莫不自以爲深切著明。吾人既習聞之。然使有問吾人以果屬尊孔一派。抑屬詆孔一派。抑屬調和一派。吾人必遲疑若未敢自信。蓋於數千年歷史相傳之大聖。固不欲輕下斷案。且世之言孔子。或多就形式上爲之評判。如尊孔詆孔二派多就五倫立說自係孔子形式上之教義也而非實質上之研究。罕能與吾人以根本滿足之論證也。吾人欲實際研究孔子教義。則當以吾人爲主。而以孔子爲研究之對象。夫吾人。人也。孔子亦人也。固當先明孔子對於人生之意義及其價值。其根本主義何在。蓋孔子最認人生之價值。以爲人之能力。可以造成天下後世之善。故視箇人與國家之發展爲一體。而持進步主義。及簡性發育主義。今分別論之。

(第一) 進步主義 孔子以爲世界之進。後勝於前。故今勝於古。而自今以往。復當勝今。說春秋者。謂孔子早年從周。晚年改制。其從周者。以周之制度後出。宜跨越前代。故曰周監於二代。郁郁乎文哉。吾從周。荀卿稱法後王。楊倞注以後王指文武。亦由進化之公例。知文武之道。視前古爲文明。故可法耳。蓋五帝不相沿樂。三王不相襲禮。時勢異宜。則制度必變。此儒者之恆言也。今之守舊者。競慕古道。以爲可施行。

不知孔子當時之意。固不如此。孔子信而好古。誠博稽古道。而有所斟酌去取於其間。使一切墨守之而已。何以爲孔子。且周之制度。亦不悉因夏殷。孟子云周公思兼三王。夜以繼日。兼之云者。卽是補偏救弊。大有損益。至於苦思。僅乃得當。非推行既久。猶不能無弊。於是孔子晚年。始易從周之志。爲變周之志。仲董舒曰。春秋變周。其初欲擇於古道以變周。後乃決然更立新制。公羊學者以春秋爲孔子改制之書是也。孔子曰。先進於禮樂。野人也。後進於禮樂。君子也。如用之。則吾從先進。其言後進爲君子。卽進化後勝於前之例。其言從先進。卽以古道變周之意也。至於其後更立新制。而成春秋改制之書。此雖公羊家之陳言。今之顯學。如井研廖氏。南海康氏。均言之綦詳。世多有其書。不煩臚述。惟就論語以徵之。

顏淵問爲邦。子曰。行夏之時。乘殷之輅。服周之冕。樂則韶舞。(論語衛靈公)

此章最見孔子改制變周之意。宋儒不甚信公羊說。而於此章。亦不能不以爲孔子改制之法也。集註引程子曰。問政多矣。惟顏淵告之以此。蓋三代之制。皆因時損益。及其久也。不能無弊。周衰。聖人不作。故孔子斟酌先王之禮。立萬世常行之道。發此以爲之兆耳。由是求之。其餘皆可考也。又引尹氏曰。此所謂百王不易之大法。孔子之作春秋。蓋此意也。孔顏雖不得行之於時。然其爲治之法。可得而見矣。孔子所改制度之良否。今姑不論。然可知孔子固不墨守古之道。亦不附和今之道。惟以改變日趨於善爲主。此固由所持進步主義之原則。並以己身當此改制進步之大任。而當時門人弟子。所以推尊孔子者。亦卽在此矣。

子貢曰。……夫子之不可及也。猶天之不可階而升也。夫子之得邦家者。所謂立之斯立。道之斯行。綏之



此於

(第二)簡性發育主義 最近倫理學者。以為道德之未進也。則競言羣德。道德之既進也。則惟言簡人之德。人人能發育其簡性。而擴充其能力於將來者。是德之至大者也。方孔子之時。世之言德者。亦尙羣德矣。周禮大司徒以本俗六安萬民。一曰嬖宮室。二曰族墳墓。三曰聯兄弟。四曰聯師儒。五曰聯朋友。六曰同衣服。鄉三物所教六行。曰孝友睦婣任恤。其中所舉。大半皆為羣德。如師儒朋友衣服任恤之類。咸賴國家強制以行之。是簡人自失其成德之能力。而反絀於國家之下也。至於孔子。始以簡人之德為主。以為國家天下之治。莫不由人人簡性之發育而擴充之。乃為正人與國家先後本末之序。人生之意義及價值。於是大明。大學者。孔氏之遺書也。其言簡性之發育。以至於治國平天下甚悉。蓋首在一己之明明德。因推之於親民至善。今仍列其詞。以便觀省。

大學之道。在明明德。在親民。在止於至善。知止而后有定。定而后能靜。靜而后能安。安而后能慮。慮而后能得。物有本末。事有終始。知所先後。則近道矣。古之欲明明德於天下者。先治其國。欲治其國者。先齊其家。欲齊其家者。先修其身。欲修其身者。先正其心。欲正其心者。先誠其意。欲誠其意者。先致其知。致知在格物。物格而后知至。知至而后意誠。意誠而后心正。心正而后身修。身修而后家齊。家齊而后國治。國治而后天下平。自天子以至於庶人。壹是皆以修身為本。其本亂而其末治者否矣。其所厚者薄。而其所薄者厚。未之有也。

孟子曰。人有恆言。皆曰天下國家。天下之本在國。國之本在家。家之本在身。蓋天下國家。無不由身心之

本而推之。此是承孔子之教義也。孔子深信人生之價值。與箇人之能力。論語記冉求曰。非不說子之道。力不足也。子曰。力不足者。中道而廢。今女畫。又曰。有能一日用力於仁矣乎。我未見力不足者。蓋有之矣。我未之見也。曾子曰。士不可以不弘毅。任重而道遠。仁以爲己任。不亦重乎。死而後已。不亦遠乎。夫治國平天下。皆仁之事也。使箇人不自盡其力。未有不足以任之者。其持箇性發育主義如此。故又曰。不患無位。患所以立。不患莫己知。求爲可知也。又曰。夫仁者己欲立而立人。己欲達而達人。則凡立人達人之事。不過以成己之所欲。尤視己身之所以立者如何耳。商周以來。伊尹太公管仲之倫。皆主法治。大抵以爲國家之法令既明。斯政理可臻。至孔子則謂雖爲政之人。亦必以己身之箇體爲主。其餘猶未乎云爾。今掇錄論語數章如下。

季康子問政於孔子。孔子對曰。政者正也。子帥以正。孰敢不正。(顏淵)

季康子患盜問於孔子。孔子對曰。苟子之不欲。雖賞之不竊。(同上)

季康子問政於孔子曰。如殺無道以就有道何如。孔子對曰。子爲政焉用殺。子欲善而民善矣。君子之德風。小人之德草。草上之風必偃。(同上)

子曰。其身正。不令而行。其身不正。雖令不從。(子路)

子曰。苟正其身矣。於從政乎何有。不能正其身。如正人何。(同上)

子路問君子。子曰。修己以敬。曰如斯而已乎。曰修己以安人。曰如斯而已乎。曰修己以安百姓。修己以安百姓。堯舜其猶病諸。(憲問)

然則孔子之論政治無不自其箇人主義而貫徹之。雖與家國天下並舉。必以己身為本。其分辨甚明。己身之修養。始於心意。其條理繁密。吾既有身。吾既有心。但充實其力而不自盡。亦何事不可為者。此孔子箇性發育主義之大略也。

孔子既持進步主義。與箇性發育主義。然進步發育。至於何點。則仁是也。故仁為進步發育所至之目的。惟欲達此目的。又不可不先養成其人格。人格之中心。即君子是也。今分述孔子之仁論及君子論於下。

甲、仁論

程子曰。仲尼只說一箇仁字。孟子開口便說仁義。蓋自孔子以前。罕專言仁者。故仁為孔子特標之目的也。孔子視仁至重。於門弟子中。未嘗輕許以仁。嘗謂雍也可使南面。而又曰不知其仁。孟武伯問子路再求公西華。亦曰不知其仁。惟許顏淵三月不違仁而已。又曰若聖與仁。則吾豈敢。蓋猶謙遜不自居於仁也。自堯舜禹湯文武周公以外。千有餘載之間。其所稱為仁者。不過微子、箕子、比干、伯夷、叔齊、管仲數人。則仁若是其難也。雖然。仁是總名。若就論語言仁者。實際分析其義。約有五種。

(一) 仁為利澤之義。凡開物成務。使天下蒙其利。被其澤者。謂之仁。今引論語證之如左。

子曰。如有王者。必世而後仁。(子路)

子張問政於孔子。孔子曰。能行五者於天下。為仁矣。請問之。曰。恭、寬、信、敏、惠。恭則不侮。寬則得眾。信則人任焉。敏則有功。惠則足以使人。(陽貨)

子貢曰。如有博施於民。而能濟眾。何如。可謂仁乎。子曰。何事於仁。必也聖乎。堯舜其猶病諸。(雍也)

子曰。桓公九合諸侯。不以兵車。管仲之力也。如其仁。如其仁。(憲問)

子曰。管仲相桓公。霸諸侯。一匡天下。民到於今受其賜。微管仲。吾其被髮左衽矣。(同上) 已上論管仲之仁而稱其民到今受其賜亦是利澤廣被之意

(二)仁爲重厚之義。以論語證之。

子曰。君子篤於親。則民興於仁。故舊不遺。則民不偷。(秦伯) 已威註以爲君能厚於親。屬不遺忘其故舊。則民皆化之。起爲仁厚之行。不偷其薄。

子曰。里仁爲美。擇不處仁。焉得知。(里仁) 集註謂里有仁厚之俗爲美。

子曰。人之過也。各於其黨。觀過斯知仁矣。(里仁) 程子曰。人之過也。各於其類。君子常失於厚。小人嘗失於薄。君子過於愛。小人過於忍。已上據諸家註。皆以仁有厚義是也。

(三)仁有慈愛之義。以論語證之。

樊遲問仁。子曰。愛人。(顏淵)

宰我問曰。仁者雖告之曰。井有仁焉。其從之也。子曰。何爲其然也。君子可逝也。不可陷也。可欺也。不可罔也。(雍也) 孔安國註。宰我以仁者必濟人於患。難故罔有仁人。墮井將自投。下從而出之否乎。

(四)仁爲敬恕之義。以論語證之。

仲弓問仁。子曰。出門如見大賓。使民如承大祭。己所不欲。勿施於人。(顏淵) 上二句是敬。下二句是恕。

樊遲問仁。子曰。居處恭。執事敬。與人忠。雖之夷狄。不可棄也。(子路)

(五)仁爲克己之義以論語證之。

顏淵問仁。子曰。克己復禮爲仁。一日克己復禮。天下歸仁焉。爲仁由己。而由人乎哉。顏淵曰。請問其目。

子曰。非禮勿視。非禮勿聽。非禮勿言。非禮勿動。顏淵曰。回雖不敏。請事斯語矣。(顏淵) 左傳昭十二年記孔子論楚靈

王辱於乾谿之事亦曰古也有志克己復禮仁也信善哉楚靈王若能如是豈辱於乾谿

右所舉五端。惟慈愛爲仁之本義。餘義皆自慈愛孳生。而克己一義。尤爲後儒求仁之本。克己之說。古有異訓。孔安國以爲身能反禮。則爲仁矣。蓋訓克爲能。馬融曰。克己約身也。邢昺疏據劉炫之說。以爲克訓勝也。已謂身也。謂勝去嗜慾。反復於禮也。朱子集註因之曰。克勝也。已謂身之私欲也。按已含私義。各國皆然。如英語 Self 爲己。Selbst 卽爲私。德語 Selbst 爲己。而 Selbstheit 爲私。故克己之義。與禁欲相近。亦其常義然歟。於是周子通書。以無欲爲學聖之要。其言曰。聖可學乎。曰。可。曰。有要乎。曰。一爲要。一者無欲也。無欲則靜。虛動直。靜虛則明。明則通。動直則公。公則溥。明通公溥。庶矣乎。明通公溥。卽寓仁意。成聖成仁。無欲爲要。所謂克己是後儒求仁之本者此也。

孔子又嘗以知仁勇並稱。曰。仁者不憂。知者不惑。勇者不懼。又曰。好學近乎知。力行近乎仁。知恥近乎勇。中庸以知仁勇爲天下之達德。蓋孔子之時。世之所通稱爲德者。知仁勇三者而已。孟子始以仁義禮智爲四端。董仲舒始以

仁義禮智爲五常孔子尤重視仁。且知與勇亦爲達於仁之途焉。凡仁之爲道。所以貴者。在使人人實被其澤。若

徒有仁之意。仁之名。按之不見實效者。皆不足與於仁也。從并救人。其意未嘗不仁也。而於事無濟。則不智不足以成仁也。仁者必有勇。若無勇。雖知其仁。而不能毅然行之。則不勇不足以成仁也。必合智與勇。

而後仁之效可覩矣。故孔子兼稱知勇而以仁爲主。由一身之克己復禮。以至於治國平天下。莫非仁之事。莫非由人人箇性擴而充之。此孔子一貫之道也。

乙、君子論

夫進步至何程度。箇性發育至何程度。莫不曰至仁而止矣。然仁之所以能成者。雖假於智與勇以達之。又非先修養其特殊之人格。固莫能與於此也。孔子蓋本其教育主義。以爲人格可以修養而致。故曰有教無類。自非下愚。殆無不可移者。人格不能無高下。猶吾人同學於一校之中。而成績不能無優劣之差。此非盡由於材性之異。亦修養之勤惰則有然也。於是孔子決然以修養人格爲成德之主。孟子嘗謂樂正子爲善人信人。而因論人格之等曰。可欲之謂善。有諸己之謂信。充實之謂美。充實而有光輝之謂大。大而化之之謂聖。聖而不可知之謂神。聖神爲功化之極。不可易幾。故孔子立君子爲人格之標準。君子者中材而盡力於修養。則或可勉而至也。然如何斯可謂之君子矣。今就論語所謂君子者。實際考之。

(一) 君子者。有美之修養者之稱。

子曰。先進於禮樂。野人也。後進於禮樂。君子也。如用之則吾從先進。(先進)

子曰。質勝文則野。文勝質則史。文質彬彬。然後君子。(雍也)

朱子集註。野人謂郊外之民。君子謂賢士大夫。賢士大夫於美之修養。固宜勝郊外之民。是以謂之君子。此就人格一端之進化言之也。孔子雖重質。然不文則野。文之字義。實含美之修養之意。故不得不以美爲君子一種之特質也。孔子謂子夏曰。女爲君子儒。無爲小人儒。子夏本傳文學。而有偏於美之弊。是以

荀子曰。正其衣冠。齊其顏色。曠然而終日不言。是子夏氏之賤儒也。蓋君子誠不可無美之修養。而尤以道德之修養爲貴矣。

(二)君子者。有道德之修養者之稱。孔子嘗曰。君子求諸己。小人求諸人。何晏註。君子責己。小人責人。皇侃疏。以爲求責也。君子自責己德行之不足。不責人也。蓋君子之所求者。惟在一己道德能力之發育。卽簡性發育之謂也。然君子道德修養之內容。亦有數種。

甲、君子貴實行。不貴空言。列證如下。

子曰。君子食無求飽。居無求安。敏於事而慎於言。就有道而正焉。可謂好學也已。(學而)

子貢問君子。子曰。先行其言而後從之。(爲政)夢溪筆談曰。先行當爲句。其言自當後也。

子曰。君子欲訥於言而敏於行。(里仁)

子曰。君子恥其言而過其行。(憲問)

乙、君子尙義。列證如左。

子曰。君子喻於義。小人喻於利。(里仁)

子曰。君子之於天下也。無適也。無莫也。義之與比。(同上)

子路曰。君子尚勇乎。子曰。君子義以爲上。君子有勇而無義爲亂。小人有勇而無義爲盜。(陽貨)

丙、君子必謙遜。列證如左。

子曰。君子無所爭。必也射乎。揖讓而升。下而飲。其爭也君子。(八佾)

子曰：君子矜而不爭，羣而不黨。（衛靈公）

下君子動作，依於良心，內省不疚，故恆得其樂。列證如左。

子曰：君子泰而不驕，小人驕而不泰。（子路）

子曰：……人不知而不慍，不亦君子乎？（學而）

子曰：君子坦蕩蕩，小人長戚戚。（述而）

於是孔子乃綜論君子之全體曰：君子義以爲質，禮以行之，孫以出之，信以成之，君子哉。又曰：君子不器。蓋君子爲成德之名，箇性發育之標準，故體無不具，而非僅限於一材一藝者也。自君子而益進焉，則至於聖人不難矣。


已上就孔子之教義，見於論語者，分析條理之。蓋以進步及箇性發育爲根本主義，仁者其目的也。君子能達此目的之人格也。至於孔子之道之廣大精微，古今論者極衆，茲不復鋪陳，但約舉關於人生範圍者如此。惟列論語爲證，自餘繁文並不取焉。學者卽是而深求之，可以自觀其會通矣。



# 世界體育最優之成績

一百邁當賽跑	美國人克雷	十秒又十分之七
二百邁當賽跑	美國人哈恩	二十一秒又五分之三
四百邁當賽跑	美國人雷特拍史	四十八秒又五分之一
八百邁當賽跑	美國人梅雷狄史	一分五十一秒又十分之九
一千五百邁當賽跑	英國人傑克生	三分五十六秒又五分之四
三千邁當賽跑	芬蘭人柯爾梅能	八分三十六秒又十分之九
五千邁當賽跑	芬蘭人柯爾梅能	十四分三十六秒又五分之三
一萬邁當賽跑	芬蘭人柯爾梅能	三十一分二十秒又五分之四
一百十邁當跳欄	美國人史密生	十五秒
四百邁當跳欄	美國人倍根	五十五秒
一萬邁當競走	加拿大人孤爾丁	四十六分二十八秒又五分之二
遠跳	美國人葛探生	七邁當又百分之六十
高跳	美國人列楷資	一邁當又百分之九十三
撐竿跳	美國人拉卡克	三邁當又百分之九十五
拋鉛錘	美國人麥克拉斯	五十四邁當又百分之十三
拋鉛球	美國人麥克登拿	十五邁當又百分之三十四

圖 略 機 行 飛 式 翁 雷 布



1 飛行機  
2 推進機  
3 翼  
4 尾翼  
5 尾輪  
6 方向舵  
7 定輪

# 最近世界中戰 (續)

廖惕園

## 第二章 飛行機之構造

### 第一節 構造要旨

飛行機之重要部分曰翼。曰機體。翼受空氣抗力。故能將乘機人員與種種器械。使之飛揚於空中。機體如航空船之吊籠。可設乘機者之座位。及裝置發動機。與供其他一切要用。

### 第二節 飛行原理


(一) 飛揚力 飛行機既無如航空船之氣囊。而其各部材料。俱較空氣為重。乃能飛行空中。其理似屬難解。然天下極深遂之理。恆寓於極淺近之事。特吾人習而不察耳。

春風送暖。芳草如茵。閒行綠野。縱目郊原。恆觀二三兒童。弄紙鳶為樂。持線疾奔。紙鳶漸高。未幾遂如鶯燕。翱翔空際。此何故歟。蓋紙鳶之面。對於氣流。適成斜交。既受空氣之抗力。故能飛揚於空中。若易發動機與推進機。以代兒童之疾趨。則其結果。亦必無異。飛行機飛揚之原理。如是而已。

翼與水平面。常作極微之角度。稍形仰起。若以發動機。迴旋推進機。則飛行機

下方之車輪即如自動車（汽車）疾走於地面。迄速度既大。乃飛揚於空中。故飛行機以大速度而飛翔。以小速度而下降。其離地與着地之際。速度略小。須滑走於地上。滑走之地面。須二〇或五〇密達。此飛機之要點。亦即飛機之缺點也。

（二）安定 翼之傾斜。宜常使如一。偏左偏右。俱非所宜。此實安定之要件。然欲保一定之位置。恆有賴於後翼。其關係如次。



G 為飛行機之重心位置。

橫線為水平

翼與尾之關係。有如 A 圖。翼以飛行之故。為適度傾斜之時。則尾恆成水平。

其次翼若稍低。則其關係。有如 B 圖。因翼之傾斜減少。故空氣抵抗尾之背面。使尾低下。卒至復如 A 圖。


反之若翼之傾斜加增。有如 C 圖。則空抵抗尾之下面。使尾向上。而復原定之位置。

由此原理。故縱方向之安定。可由尾之作用。而成自動。若加以尾舵。則可任意增減翼之傾斜。而使飛行機上昇或下降。

左右安定。實飛行機之要件。或於翼之兩端。裝置輔助翼。或由操縱者之操作。加增下方空氣抗力。以修

正左右之傾斜。二者之外。無他良法。

第三節 飛行機之運動性



在單翼約二〇啓羅格蘭姆。

(一)速度與飛揚力 飛行機之飛揚力。由翼面所受之空氣抗力而生。飛揚力之大小。由翼之面積。形狀。傾斜。及速度等而定。茲假定P為飛行機之全重量。S為翼之面積。l為翼之傾斜。V為飛行機之速度。K為翼形狀之係數。H為飛揚力。則  $H = KSV^2 l$

而飛揚力等於飛行機之全重量。故


$$P = H = KSV^2 l$$

用 軍 飛 行 機  
(一)單翼與複翼之比較 複翼飛行機之翼面積。較單翼為大。故其飛揚力亦大。單翼之翼面積小。故其速度。不得不大。所以每小時之平均速度。在複翼約六〇至七〇啓羅密達。在單翼約八〇至九〇啓羅密達。惟特種單翼飛行機。有每小時飛行一二〇至一四五啓羅密達者。

飛揚力對於翼面積。每一平方密達在複翼約一六啓羅格蘭姆。

飛揚力與翼傾斜之關係如次。

翼傾斜增加→飛揚力增加→上昇



翼傾斜減少→飛揚力減少→下降

(二) 昇騰高度 若得完全之發動機。則稍增翼之傾斜。可上昇太虛。特最高空界之空氣。缺乏酸素。操縱者之呼吸。必覺困難。發動機之迴旋。亦易生障礙。故高度為之制限耳。

軍用飛行機之速度大。而形體小。不易命中。故軍用飛行機。以一〇〇〇至一五〇〇密達。為空中安全高度。

#### 第四節 軍用飛行機之能力

飛行機之活動半徑。與攜行之燃料油量。有密切關係。發動機之重量。每一馬力。約重二啓羅格蘭姆。燃料油與航空船。同一馬力。每時需〇啓羅格蘭姆三五〇。故若有熟練之操縱手。則得一機〇〇至一五〇啓羅密達之活動半徑。殊易也。


#### 第五節 飛行機之建造費

飛行機之重量。(除却燃料及人員之重量) 每一啓羅格蘭姆。約需二十二元。乘機者與燃料。及其他積載量。約為飛行機重量五分之三。

搭載量有三〇〇啟羅格蘭姆。燃料油需一〇〇啟羅格蘭姆之飛行機。其重量為 $100 \times 3 = 700 \times 3$ 。其經費為  $700 \times 22 = 15400$  元即一五四〇元也。

第六節 發動機

圖機翼複式曼爾華利亨  
BIPLAN HANRY FARMAN-  
TYPE MILITAILE COURANT



- A 主翼
- B 滑走機
- E 固定尾翼
- A' 愛倫
- F' 尾部滑走機
- B' 主體
- G' 方向舵
- D' 前部昇降舵
- G'D' 操縱桿
- L' 操縱機
- P' 發動機
- M 操縱員座位
- P' 同乘者座位
- R' 滑走用車輪
- T 油槽

此機可供軍用

發動機之難  
點首在冷却  
法法國初用  
空氣冷却法  
之發動機。因  
此機無須放  
熱器及唧筒  
水管等。重量  
較輕。特冷却  
力不甚完全。

不適於長距離之飛行。

美國賴梯式及德國之飛行機。多採用水冷却法之發動機。因此機重量雖增。而冷却法甚完全也。

至近日始發明迴旋發動機。足補空氣冷却法之缺陷。多年之發動機問題。至是始得解決。此機之圓筒

外被。旋轉於固定軸之周圍。每分間約一千二百回。故應行冷却之圓筒外部。因速度極大。觸外部之空氣甚多。熱力俱放散於外部空氣。故易冷却也。



圖 國 式 W. F. D. 單 翼 之 飛 行 機

迴旋發動機完全裝製之後。其重量每一馬力。僅一至一五。德啟羅格蘭姆而已。若水冷却法發動機。則同一馬力。而其重量。須由二五至三啟羅格蘭姆。

#### 第七節 單翼與複翼之優劣

一九〇九年以前。凡距離持久力。高度。速度。同乘人數。以複翼為最優。今則速度。距離。當推單翼矣。然同乘人數之多。究非單翼所能及。尤為複翼之特長。此外尚有優點如次：(一)飛行安定。勝於單翼。(二)能以緩速力下降。可免着地時之危險。(三)操縱甚易。(四)展望前面與下部。甚為便利。(五)有如上諸利。故適於偵察之用。至單翼亦有優點如次：(一)無須廣大地面。(二)適於急用。(三)分解運搬。極為便利。(四)有如上諸利。甚適於由艦上飛行。

#### 第八節 飛行機之軍事價值

其在平時。則凡關於港灣要塞之諜報。均極詳確。迄開戰之初。則可以偵察敵軍之騎兵部隊。及其國境。

守備兵與夫敵軍信號及無線電信所之位置。及兩軍既相見於疆場。則效用尤廣。略舉如次。

- (一)可由空中觀測我軍砲兵射擊之確正與否。且同時可誘敵軍砲火於空中。
- (二)可破壞敵軍航空機庫。兵站。糧台。鐵道。橋梁。及其他重要機關。
- (三)可投炸彈於敵入首都。以寒敵膽。而亂其秩序。
- (四)可越海以襲擊敵國港灣要塞。及其海軍根據地。并可偵察水雷及其他海中設備而破壞之。
- (五)可加入海陸之追擊戰。而收完全戰勝之效。

#### 第九節 德國軍用飛行機之能力

德國航空總監。曾於一九一三年。公佈政府購入飛行機之條件。可供吾人參攷。節錄如次。

- (一)飛行機之材料。須用德國物品。製作須由德國工廠。
- (二)操縱者。觀測者。須有適當坐位。可以自由交換意思。而無須觀測者操縱。
- (三)防風設備。須極完備。俾不礙諸種舉動。應具貯炸彈庫。應具發炸彈機。應有照像設備。
- (四)須有極良之自動安定設備。
- (五)晴雨表。羅針盤。飛行距離測定機。及計秒表等之設備宜良。鞭擊油庫等。應得由操縱者。便宜處理。
- (六)固有速度。最少每時九〇。啟羅密達。水平飛行時。應可緩至七五。啟羅密達。
- (七)機之寬。不可過一四密達。五。長。不可過一二密達。高。不可過三密達。五。所以圖機庫之便利也。

(八)應能攜帶繼續飛行四時間之材料。

(九)發動機不可超一百馬力。

(十)發動機用之材料容器不可置於乘機者之上及後面。

(十一)須有起動機及迴旋設備。

(十二)「波羅倍拉」之尖端不得下於地上四五碼的以下。

(十三)十五分間須能上達八〇〇密達之高空。

(十四)飛揚之際。發起點不得用助手。其滑走距離。在水平地。不得過一〇〇密達。降下之際不得過八

〇密達。

(十五)負擔力至少應具二〇〇啟羅格蘭姆。(但此中雖將乘者之重量算入。而發動機用材料。及其他器械用具之重量。尚不在內。

(十六)折開結構。須極迅速。應以五人用二時間結構。用一時間折開爲標準。又應可以火車馬車搬運。

(十七)須能停至發動機。自五〇〇密達高空滑降。

(十八)對於天候。應不受損傷。

(十九)須有暫時停止發動機音響之設備。

綜觀上列諸條。德國飛行機之能力。概可知矣。其中最宜注意者。共有數事。(1)制限飛行機之容積。(2)速力僅求九〇啟羅密達。(3)欲於十五分間上昇八〇〇密達。

### 第三章 有網氣球

有網氣球。又稱繫留氣球。自航空船發明而後。有網氣球似可廢去。然就戰術上觀之。則其特長。有不可湮沒者。兩軍相見之際。有網氣球上之觀測將校。得以報告。通知司令部。司令部亦得以司令官之意見。傳達球上。遇有疑難。得以電話書函直接質問。凡此種種。皆有網氣球之特長。蓋無線電報。雖甚迅速。然今日尚未進步至如書函之便利。故其特長。直遠勝於航空船也。茲將其構造略述如次。

(一)球狀氣球 球皮須具三種性質。(一)輕。(二)密。(三)韌。德國以棉布爲球皮。法國以絹布爲球皮。英國則取動物腸膜。製成膜皮。以爲球皮。球皮既成。塗以漆或橡膠。以防氣洩。橡膠尤宜於棉布。大氣球用二層。而施橡膠於中間。小氣球一層。施橡膠於內面。

有覆網單氣球。而吊籠懸於覆網。吊籠之高。自一密達二五。至一密達五〇。底面積約二平方密達。可乘三人。其形狀以四方爲宜。

球皮之頂有瓣。下降時則開之。以洩氣體。


有一〇〇密達之長網。并多數短網。結於覆網。以供操縱。上昇則其網下垂。着地則網先抵地。由是和緩降下速度。減小水平方向速度。

氣球常爲旋轉之側方運動。足防礙觀測者之動作。且每秒風力。若有一〇至一二密達之風速。則不能效用。惟德國所發明之紙鳶式氣球。能祛此弊。

(二)紙鳶式氣球 此式以兩端爲半球形之圓牆氣球。如紙鳶之狀。懸於空中。其昇騰角度。對於水平

線。自三十至三十五度。故風力足助其上昇。

圓牆之長約一五密達。中徑約六密達三二。全長約二一密達三二。容積約六〇〇立方密達。



風之方向而已。昔德軍圍困巴黎之際。法國之隻眼勇將剛必達。曾乘之逸出重圍。頗有名於歷史。然今則惟好事家用以供娛樂而已矣。故略之。

第五章 軍用紙鳶

球 氣 式 鳶 紙

圓牆之下。設空氣室以防變形。頭部設自動瓣以防破裂。下部有舵囊。風入囊脹。足保安定。尙有小帆在中央之後。有尾在後端。俱足維持安定。此式不用覆網。而用廣帶。帶纏於氣球縱方。而吊籠則連結於帶。

第四章 自由氣球

自由氣球者。非能自由航空。乃任風自由之義也。蓋既無發動機與推進機。故其上下運動。則由棄沙而上昇。由洩氣而下降。其水平運動。則一任

吾國漢初已發明以紙鳶視察敵狀。遠在西人紀元二百年前。奈後人不加研究。遂任作兒童玩物。殊可慨也。一八九五年。奧人哈葛拉波氏。發明箱形紙鳶。嗣後研究。益有進步。一九〇九年。法國航空俱樂部。懸賞金一萬佛郎。以為獎勵。其條件如次：(一)搬運及操法。須極簡單。(二)最少當於風速每秒十密達之時。將觀測者一名。上昇至三百密達。(三)飛揚時間。最少須能於空中停止十五分鐘。此獎為礮兵大尉馬德耀所得。



現在各國所用之軍用紙鳶。係以數箇小箱形紙鳶。互相連結。視風速之大小。而增減紙鳶。以求所要之飛揚力。如法國沙孔愛大尉之紙鳶。當風速十密達之時。則以小紙鳶十箇。以求四

〇〇啟羅格蘭姆之牽引力。(上昇觀測者一名。平均需四百啟羅格蘭姆之牽引力。)小紙鳶一箇之面積。以十平方密達計之。則風速八

密達時之飛揚力。為  $300 \left(\frac{8}{10}\right)^2 = 230 \text{ Kg}$  即欲得二百啟羅格蘭姆之牽引力。須用小紙鳶十六箇。又風速十五密達之時。則  $400 \left(\frac{15}{10}\right)^2 = 900 \text{ Kg}$  欲得四百啟羅格蘭姆之牽引力。僅須小紙鳶五箇足矣。(未完)

香 薯 蟲 之 形 會 場



巴拿馬萬國博覽會場中之巨蟲

辛農

巴拿馬萬國博覽會中有科學家數人近造一碩大無朋之香薯蟲。陳列於園藝館中。作仰臥狀。其顎足二部。皆能活動如生。而即以顎部爲游人出入口。其內部設有電燈。安樂椅。衛生管。以及種種便利之品。并備有活動影戲。專演此蟲爲害之事實。以見此蟲貽禍之烈。其窗在目部。目作複眼狀。藉以表示此蟲於同一時間。可以周覽各處云。

蟲長四十英尺。廣二十英尺。自底部至足端高四十英尺。其外體係用煤氣管製成。裹以帆布。有條紋。作赭褐色。足顎及觸角各部。各附氣囊。由長管通以空氣。於是此三部受空氣之壓力。均能活動。中間有室凡三。其最大者在體部。專備演影戲及演講之用。其在胸部者。用備遊人憩息之所。四周均列座位。凡演說蟲害等事。均於此舉行之。并聞由此可達腔部焉。

# 德國軍備主義之影響

譯美國科  
學雜誌

翁長鍾

軍備主義者保衛國家之謂也。歐洲各國壤地相接，偶起齟齬，戰禍立至。故注重國防，擴充軍備，爲立國於歐洲者，勢不容已之事。譬若德國，四境皆雄視之仇敵，其邊疆毗連奧、俄、法、比、荷蘭、丹麥、瑞士等七國，北隔海則鄰挪威、瑞典，西隔海則鄰英倫。此環居之仇敵，影響如何，不待遠稽古史，始能洞悉。卽近觀美國成事，已足恍然。蓋美國僻居西半球，北接坎拿大，南連墨西哥，南北僅兩鄰國，而立國以來，已屢有爭端。屢有戰禍，如阿拉斯加境界問題，如漁業爭執問題等，皆是。若以一國處衆邦之中，則其紛擾不知更當如何矣。然德國前後戰事，竟寥寥無多，此吾人所深爲奇異者也。

余於德國軍備主義，敢立一界說曰：德國軍備主義者，乃以科學藝術及最嚴密之組織，最完備之管理，施用於保衛國家之一途之謂。德國軍備主義之特點有二：一曰徵兵制度，一曰常備軍。

徵兵制度之優點，在使保衛國家一事，不爲少數募兵之專職，而爲全國人民應盡之義務。故德本聯邦其勢渙散，而自歐戰開幕以來，則全國如一人上下，同一心。雖弱至婦孺，賤至輿臺，亦莫不懷敵愾，同仇之心。蓄馬革裹屍之志，以爲財產生命無不宜爲祖國犧牲，而箇人之需要與痛苦，則皆當置之度外。其所朝夕馨香祝禱者，戰勝之榮譽而已。

德國之常備軍，美國學者稱爲全世界最大之平民大學。驟聞此語，若甚可奇實，則徵兵制度也，強迫軍

役也。皆所以使常備軍爲德民之軍隊。而不爲德皇之軍隊。故德軍爲德民而戰。非爲德皇而戰。德國之軍備主義。則德民全體之軍備主義。而非德皇一人之軍備主義也。德國之民。無論貴賤貧富。均以入軍籍。衛社稷爲榮。雖服軍役之時。須嚴守紀律。不可或怠。而彼等不以爲苦。雖學士與農工雜居一處。無分階級。而彼等不以爲羞。彼等退伍之後。對於守時。正確。清潔。及服從。諸德之重要。均能真知灼見。而箇人不過爲大機中齒輪之一輪齒之義。亦能了解。入軍籍之人。有智愚強弱之不同。愚者則教之以讀書。寫字。弱者則使之練健身之術。是故軍營不啻一學校。與體育會也。凡在伍時所學之種種功課。至退伍後。皆牢憶不忘。紀律也。秩序也。體操之要也。莫不深入腦際。以左右其思想與行動。

勞動之人。曾在常備軍中受訓練者。最能見重於廠主。自効於實業界上。因既有清潔。正確。守時。秩序。及守紀律之諸德。則自能循規蹈矩。盡其職守也。說者謂德國各項實業之發達。由於工人之有訓練所致。良非虛語。在昔一八九三年之時。化學大家卡洛博士嘗著德國黑煤油業之發達論。登於德國某報。盛稱德國之強盛。由於曾受軍事教育之工人云。

德國之軍備主義。夙昔即承認工人之生活及康健爲一國富強之緊要分子。故歷年以來。保護工人之立法。甚形發達。世界各國咸從而效法之。即如美國。可謂免於軍備主義者矣。然對於保護工人一項。猶且步武德國。當紐約州總督格拉愛痕氏充再選候補員時。追述其在任時之政績曰。余任內所通過之各議案。以工人撫卹律爲最關痛癢。觀於氏言。即可知美國之嘗得益於德國矣。工人撫卹律以及疾病死亡。年老不測等律。所以維持工人之經濟狀況者。皆德國軍備主義體卹工人及愛護工力之直接結

果。其用意之美。立法之良。世無從而訾議之。更無從而排斥之。故雖以洛特佐治之仇視德國。猶不免抄襲其軍備主義所立之法。以利英國之工人。德國之中。有無數國立及省立之調養院。肺癆醫院。及各種病院。推其所以如此之多。則不外德國之關心工人衛生與改良工人境況而已。

總上所述。皆德國工界所受於軍備主義之賜。今更述其對於農業界之影響。其對於農業之影響究竟如何。可以「平均農工兩界之利益」一語概括之。

德國既大張軍備主義。知一旦有事。通商斷絕。不獨軍隊有乏糧之憂。且人民有斷食之虞。於是培植農業。不遺餘力。冀戰時不為食糧問題所困。以尋常之原理言之。工與農為互相敵對。其勢非可並長。蓋工界欲購賤物以供工食。而農界則欲索高價以售產品也。然德國於此。竟能將衝突之二利調和而歸於一致。其法於稅課一項。採取互讓主義。使工農兩業均能發達於其下。此蓋一種彼此遷就之政策。為德國現世大政績之一。自其政策勵行。而德國遂真能為最大多數人民增最大幸福。至於今日。農業一項。蒸蒸日上。德民之食。已可不恃外品。以視英國之棄土不耕。生活所需。轉求之於異國者。其相去不可同日而語矣。

德國之農業既賴軍備主義之力以提倡之。復有一般學者竭智殫精。促其進步。幾至地無棄利。土無餘力。故國中墾地畜牧等事。均自成一科學。此外化學植物學等科。復從而資以新理新法。於是稼穡之程度。殆高不可及。德人嘗培養植物。能使之適於各種氣候與泥土。又嘗改良種子。能使之蘊蓄莫大之生長力。德當十九世紀之初。製甜菜糖時。其甜菜所含糖質不過百分之四。以後逐漸改良。至今遂有百

分之二十二。此種甜菜之子。運銷全球各國。備受歡迎。當此歐戰正酣。其種子未必能輸出國外。故昔日資之以產甜菜者。恐不能及時下種。以備來年之收穫矣。此甚可惜者也。

德國初無番薯。後由美國輸入。自播種以來。種法已迭有改革。故今日德國有兩種番薯。其一富於淡素水化物而缺於淡氣。有釀酒之用。其一富於淡氣。有供食品之用。播種番薯。本美先於德。然美人此道不講已久。所產番薯。實際上無生種子之能。故今日翻向德國購番薯種。以資播種。此則大奇特奇之事也。德國之土雖耕種已逾二千年之久。其生產力猶較合衆國及坎拿大之新壤爲富。此德人研精肥料學之所致也。合衆國內紐英倫及紐約二州。荒蕪之地。彌望皆是。在德國則此種地土絕無。而僅有。彼都人士所研究之化學。不僅授農人以科學的施肥法而已。且能發明各種人造肥料。以供其用。故於肥料一事。多所改革。多所進步。此亦由其主張軍備主義之眼。光遠大所致也。

農業中最要之一物。係淡氣肥料。即人造之肥料。灌輸淡氣於土中者也。製造淡氣肥料最要之物爲噶吡噶強鹽。噶吡噶強鹽由硝石而得。硝石則運自南美。硝石又爲製造硝酸惟一之生料。而硝酸則爲製造各種炸藥之主要材料。彼英法人之製造炸藥。係用畢克立酸。畢克立酸則由硝酸及石炭酸化合而得。德國人之製造炸藥。則用朶路阿里及硝酸二物。

德人既主張軍備主義。知用硝石將與己不利。他日可有二種危險。其一因一旦與鄰構釁。硝石之進口。足爲敵艦所阻。於是硝酸及炸藥無由製造。其二因農田既乏相當之肥料。產品即不能豐饒。於是民有絕糧之虞。有此二險。故德國不得不排斥外來之硝石。而別求所以代之物。

此德國之大問題也。德人如何解決之。曰德人以吸用空氣中之淡氣解決之。用此一法。即可不用硝石而製硝酸。然吸用空中淡氣之法。費用頗鉅。必行於機力低賤之地始可。所謂機力低賤之地者。即水力豐足之國是也。而德國瀑布絕。水力頗弱。其吸用空中淡氣以製硝酸之機具。勢不得不大半裝置於挪威。然挪威外國也。不在己之掌握中。故其問題未可目為全體解決。顧德國不久即發明一法。稱為海勃團合法。其法以淡氣及輕氣直接團合。自有此法之後。德國之製造淡氣肥料及硝酸。即可全然不賴外國。蓋海勃團合法之二種生料。為空氣中之淡氣及水煤氣之輕氣。德國中此二種生料。則固取之無盡用之不竭者也。按海勃團合法之層次。其先所製者為阿摩呢。阿摩呢富於肥料之性。故用硫酸阿摩呢作肥料。其功與硝石相同。惟海勃之法。亦有其不利之處。因變阿摩呢為硝酸之法。刻下尙未完全構成。然觀德國近刊。其問題似已完全解決。故以阿摩呢製造硝酸之節省的方法。不難見諸實行。德國當此歐戰期內。國內所存之硝石。悉被政府收買。以供製造硝酸及彈藥之用。其用海勃團合法所得之硫酸阿摩呢。及由化炭業副產品所得之硫酸阿摩呢。則供肥料之用。歐戰開始之時。海勃團機具所出之品。較未戰前增多一倍。因欲多製硫酸阿摩呢為肥料。使次年得有豐穫之故也。

使歐洲戰氣長此不息。德國農業前途將更有一大利焉。蓋德國年產甜蘿蔔甚多。製糖之後。類運銷於海外。今則戰焰方熾。國外商業停滯。糖不能輸出國外。故種甜蘿蔔可不必如前此之多。而產甜蘿蔔之地。土質往往最肥。不須另下肥料。即可直接播種小麥、雀麥及番薯等。故德國必將棄甜蘿蔔而種麥類。此舉見行國內。又增無數食料矣。

化炭法爲產硝酸阿摩呢之源。前曾言之矣。今德國因大張軍備主義。欲得黑煤油之產品。以製造炸藥。故其國中。由化炭法製造副產品之實業。異常發達。安息香油也。朶路阿里也。石炭酸也。米太克來蘇而也。二非尼里阿美尼也。皆爲製造彈藥主要之品。以前此種材料。德國皆由英倫輸入。在英倫一隅。此種材料皆由黑煤油所產。黑煤油則蒸煤爲燈用氣時所得。而在其他諸國。燈用氣概由水煤氣所得。德國自發達化炭業（即用惜費法蒸煤之謂）後。所有製造炸藥及彈藥之材料。皆取諸己國。不復仰給於英國矣。

石炭酸者。黑煤油產品中最要之一也。世界各國。多取給於英國。而德國則否。蓋德國以爲石炭酸之用途。甚重。可以製造炸藥。可以消毒防疫。如此一日。不可無之。物品苟己國不能產。而惟他國是求。則與己必大有不利。且虧耗良多。故自化學家發明用本國生料製石炭酸法之後。德國即開設數廠。從事於此。其法先以硫酸與安息香油化合。再以鹼和入。即成石炭酸。當黑煤油之石炭酸價漲。製造團合的石炭酸。可以獲利之時。則德人即開廠動工。若一時價格變賤。則立時停止。

德國因主張軍備主義之故。日從事於鍛鍊堅韌之鐵甲。及洞穿鐵甲之利彈。其競爭之劇烈。難以言喻。往往國有人焉。汲汲於改良鍊鋼之法。冀所造之鐵甲。能具絕大之抗拒力。然發明之告成未久。即有化學家及機械師起而製造利彈。以洞穿如是堅而且韌之鐵甲。一攻一禦。相持不下。學術以之而精進。人智以之而發達。其加惠於實業界及人民全體。豈可限量哉。

昔之製鋼也。加炭素於鐵而後成。今之製鋼也。則不以炭素而以鎳。以鑽。以錳。以鈦。以錒。以砂。用後

者之質所製之鋼。其質精純無比。惟用後者之質。必其質已提鍊至純精地步者方可。今日德國最大之鍊鋼廠爲金溪密特廠。在埃孫地方。與克虜伯廠相聯一處。所產之鋼。供製造鎗砲彈丸及鐵甲之用。德國鍛鍊鋼質之進步。令人聞之而駭異。其製造保安箱所用之合金。雖酸水素火亦不能毀損之。或爆裂之。若論其鍊成之鋼之本體。則酸素不得而侵。沸騰之合強水不得而銷。有不含磁石性者。有能抵禦電氣者。亦有具極高之抗張力者。若言其用途。則可以製汽車。製汽力平置水輪。製電氣機具。製電氣鐵道之鐵軌。製發動機及變壓器等。

鋼爲鋼中最堅之一種。今日工具多以此鑄之。德國鍊鋼業中鍊物體鋼及鍊工具鋼之競爭甚烈。幾與製鐵甲及製利彈之競爭相若。蓋物體鋼之堅質苟有進步。則所以製物體鋼爲器具之工具。勢不得不更進一步。駕而上之也。

德國軍備主義對於實業之影響。尤有衆料所不及之處。即輕氣與養氣之製造是矣。該二物原非一種大工業。然自德國汲汲講求武備以來。輕養二氣有絕大之專門價值。製造之量。歲以鉅萬。輕氣用於輕於空氣之飛機中。凡徐伯林飛機上之氣球及束縛氣球。皆須用以充實之。當此戰期之內。德國軍官時駕氣球探戰地情形。有所報告。則假軍用電話及電信傳達於司令部。故其用甚廣。

自德國軍官發明廉價製造輕氣之法。該國又發生一新製造業。其業爲何。即硬油業是也。油本流質。用輕氣鍊製之後。即成定質。其用有專門之途。售價頗高。製造肥皂。往往需之。輕氣不第可煉製硬油而已。凡下等油質。因形穢或味惡之故。不堪充食。則可煉製之爲珍貴之食品。廉價製造輕氣法之益。猶不止

於此。蓋上述海勃氏製造硫酸阿馬呢之法。所以能施諸實行而見重於該國工業者。輕氣之價廉實爲其重要之原因。是故德國因製造輕氣以應軍用之故。不期而一方面使人民多一新食品。一方面爲農界開一肥料之源焉。

鐵板一經輕養氣可燃之火或養氣與亞西台里尼氣可燃之火。即鬆軟如土。失其堅性。此理自德國發明。德國發明之後。國內製造養氣之業日益發達。至於今日。不但斬鋼截鐵用此火。即鍛接鋼鐵亦用此火。故機械之廠無不各置一養氣機具。養氣火并可燒滅摩托車上煤氣機關汽桶內之積垢。故不久各摩托車廠亦須置一具焉。

自潛水艇盛行而養氣之用途益廣。因駕潛水艇之人呼吸甚艱。須借用人造養氣故也。那脫洛琴梯脫洛克賽一氣極易壓成流質。養熱之後則全體分解。養氣出放。今用於潛水艇內者即係此氣。使非爲供給養氣於潛水艇之故。此種物質鮮有以爲可應專門之用者。而繼今以往則不獨潛水艇需此氣。凡水底工程礦內工程等皆將利用此養氣之源矣。

昔德人研究製造新炸藥而發明棉花火藥。因發明棉花火藥之故。遂振興那脫洛賽呂洛工業。曷言之。棉花火藥乃由浸棉花於硝酸中而成。其爆發力極高。幾於無可拘束。旋究得棉花受硝酸之浸漬較少。則可免於爆發之危。於是遂有少硝棉花發現。此種少浸硝酸之棉花。後遂爲假象牙工業中之要質。除製造家常器具撞球及充真象牙龜殼外。并可爲一種貴漆之留色料。除充留色料外。并可製成軟片以供攝影之用。昔之攝影也。須用笨重易碎之玻璃片。自用少硝棉花製成軟片後。則游覽之士可以人手

一具無復有笨重易碎之虞矣。活動影戲者人類消遣之惟一良品也。其影片亦由少硝棉花所成。少硝棉花雖可免於爆發之危。然終未能完全免險。故德人殫思竭精。日思所以改良之後。發明亞賽脫賽呂洛一質。其功用不減少硝棉花。而危險則絕無。此質係用棉花浸於醋酸而成。凡製造活動影戲之不燃性軟片多用之。

亞賽脫賽呂洛又有一要用。即製造特別之漆是也。其漆有特殊之性質。最適於飛機之用。故製造飛機者多用之。嗚呼。德國因研究製造新炸藥之故。而影響於工界如是之。大軍備主義之功。豈可限量哉。德國之軍備主義。又嘗解決一織物問題。曷言之。蓋德人屢次試驗。究得灰綠一色。可蒙蔽人目。若戰地穿灰綠色之軍服。則敵人無從而知。其說之是否可恃。可以今日戰爭之成績證之。當歐戰之初。德軍距敵軍在二百碼至二百五十碼之間。敵軍未曾探覺。此即軍服用灰綠色之力也。

無論在何種光綫之下。白底之紅或紅底之白。為最顯著之顏色。故德國廣告人之漆廣告牌。德國地方政府之漆路標。均用此二色。而法軍之號褲亦用紅色。若故欲令人知法軍之至者。則未審其用意。所在矣。

上文所述。不過寥寥數端。求足以表明德國軍備主義之影響。及軍備主義對於實業界所生之利益而已。若細舉而縷述之。則更罄千萬言。尙難盡也。

在英人心目中。德國之軍備主義。為一可恐可怖之物。實則此種主義。適於德民之心理。故行之而其效立睹。夫德國本缺於天產之物者。除煤鐵及苛性鉀鹽外。別無他產。而今日則居然為最強最富國之一。

居然與世界最富諸國競爭於工戰商戰之中矣。推厥原由皆此軍備主義之力也。今日德國在工商界所占之地位爲其他各國所妒視而豔羨其直接之因則立法之良善也。國用之撙節也。科學與藝術之講求也。常備軍與徵兵制度之完善也。其間接之因則軍備主義是也。

或謂德國之軍備主義不過一武人驕橫之代名詞耳。其武人之陰謀詭計好大喜功直所以使德國陷於戰爭之旋渦此說誤矣。蓋德國軍備主義最著之特色有二一爲**強迫軍役**一爲**常備軍**自德國勵行此二者以後不獨防國有精練之師而且工界商界科學界及技術界均獲有勤敏之才。余敢於此篇未終以前更爲德國之軍備主義立一界說曰**德國之軍備主義者無他卽法律秩序及公平之進步而已**



## 活動中之新法蘭西

譯英國世界報康  
章約翰約瑟原著

葉達前

世界報於一九一三年一月曾以新法蘭西之狀態貢獻於讀者諸君之前。畧謂今日之法蘭西乃一自  
 恃自信而有權力之國家。國有秩序。民享人權。所謂自由。友愛。平等。三主義者。至今日之法蘭西而臻於  
 極後。於一九一四年本報又以新法蘭西之進化概論貢獻於讀者。以明今日之法蘭西不復重文而輕  
 武。乃智體兩育並重。而法人素喜城市娛樂之心已轉而移於鄉野之遊戲。予今作此論。乃欲描寫活動  
 中之新法蘭西。此次法人從戰。雖為殘忍之敵人。所迫而出於萬不得已。然其勇敢之氣實平日尙武精  
 神所釀成。故能有明效如此也。德意志之經營戰事也。久矣。

此次戰爭乃由贖武之德意志所醞釀而成。新法蘭西雖尙武而不好鬪。故其避戰之心甚摯。苟可以免  
 戰釁而不致害其榮譽者。則法蘭西必設法以維持和平。奈德貪欲無饜。望蜀法以極有價值之康  
 哥易一毫無價值之加墨龍屬地以結德之歡心。而德猶以為未足。然法又烏能因威嚇而再讓步乎。距  
 開戰前一年之中。德每用種種政策以激法人之怒。福斯訥中尉者。年少而無禮。德人利用之以為左臂  
 而中尉又能奉承。意旨不負其職。此德太子所以滿意於其人而祝賀其成功也。總之德欲開釁。非一朝  
 一夕之故。其處心積慮久矣。故凡作戰之計畫。謀之惟恐不周。何處可置巨礮。何者應先偵探。無不先事  
 預謀。布置井然。迨弗迪南大公僞於去年六月第四日。曜日在下斯尼亞之薩刺架伏被殺。而德人乃有  
 所藉口矣。蓋德之執政躍躍欲試者。幾二十五年。今一旦得此絕好機會。其毅然決計宣戰宜也。然以法

之最勇最優之將士觀之則此固極惡之事故謂無論何國首先宣戰必具惡魔之心也奧匈者弱而無能其不敢阻撓北鄰者亦以俾士麥「奧必附我不則雖欲附我而不能」之政策至今猶遵守而奉行耳八月三日許痕男爵告法內閣總理維維安尼曰吾德今與汝法已開戰法之飛行家曾飛至德國土地則比國之中立是法國破壞之是說也其虛妄無實與俾士麥一八七零年在愛姆斯所發之電無以異夫比之中立誰破壞之固夫人知之或者德人有褻視之病故所見不能真確乎德國雖藉文字以自剖白而美國之新聞記者東自紐約西至舊金山北自杜羅特南至加伐爾斯登一致答復之曰吾儕豈不能讀法之黃皮書英之白皮書俄之橙色皮書比之灰色皮書耶夫德不嘗告比乎曰汝若不令吾假道吾將以敵人視汝然則誰為禍首固不待德之大外交家大教育家之解釋而已昭然若揭日月也德既宣戰新法蘭西頗有自信力處之泰然總統卜橫卡本欲作瑞典之遊至是乃不得不作罷而致書議會其詞甚足動人雖極端之社會黨亦將與主張神權之保王黨和衷共濟蓋兄弟鬩於牆外禦其侮對於德國公敵而國內之黨見冰消霧散矣總統於致議會書中剴切聲明凡法國所作所言無不以和平為鵠的乃歐洲諸國方在樽俎折衝之際而不圖久蓄戰志之德國忽欲乘我不備而攻擊我法則在歷史上德國斷難辭咎而法國既能自制又有持久之志吾必獲勝殆無疑義矣

內閣總理維維安尼者亦新法蘭西之模範人物也彼於八月五日以前之情狀言之甚詳謂德國蓄意乘我不備而攻我愈足顯其無公道蓋法國為和平而犧牲者甚大亞爾薩斯勞蘭割讓於德而法隱忍以維持和平者幾五十年一八七五、一九零四、一九零五、一九零六、一九零八、一九一〇、一九一一年數年之間德

國。屢。欲。挑。釁。而。法。終。力。求。和。平。今。此。種。種。和。平。計。畫。既。爲。德。意。志。躡。武。主。義。所。蹂。躪。則。法。亦。祇。能。從。德。之。願。以。干。戈。相。見。初。無。畏。懼。之。意。蓋。法。之。戰。非。僅。爲。法。也。爲。歐。州。之。自。由。權。也。故。政。府。提。出。開。戰。之。議。而。議。員。一。致。贊。成。不。加。討。論。議。會。既。贊。成。宣。戰。乃。下。動。員。令。凡。二。十。一。日。吾。人。欲。究。新。法。蘭。西。國。民。之。心。理。者。此。乃。一。絕。妙。之。機。會。一。八。七。零。之。喧。嘩。不。復。得。聞。無。誇。言。無。曲。議。出。征。之。歌。馬。賽。之。曲。唱。和。之。者。雖。出。自。衷。心。而。不。致。狂。熱。失。其。常。度。入。柏。林。入。柏。林。之。聲。亦。不。可。得。聞。蓋。人。人。具。一。爲。國。犧。牲。之。精。神。而。咸。抱。終。必。獲。勝。之。希。望。亞。加。特。也。丹。基。亞。也。康。哥。也。法。人。忍。辱。含。怨。者。八。十。年。於。茲。矣。今。得。赴。前。敵。以。雪。此。八。十。年。間。所。受。之。恥。辱。誰。不。興。高。采。烈。者。況。乎。英。俄。比。塞。皆。爲。文。化。起。見。挺。刃。相。助。以。抵。禦。孤。立。無。援。之。德。則。法。人。自。信。力。之。加。增。誰。曰。不。宜。且。法。軍。上。下。皆。能。同。心。一。德。昔。日。之。法。兵。每。嘗。議。其。軍。官。今。日。之。法。兵。則。事。其。官。長。惟。恐。不。忠。而。爲。軍。官。者。亦。深。知。其。兵。所。受。之。教。育。及。其。性。情。故。能。上。下。一。心。無。猜。無。忌。也。今。日。之。元。帥。乃。一。富。於。戰。畧。之。人。不。如。一。八。七。零。年。時。之。元。帥。體。質。羸。弱。精。神。困。憊。也。其。各。將。軍。亦。皆。深。有。閱。歷。而。曾。從。戰。國。外。者。蓋。法。國。自。帝。政。推。翻。後。凡。殘。弱。無。能。之。軍。官。隨。帝。制。而。俱。去。今。日。之。司。將。令。者。皆。勤。敏。之。人。故。其。部。下。兵。士。能。服。從。之。而。無。間。言。也。

法。之。兵。士。素。爲。人。所。尊。敬。自。動。員。令。下。後。凡。法。兵。踪。跡。所。至。無。不。受。人。歡。迎。無。論。貧。富。居。民。爭。欲。在。効。力。疆。場。者。之。前。有。所。貢。獻。故。商。人。爲。之。減。價。浣。女。不。肯。受。值。而。屬。地。軍。之。操。演。於。野。外。者。得。主。婦。之。許。可。得。借。其。別。墅。而。居。之。凡。此。皆。足。以。證。明。人。民。待。兵。之。厚。又。有。一。事。爲。吾。人。所。當。注。意。者。則。法。蘭。西。之。婦。女。亦。受。兵。士。之。感。化。從。未。大。聲。號。哭。是。也。當。其。父。兄。丈。夫。臨。別。之。時。妻。子。姊。妹。未。嘗。不。暗。自。下。淚。也。然。在。其。父。

兄丈夫之前無不樂贊其爲國犧牲者嗚呼馬加皮之母斯巴達之婦其果勝於一九一四年之法國婦女邪去年八月非法軍最困難之時乎然法軍之優點卽於斯可見固不待瑪恩之勝也德軍雖神速然卒在夏婁洛被阻而退於此可見活動中新法蘭西之一斑矣總之境遇愈艱立志亦愈堅斷不因前途險惡而爲之氣沮此則新法蘭西國民之特性也加林尼將軍所以任爲巴黎都督者防克羅克及德太子之軍臨城下也內閣總理維維安尼所以於九月二十六日辭職者知國民心中皆欲以國事寄託於最有才能之俊傑也維維安尼既退職乃改組其內閣於一句鐘後卽重握政權此新內閣者頗足爲代表內閣今先將閣員人名列表於左

內閣總理 維維安尼

參事院副院長兼司法總長 柏利安

內務總長 馬維

外交總長 笛加衰

陸軍總長 彌勒朗

海軍總長 奧加紐

財政總長 里卜

教育總長 薩朗

公共建築總長 遜巴

外屬總長 杜墨巨

郵部總長 湯姆生

農部總長 戴維

工部總長 馬丁

不兼部務之內閣員 古斯特

此新內閣中有法國一等人才四人焉今請畧言之其一爲柏利安柏利安者據前駐法美國大使赫里克言具有里歇爾奚（生於一五八五年歿於一六四二年爲法國著名之政治家以多智稱）最優之

點會三次爲內閣總理。三次司法總長。三次宗教總長。一次教育總長。會草三年兵役律。其二爲笛加哀外交總長。笛加哀任現職已七載。人咸以三協約國之父稱之。當任爲駐俄大使時。功績卓著。因得聖安得羅十字勳章。聖安得羅十字勳章者。以前惟元首得佩之。第三爲彌勒朗。彌勒朗亦維維安內閣之一等人物也。恢復武樂。振刷兵氣。厥功甚偉。凡一問題。一經彌勒朗研究。即迎刃以解。而彌勒朗所擔任之事。亦無不克底於成。故此公在內閣。足以爲戰勝之保證。其第四著名之政治家。厥惟里卜。里卜富於學識。凜凜有莊嚴之氣。其在政界服役。實始於一八七八年。今日法之財政得穩固不搖者。里卜之力也。里卜行年七十四。而勤敏一如少時。此四人者。今日法內閣之第一等人才也。若夫古斯特爲郁萊以後最著名之社會黨。今任爲不兼部務之閣員。此今日之內閣。所以能代表各方面之意思也。

空中軍隊於此次戰事頗有功用。法軍賴之獲益匪淺。愛笛生之預言。謂一用飛機。其敵國必俯首求和。其言雖未驗。然其功用之大。固已彰彰在人耳目也。德軍亦嘗駕機飛行於巴黎。及他處。以示威。而其結果則非特不足以脅人。而適足以激人之怒。法軍之用飛機也。或偵察敵軍踪跡。或爲礮手瞄測範圍。或阻制敵軍發礮。蓋德軍見法機飛行於天空時。每停止發礮也。法之飛行家於偵察一事。極爲詳確。例如瑪恩之役。德軍之地位及其行動。皆瞭然於霄。飛將軍之胷中者。即飛行家之力也。雖然。飛行機豈特爲偵察用哉。飛機能毀橋梁。以驚敵軍騎隊。或作天空戰鬪。以制勝敵人。近數月中。巴黎藉飛機以爲屏障。警隊密布空中。直至康比尼爲止。先是德國陶柏式飛機。屢擾法之都城。殺戮婦女。幼童。擊毀聖母院。及赫魯歐將軍統率飛行隊安置瞭望所。後從未有一陶柏來擾巴黎。即偶有向法都來者。一遇法機旋掉。

尾而去。斷不敢決勝負也。今有一事不可不記。即德國亞維亞鐵克飛機與法國伐遜式飛機交戰於離地二千三百碼之空中。是也。伐遜爲雙葉飛機。乘之者爲軍曹方克及機師桂諾。其交戰時。兩方軍隊均親見之。方克之機最爲迅速。初繞亞維亞鐵克而飛。繼乃翱翔於其上。忽而下墜。至離地一百碼時。兩機相關。愈烈。火焰燭天。法機乃用霰彈砲擊之。德機中彈墜地。機立毀。

法國飛行家之勇敢爲世人所共知。今請以事實證之。某夜。法國空中飛機二具。載精壯兵士四十八人。在末斯高原飛越德軍陣線。來往凡十二次。雖機聲軋軋。德軍未嘗不聞之。但決不疑法軍冒如此之大險也。拂曉。此四十八人之善射者咸集高原。相率發鎗。德軍以其背當大軍之攻擊。也乃急避。去此一事也。愛扶克橋爲哇斯之中心點。凡負傷之兵必經此守此橋者爲法軍一小隊。一日爲優勢之德軍所攻。擊法軍以衆寡不敵而逃。德軍自河之對岸遜比尼追之。是時適一法機經過其地。乘機者乃於德軍過橋之時毀其橋。法軍乃復聚集得援軍之助。馳逐已渡河之德軍。德軍見橋已毀。無路可逃。而後又有法國之追兵。乃盡溺於哇斯河。此又一事也。此特較著者耳。他如陸軍中尉凱撒里伍長。普羅奧摩擊毀未慈德國之飛機廠而逃。生於槍雨彈霧之中。又如柏古擊毀德軍運送艦兩艘。而其飛機之翼中彈至九十七粒之多。又如衆議院議員飛行家弗蘭得林飛過敵境四百英里。而毀其齊泊林廠。凡此勇敢之事蹟。皆載於陸軍部之簿籍。隊長蘭洛哇以空中著有功績。在爾柏福得有勳章。飛行家吉爾柏之得功牌以在墨羅斯及其隣近之地有功也。伍長司德洛比之得功牌。以在亞米安逼令陶柏墜地也。若伐遜若卜蘭則褒榮備至。固無庸贅述矣。凡其名見於公文中者。則有隊長福康潑爾。陸軍中尉刺勒曼。陸軍中

尉刺度、陸軍中尉華度、軍曹戈恩、嚮導刺克曼、軍曹巴倫、嚮導洛齊、嚮導吉爾、柏德國、克羅克將軍於一九一四年九月下一令曰：如遇法之飛行家一切行動，即須停止。礮隊、止礮步隊、隱伏而兵隊之運送亦須立時停止。觀於此，令可以見法國飛行界之價值矣。

欲知活動中新法蘭西之真相者，不可不有一言及於童子偵探。一九一三年之童子偵探，凡六千人。一九一四年之童子偵探，凡一萬人。一九一五年童子偵探之服役於疆場者，約一萬三千人，皆曾受完全之訓練者也。其年少而不能爲兵者，則或送遞公文或在醫院糧食部服務，或曾懸紅十字章往來於自由車或手挽推車以載受傷之兵，或則防衛鐵路。故德國十六歲之童子在前敵作戰，而法國之童子偵探以間接有益於戰爭最爲可貴也。總之今日之法民，上自總統，下至貧苦之農人，莫不懷有敵愾之氣。壯者效力於疆場，老者耕種於田野，當其日入，輟耕遙想其子孫如何爲國捐軀，則老弱其身而少壯其心矣。卜橫卡總統在二十年前曾爲亞爾奔步隊隊長，今日之精神氣概與二十年前無以異也。總統嘗赴霞飛將軍之大本營，及返語人云：余每見兵士便忘人我之分。蓋人人皆勇，不可當吾國人之希望。在於此，嗚呼！男子固勇矣，然女子之功績亦不可沒也。家庭之犧牲固不必論，其在醫院商店農場服役者，觸目皆身衣黑色孝服之婦女，即以前言法國全國婦女皆以編織爲業，哈勒之婦粗俗福堡之婦高貴，尼司之婦向業商，哈夫之婦向業漁。今則一概從事編織，蓋不如是則今冬兵士將不得暖衣也。外人之間如有仍以爲法之婦女專事瑣末而無益於社會者，其速矯正其意見。今有一事足以證明新法蘭西之團結力者，則人人對於北方受害之區域救之，惟恐不及是也。主其事者爲前內閣總理布其哇。

今已將德軍蹂躪之地調查明確。內閣總理維維安尼亦允援助。其未會大受影響之各地爭相捐助。南方某縣縣長致書內閣總理論該縣願捐金八萬磅。嗚呼！今當困難之時。人懷一憂。患與共之心。則他日獲勝。其互相慶賀。又當何如耶。

聯軍之大元帥足以代表活動中之新法蘭西。蓋霞飛將軍實爲此戰之主腦。彼之戰非僅爲法國而已也。蓋爲英俄比塞及中立國而戰耳。易詞言之。爲各文明國歷代相傳之公共文化而戰耳。昔日之反對文化者爲匈奴。爲高妙。爲凡特。爲維齊。爲高斯。今日之反對文化者爲德人。德人尙權勢。好貨利。其兵之殘忍。殆無其匹。雖以鐵木耳兵之兇狠較之。德人尙不失爲仁人君子也。然則此次之戰。名正理直。責任重大矣。其肩此重任者。果何如人乎。以狀貌言。聯軍之大元帥肥短而體重。其眼藍。其髮短。鬚白而唇緊。合性喜進。取未嘗少倦。立志甚堅。不知者以爲執拗也。志既定。則竭力爲之。持之以恆。不肯少懈。將軍和愛可親。多思而少語。其伴侶咸以寡言之霞飛稱之。將軍不輕言。言出如法律。蓋自少若是也。將軍產於南法。東批倫尼之里。訥沙里。訥沙之人。咸善辯論。每語必滔滔。若流水。而將軍獨否。故人咸奇之。將軍紀律甚嚴。不少假借。苟在操地或戰場。有一將官避不到者。必不能倖免。陸軍總長嘗語人云。苟我不得霞飛將軍之許可。而乘我摩托車以遊於戰線之內。將軍必逐我無疑。卽此可見將軍紀律之嚴矣。將軍之事業有可稱道者。請舉其崖略。一八七零年。將軍肄業於巴黎陸軍工科學校。時普法搆釁。乃棄學從軍。和成。又入學以卒。其業年二十四。任爲隊長。後以軍官資格駐紮極東。又嘗在方丹。訥勒羅。陸軍學校充教授。又嘗建築礮台。皆著成效。陸軍大將馬克馬翁嘗致書賀之。或有向將軍提及此賀書者。將軍則曰。是

誠善矣。但吾不欲建築礮台以終吾生。吾志在將兵也。後將軍被命歷往臺灣、麥達加斯加、達奧米、鐵姆克都。皆著有勞績。歷官旅長、師長、第二軍團司令、最高級陸軍會議員。至一九一一年而官至大元帥。將軍行年六十有四。一月十二日乃其生辰也。將軍之事業既如上述矣。而報界中人則絕少知之者。迨膺陸軍中最高之職。乃驚相問曰：誰是霞飛？然軍界則固已熟知之。所可注意者則當命下之時。正德皇維廉第二在亞加特隔海向法伸拳攘臂之日也。將軍受現職三年。而此次大戰開幕三年之中。整頓軍務不遺餘力。德以五十軍團之師戰我於比之邊境。此固爲將軍所不料。然當八九兩月自夏婁洛退兵至康比尼之時。將軍之才能已爲有識者所公認。固不待瑪恩之勝而後顯也。蓋聯軍之退也。且退且戰。且戰且退。以疲敵軍而候我援軍。至九月十二日而果獲勝。則霞飛將軍之戰略非在德軍官之上乎。其深爲法國所信仰宜矣。吉青納爵士亦寡言之實行家也。嘗語人曰：霞飛乃一大將亦一偉人。

勞蘭法軍司令加司諾將軍開戰前數年內霞飛將軍之得力助手也。今爲參謀本部次長。當霞飛未受參謀總長任命之時。加司諾亦爲候補者之一人。加司諾爲舊蘭古篤人。然無南方人逍遙自在之習。有子女十三人在伍者。六人。餘七人。或以年幼。或以女子不能從戎。六子中之死於戰場者已三人。其一子被殺之地距其父僅咫尺耳。將軍方發令一將奔至報曰：將軍之子薩維曾受致命之傷。將軍以爲敵軍不可輕縱。乃曰：君乎。續戰勿懈。加司諾爲榮譽軍之高級軍官。榮譽軍者。拿破崙一世所創之勳位。惟有大功於國者得膺其選。加司諾之得爲榮譽軍之高級軍官。其理由詳載於公報。其言曰：自戰事發生以來。加司諾將軍之軍隊屢得重要之結果。雖二子被殺。一子受傷（今已死矣）。而將軍督師仍不少懈。

然則將軍之得入榮譽軍乃榮譽軍之榮譽矣。加司諾將軍嘗在南錫挫德皇維廉二世之銳氣。故德皇恨而避之。南錫爲不加防禦之城。介乎德軍及法國東防線一帶。礮台之間。一日德皇臨郊外。隨從甚盛。以爲城下之後。即可領隊入城。以威勢炫耀於法人也。乃加司諾之軍忽出馳逐。德軍潰散。德皇亦逃避。自是以後。德皇不喜聞加司諾之名矣。今南錫未爲德軍所奪。亦未嘗被圍。而德皇維廉二世之軍不再威嚇。此不加防禦之城。則加司諾之功也。夫加司諾在勞蘭之軍爲戰局之樞紐。故瑪恩之勝亦加司諾之功也。包將軍嘗語人曰。吾友加司諾之入柏林。爲日不遠矣。

包將軍之名望與霞飛將軍相埒。同爲人民所仰戴。人之稱霞飛將軍也。曰吾儕之霞飛。包將軍雖無此稱。然人皆敬之重之。而又愛之。其所以欽敬之者。不僅以其具軍人之優點。亦因彼於普法之役。失其一臂而受傷三處也。包將軍有一名言。爲世人所共知。故一聞包將軍之名。必有能回憶此言者。其言曰。普魯士人乎。吾僅有一臂。然此臂不知憐人。包將軍雖失其一臂。而善騎。如故。數年之後。當七月十四紀念日。照例舉行陸軍會操。樞卡將軍不慎墮馬。包將軍爲之大笑。然初無鄙夷之意也。包將軍生於特洛姆縣之芒里。麥城善南法之方言。南法方言所以得免於失傳者。賴彌勒脫刺之詩及其方言字書保存之也。當一八七零年普法開戰時。包將軍尙未及二十二歲。方畢業於聖塞陸軍學堂。乃以陸軍中尉之職馳赴前敵。當時雖已聲譽雀起。然至三十年後始任爲旅長。又三十六年乃升爲師長。同時又有他種榮典如榮譽軍之司令等。是已一九一一年有任爲參謀總長之望。參謀總長者。卽戰時之大元帥也。包將軍辭不就職。殆以兩戰之後。卽屆告老之年。恐期限短促。未能盡其所長乎。包將軍行年六十有六。而精

神豐。樂不避艱險。一如曩時。八月二十一日。奪回亞爾。產斯之墨爾。霍遜。厥功之偉。無待贅言。而況類此之功績。指不勝屈。邪。霞飛之爲總司令。亦出於包之荐舉。委員會嘗欲以榮譽刀贈之。包將軍謝曰。此刀當留以贈率師過末慈。斯德拉斯堡。沿來因河直搗德國中心之人。嗚呼。何其言之壯也。當開戰之初。軍官之名。咸掩沒而不彰。至瑪恩之戰。而有功者之名。始稍稍聞。今霞飛將軍欲選擇有大功者數人。被以榮龍。如莫奴里。呂班。將軍將得榮譽軍之大十字勳章。福將軍將任爲榮譽軍之高級軍官。是也。

莫奴里將軍。生於曼脫。農。鎮曼脫。農者著名詩人。史加龍之寡婦。而路易十四世之第二后也。後封爲曼脫農侯爵夫人。故其地因是得名。其父在兪勒洛縣業醫。見其子性近軍學。乃送入巴黎陸軍工科學校肄業。四載畢業。得陸軍少尉之職。掌教務於南錫陸軍學校。翌年普法失和。乃棄學從軍。其部下之兵在香比亞業著有功勳。而莫奴里亦在香比亞受傷。厥後曾受布邦宮（卽巴黎議院之別名）指揮等名譽職。及方丹訥勃羅陸軍學校總司令等實官。一九零六年升爲師長。一九一零年任爲第二十軍團司令。莫奴里嘗爲巴黎都督。二年當其在任之日。極力提倡發鎗演習會。及他種種戰時練習。將軍長礮學堂。在聖塞學校教授礮術。生平所受榮典甚多。自香比亞以勇敢得勳章。後官至參謀次長。此次戰事發生。而將軍又自預備軍出而從戎。重邀榮寵矣。福將軍能才也。爲霞飛將軍荐舉。當得榮典之第二人。嘗畢業於巴黎陸軍學校礮科學業。甚優。卽在母校教授兵法及戰術。將軍於一八五一年十月生於濶利亞。之他勃。去年十月正值六十三歲壽辰。將軍深諳軍學。爲法軍最有學識之官。爲人謙恭。在瑪恩之役。以前將軍之名。舍軍界外無有知之者。自得勳章。兩人始知之。將軍自去年八月始被任爲第二十軍團之

司令將軍雖生於南法而無驕矜之氣。以是人咸服之。呂班將軍曾於一八七零年爲德國槍騎兵所傷。今與德戰乃一絕好之報仇機會也。將軍生於東境之柏爾福城。故其奮勇亦較人爲甚。末慈波尼薩勃羅克司比寇倫等役將軍均與其事焉。司比寇倫之役法軍大敗將軍亦受重傷。幸有一忠勇之兵負之而行得以不死。厥後將軍與此兵爲德軍所虜。故德軍待遇俘囚之情形將軍當熟知之矣。將軍歷任要職如祖亞扶軍之大佐亞爾奔軍之旅長。是又嘗在聖塞學校掌教學生受益不淺。蓋將軍之主義在使人人發展德育智育體育三者。而以所得者貢獻於國家。將軍多智而能實行。當在參謀部供職時嘗竭力設法統一軍事教育。將軍有格言曰法強而令人起敬。迺可望人類進步。

巴黎都督加林尼將軍之名自克羅克之軍向巴黎進發以來幾無日不在吾人之耳。將軍既受都督之職以保守世界之都城爲己任。乃發極簡短之通告曰余既奉令鎮守巴黎以禦攻我之敵軍。余將始終遵行此令。將軍之爲人可於此二句通告見之矣。巴黎被圍之慮雖日漸減少。然防城之預備仍始終不懈。巴黎人欲知都督之成績者可一觀戰壕及他種防城之預備。霞飛加司諾包呂班福諸將軍皆法之南方人都督亦南法加龍之聖皮人也。去年四月爲都督六十五歲之生辰。一八七零年普法之戰都督亦預其事焉。今日之老將如加司諾包莫奴里呂班加林尼者皆普法戰爭時之少將也。年皆在六十五歲以上。正優遊林下之時。迺以國難方殷奮勇殺敵致屢奏奇功。安得不令人欣慕哉。加林尼之別墅塞學校在一八七零年七月十五日即拿破崙三世向普魯士宣戰之日也。巴塞爾之役法軍勇氣百倍。雖敵人亦贊歎之。是爲加林尼第一次隨陣東京多盜千餘年於茲矣。加林尼時爲隊長勦平之殆盡。其在

遜尼加爾（斐洲西部之法屬地）及蘇丹（斐洲北部）時得有軍事經驗不少。曾爲回教徒。冒險家。亞馬唐所虜。繫於獄者八月。每晨獄吏必走告曰。今日乃汝之末日。然此法軍官所憂者。非斷頭之恐嚇。而在食物之無鹽。加林尼將軍居麥達加斯加。凡九年。調查所得詳而且確。人咸以吾儕之大殖民家稱之。將軍嘗爲第十三軍團及亞爾潑斯軍之司令。又嘗爲法國第二城里昂之都督。六年前任爲最高軍事會議員。將軍著有殖民書數種。頗有價值。法國地學會贈以金牌。科學會舉爲通信會員。將軍亦有榮光矣。將軍既長兵學。又擅行政。巴黎得此都督。可以高枕臥矣。

內閣總理維維安尼者。新法蘭西最有力之人物也。公於五十二年前。生於法國之殖民地亞爾其利亞。故公之入內閣。乃以新血貫入法之政界也。公初入政界時。每強詞奪理。此蓋法國著名人物之特性。不獨公也。當宗教政治分合問題。辯論最熱之時。公嘗大聲呼曰。天上星光有爲吾人所熄者。誰敢使之復明。乃以大僧正黎查之宅。改爲工部總長公寓。而揮大僧正使之他去。耶教中心人焉。非之及後。年漸高。責任漸重。而言行亦漸謹慎。維維安尼長口辯。其初次在衆議院演說時。人已料其異日必得高位。每有所建議。不必先事預備。而所言輒娓娓動人。及至激烈之處。則慷慨激昂。聲震全院。當德國大使與法國代表作三分鐘之會晤。告以業已開戰。後維維安尼卽返至衆議院。大聲疾呼。告以虛恩。每日必至外交部。滿口皆和平之語。而中懷開戰之毒心。法軍既未侵入德土。亦未侵犯比之中立。而德軍之足踐法地者。已有十五處之多。言之歷歷。聽者動容。然維維安尼不僅以口才見長也。公辦事謹慎。多所建白。宗旨堅定。而識見又高人一等。一九零六年。當克勒門粟爲內閣總理時。添設工部。卽以維維安尼爲總長。及

勃利安爲總理時維維安尼仍爲工部總長後杜墨巨爲總理乃改任教育總長厥後蒙尼斯卜橫卡都歷任總理維維安尼均廁身內閣故維維安尼自入內閣後至今未離去年六月發生內閣風潮卜橫卡總統乃令維維安尼組織內閣卒以閣員二人反對三年兵役制未成維維安尼初在衆議院時亦反對三年兵役制後卜橫卡總統反覆聲明欲國之安非行三年兵役制不可維維安尼聽其言之有理乃改變其初志而贊成總統之議或有以前後所持意見矛盾爲言者維維安尼曰國家爲先黨見次之余爲國家計寧犧牲黨見也余今信三年兵役制之不可不行矣君若以前後矛盾之說勸余仍持前見將令余受人侮辱矣里卜內閣兩日而倒維維安尼乃作第二次之組織竟成戰事開幕以來總統總理俱盡職奉公屢赴前敵激勵其兵士維維安尼嘗曰今日乃實行而非口說之日然彼亦嘗口說矣其言曰如不能建造一根據於公道之歐洲則不必言和

綜而言之今日之新法蘭西乃一自制自信之國也堅忍以守猛力而攻同心一德衆志成城喪生而不悔傷財而不怨牧師素非主張和平者乎今之從戰者多至四萬人此無他恨敵之心久蓄於衷至是而不能復抑也向之反對戰事者今且與愛國會會長握手言好矣向之保王黨今亦與波奈拍黨同處於戰壕而以烟葉相授受矣此無他外有公共之敵而國內私見自消滅於無形之中也蓋法國之團結力至今日而臻於極端其人人心中唯一之目的在推翻德意志之黷武主義而已



## 德意志與列強

譯北美評論報  
鄧傑博士原著

葉達前

此次歐戰之開端如迅雷不及掩耳。驚電傳來。美人爲之震恐。噤口無言。凡二十世紀之文化行將掃地。而所謂國際條約所謂仲裁裁判者行將失其效用。甲國曰吾固維持和平也。乙國亦曰吾固不欲啟釁也。嗚呼。其誰信之。夫美人本屬中立其所受之感觸非恨其商業之擾亂也。亦非恨其出口貨之停滯也。非以經濟關係失其平而覺有所不便。亦非以其親友僑寓於歐洲戰地而心焉念之也。蓋恐倫理道德之終成空談。故不覺爲小國哀耳。夫各國平日非以文化自炫者乎。乃今日之歐洲殺人焚屋慘不忍聞。則所謂教化者果安在耶。國際條約者非解決爭點維持和平之具乎。今則視之若弁髦毀之而不知恥。嗚呼。世界之文化蓋又退步百年矣。然則爲美國者當奈何。亦聊以固圉自慰。抱不根之樂觀而希冀世界復見昇平之日耳。

美人之視此次戰役爲違反人道之大罪惡。其罪魁爲何人。其助紂爲虐或容忍而不加沮止者又何人。是皆美人所急欲知者。今就種種之證據觀之。德國似不能辭其咎。奧之最後通牒既極兇橫。而德國又不能鎮壓之。俄國對於邊境上諸小國之感情。法國割讓亞爾薩斯勞蘭之怨恨。英國對於條約之態度。皆足證明德國爲禍首。罪魁。德國之海底電線既被割斷。卽不能有直接之交通。而電訊往來又須經英官嚴密查檢。故德國雖欲剖白其冤。而勢有所不能也。凡上列證據皆屬一面之詞。美人既無事實之可憑。則依據一面之說而下斷語。亦未可厚非也。美之爲國日漸發達。故其文化亦日漸獨立。美人之關心。

國是日漸密切。故其研究遠方國情之心亦日漸冷落。俄之內地居民不能深悉美國之政象。則歐洲政策之複雜又烏能責美人不熟悉耶。余草是篇之意。乃欲以歐洲政治狀況告於讀者。其與此戰有關係者。為何國或有鴿的或抱野心。或出於萬不得已。當一一論之。其原動力安在其歷史上之關係如何。亦當分別言之。

此戰之近因實起於奧塞間之齟齬。塞維亞爲巴爾幹最重要之國。施龍教授之巴爾幹爲歷史試驗室。一書中言之詳矣。其民勇而强悍。聚族而居。居民務農。幾無工業之可言。數百年來外爭內亂。幾無寧日。塞爲斯拉夫種。故其攘地拓土之心無異於其他之斯拉夫人。其心目中所以注意。可以攘奪土地者。蓋有兩國一爲土耳其。一爲奧匈。奧匈有塞民數百萬人。塞人之恆言曰。斯拉夫人皆兄弟也。斯拉夫人必受斯拉夫人之治理。故凡塞人所居之地。當然爲塞國之一部。塞之民貧。貧故儉。塞無文化。其民好鬪。其目的所在。乃一較大之塞維亞。余今且不論古代之歷史。請讀者注意於巴爾幹之聯盟。可乎。聯盟之約。凡二一爲塞布（布爾加利亞）一九一二年二月二十九日之約。一爲希（希臘）布一九一二年五月十六日之約。約中有秘密條文。若干曾爲巴黎晨報於一九一三年宣布。據此秘密條文。則塞布之意。在瓜分巴爾幹以西半歸塞。以東半歸布。自其不守秘密之約。觀之。乃公然一防守聯盟也。然讀其秘密條文。則知此聯盟之所由來。在塞欲抗奧。在布欲敵土。而大權實操於俄。其秘密條文之第一款曰。如塞布議定欲有所行動。須先通知俄國。若俄國不加阻止。乃可進行。倘塞布不能一致進行。而意見有所不合。則當請命於俄。一經俄國決定。塞布即當奉行。不得違悞。倘塞布不能一致進行。而俄

國。又。不。表。示。其。意。見。則。欲。進。行。之。國。儘。可。獨。自。進。行。而。他。一。國。當。下。一。部。分。之。動。員。令。以。維。持。其。友。好。之。中。立。

其第三款云

塞布應將此約文及秘密條文繕寫一份會同送交俄國政府請俄政府存照並請俄國皇帝擔任約文中所規定之職權倘將來實行或解釋條文時兩國之意見不能一致則以俄國之決斷為準其第五款云

此附件如不得俄國之許可不得宣布

由上以觀俄國實能上下其手而俄亦不肯失其機會當意大利奪得脫里波里占據愛琴海中數島而方與土耳其交戰也塞維亞亦向土宣戰自當時觀之歐洲之土耳其幾失其立足之地幸而布之志願極奢不滿意於俄之讓步（其理由詳見下）而與塞希開戰布大敗幾亡布皇乞援於奧俄乃棄此時機宣布其秘密條文以示塞布與俄嘗同謀以敵奧後布加勒斯之和議成奧國頗不滿意乃欲會同德國以撤銷此和約德為世界之和平起見故寧拂其同盟之意而弗許其結果則塞之土地幾倍於前然得隴望蜀貪得無饜蓋其畜志欲在亞德利亞海得一自由口岸也久矣然屢為奧國所阻故較大之塞維亞終成虛夢塞與奧之注意於巴爾幹西部而終不能近海也乃轉而圖卜斯尼亞赫資谷維拉或離開奧民或激成兵變塞之書報幾遍布於卜斯尼亞及匈之南部至六月二十八日而有奧太子及其妃被刺之事夫小國如塞而敢欺其強鄰者非藉秘密條約之護符而恃俄國為其屏障邪塞之作是舉動

殆無足怪。蓋其民之性質。其教化之。情狀。其政治家之野心。無一不宜於招疆擷地也。然俄何以助塞乎。斯拉夫人種中。以俄國最爲好動。其疆域日漸擴充。至今日而爲最大之帝國。政體專制。故利於發生事端。而使人民對於政治無妄想。妄動之暇。凡蒙古韃靼波蘭人之攻入歐洲者。自成吉思汗帖木兒以來。無不來自俄土俄之圖擴充其勢力者。不外東南兩方。東既於一九零四年敗於日。而英日後又締約聯盟。故俄國報仇之念。不能遽達其目的。一九零七年英俄訂約。而俄國出印度洋之希望。又成泡影。於是俄不得不復致力於南方。夫今日之世界商業與世界權力。非必限於大陸也。欲增出口之貨。必先有出海之路。有航線有自由之行動。而後可。今俄之地位。果何如乎。則以世界上最大之帝國。而無終年可以出入之海口也。其北方之海口。亞根及爾。自九月間已冰凍。不可行。而與工業中心地點之交通。則僅一千餘英里。長之單軌鐵道。在巴爾的海者。僅一克龍司塔口。岸冬初即已冰結。而巴爾的海。又在德國勢力之下。其第三海口。則爲遠在日本海之海參崴。俄本欲道經旅順。以達中國海。乃一九零四年。敗於日本。而其所謀遂成畫餅。北方氣候寒凜。其居民之欣羨溫暖之南方者。宜也。故自古以還。北方之強種人。若高爾。若條頓。若斯拉夫人。若回屬之印人。莫不爭奪南方之海洋。然而俄國則屢欲入地中海。而屢歸失敗。蓋與地中海有關係之各列強。咸不願俄國勢力侵入。以開競爭之端。甚或反客爲主。故俄國屢欲摧折達達爾之土國治權。而屢爲列強所反對也。苦利米亞之役（一八五四年）土法英羣起而攻俄。及巴黎和成。波斯帕勒。斯仍由土耳其管轄。而議定任何國之軍艦不得經過。君士但丁。其後一八七八年。俄得羅曼尼亞之助。戰勝土耳其。其逼令土國署桑斯德發諾之約。不圖列強出而

干涉會議於柏林而俄之志又不得達。一九零八年俄國致書於奧欲修正一八五六年之巴黎條約。奧從其請惟以須得英法之許諾爲條件。英法不許而其事遂寢。是故俄之志願在得君士但丁塞之野心。在得亞德利亞之海口兩國交相親不亦宜乎。然則布之所以不得偏近君士但丁或擴張其勢力者其理至爲顯著矣。蓋假使一旦占有波斯帕勒斯則此較大之布國將有大不利於俄則俄之助塞而敗布何足異哉。

今請論奧奧之商業大都在東方。俄人足跡所至奧不得享門戶開放之利益。苟有一強國鄰其南封則斯拉夫人必相率背去。斯拉夫人相率背去而奧猶不至傾覆者未之有也。此一九一三年德奧所以大增其軍備也。匈之東部有羅曼尼亞人沿丹牛河而在匈之邊界者有塞維亞人卜斯尼亞與赫資谷維拉亦有塞人甚多而波希米亞之皇室領地又大都在斯拉夫人之手。故爲奧國計不得不與土耳其互相維持條約上之權利。塞欲西向拓土俄欲得愛琴海之出路計不得逞乃恨奧切骨。薩勒架伏之事其引火之導線耳。

奧之戰也爲救亡也。然則爲德國者能於此奧國存亡危急之秋棄之而不顧乎。德奧聯盟始於一八七九年。其宗旨固明明爲防遏俄國之侵逼也。且奧之人民不僅斯拉夫與匈加牙種而已。德種亦占多數。其居民之屬德種者用德語而被德國之文化者一千二百萬餘人。幾占全數四分之一。苟一旦奧亡則此千餘萬人之精華將介乎二國之間。而此二國者種族既殊其文化又在德奧之下。其不至蹂躪此千餘萬人者幾希。故自同化同文言德實不能棄奧而聽之抑又有進者。德之戶口增加甚速其民大都從

事工業故欲德民不失職業者銷貨之市場殆不可少苟俄國一旦據有波斯帕勒斯而封鎖之則亞洲西部將無德人發展事業之餘地亞細亞大陸將爲英俄所瓜分而德國用和平方法以擴張商業勢力之計畫亦將受挫矣況乎奧既亡則德且孤立無援觀於此戰可以知己是故奧之戰也不得不戰德之助奧也亦不得不助

今請言法法之預聞戰事也人皆以爲出於復仇之心而所謂復仇者又似專指亞爾薩斯勞蘭之割讓而言其實法之此戰適足以露其衰弱耳法曾執歐陸之牛耳者凡數百年蓋自李歇里及路易十四世以來凡歐洲之政策皆聽命於法凡有國際會議法必居首其一言一語無不足以號令他邦自馬柴倫以迄法國革命自拿破崙一世以迄塔萊朗時之維也納會議自塔萊朗任爲駐英大使時以迄拿破崙三世凡歐洲之權力威勢悉滙集於法之朝廷法亦以大國自命泊普法交戰法國大敗而其領袖之位乃一蹶不可復振法人奢華好逸而又行一人二子之制德人崇儉而好家室故兩國戶口之增率相差甚遠一八七零年法德人口俱爲三千八百萬今德之人口幾達七千萬而法僅三千九百萬法知德國非法所能獨當也乃思與他國聯盟環顧歐洲各國之可與聯盟者莫若俄蓋俄在柏林會議受俾士麥外交政策之影響捐棄其勝土之利權故其恨德之心最切然俄人不肯輕與法盟法無術乃借之款以爲建造鐵路增加軍備及其他國用之需其先後借出之款至一萬餘兆法郎之多而俄始與之友善夫俄法教化各異意想各殊而法乃日益與俄交親者其故蓋一在謀恢復其昔日之權勢而一在希冀貸與之款能得償也假使法國不入戰局則此一萬餘兆之法郎必無償還之日矣法之加入歐戰職是

故耳。

今試論英英之戰也。世人以爲嫉妬德國之工業商業及其海上勢力有以致之。夫世界各國輿情之最有勢力者莫如英而上述種種嫉妬心之影響於英國輿情亦余所承認。觀於葛雷所發得意之公文（後轉印於英國白皮書第一二三號）可以知其文略曰：德人對於比人所持之態度殊有影響於英國之輿情。倘德國能作與法國同等之擔保則英國憂慮之心必爲之大舒而近日之緊急態度亦可大爲鬆動。倘比國中立被人侵犯則英國之輿情甚難阻遏。李區諾夫司基伯問我：倘德國允許不侵犯比國中立吾英允守中立否？我稱我不能置答吾人之態度多以輿論爲標準（以上皆公文中之言）故葛雷之意英國斷不能因比國中立不被人侵犯而遽允自守中立。後德國大使詢以必具何等條件方可允守中立。倘德國擔保法國本部及其外屬之土地完全則英能允中立否？葛雷不能作確實之答復。僅稱英國須有自由行動之權而已。可見英國之輿論雖大受比國問題之影響然尙有他種怨恨德人之處也不然。葛雷何以不於德國擔保比國中立之外更提出自守中立之條件。邪美人之不直德國者每忽此重要公文而不論何邪余亦知英內閣所定之政策與英德競敵之心非無關係也。若謂其政策全視此競敵之心爲轉移則余不敢信。數世以來英之政策在維持歐洲之均勢。蓋島國固宜若是也。所謂歐洲均勢云者歐洲各國分爲兩方互相對峙其勢等其力均而吾居局外苟助甲而有利於吾則吾助甲方苟助乙而有益於吾則吾助乙方。此英國歷來所抱之志也。迨俄德開戰法不得不隨之而英國乃大懼均勢之局將破。夫當戰端未開時葛雷固極願維持和平。此吾所深信而不疑者。及戰禍既不能

免則以法之孱弱必將大敗於德人而均勢之局將永不得恢復。即法國或幸能保全其土地然一經挫折元氣大喪歐洲列強中必無法國活動之餘地故爲英國計斷不可使法國喪其強國之地位英國亦自知之故葛雷於一九一二年十一月二十二日未告內閣即致書法國大使議定法軍艦悉數派往地中海以保護英法之利益而英則會集其軍艦於北海及此戰開幕而前日之議定者乃始實行此事葛雷嘗於八月三日在衆議院演說及之蓋保護法之海濱而不令法國亡者此葛雷之責任也吾人不常聞英人之言論乎曰吾必摧殘德之兵力使德降爲第二等國蓋不如是則法國不能強而英亦不能回復其昔日之政策也吾故曰德國之伸張英固懼之德國之侵犯英國商業英亦憂之然此非英國加入戰局之主因也英所念念不忘者欲恢復一八七零年以前之局勢耳蓋英國自知異日之大戰爭必與俄國爭奪亞洲之屬地而欲併全力與俄爭必先布置歐洲之事故此次開戰之前其局勢不論如何迨戰局既成英國勢不得不加入也。

舍上述諸國而外其與此戰有關係者尙有三國曰日本曰葡萄牙曰比利時請先論日本世界各國之膨脹最速者除俄國外首推日本自一八九四年至今其管轄之地幾三倍於前今且代德人占踞膠州而又向北京政府要索揚子以南之鐵路蓋其居心欲管理南方之交通機關以擴張其勢力一若南滿故事鐵路既得乃沿路駐兵以爲固守之地美其名曰鐵路衛隊而其結果則直欲自亞洲驅逐白人蓋黃人奸滑而自奉甚儉白人固不能與之競爭也此事與美人之關係如何不在本題範圍之內茲不詳論。


葡萄牙中立國也。英國外似助之。激之。使戰動之。以危詞曰。德之膨脹。葡之害也。而陰則藏匿其退位之。王收留葡之亂黨。以圖恢復帝制。故無論其結果如何。英終必獲利。其設計蓋亦巧矣。

比利時者。非美人所矜憐者乎。然比亦不能卸責。蓋比之意。以為英人斷不能許第一等強國得入北海。故比之獨立及土地完全。英必竭力維持之。則比又何樂而不為中立之介國其實。以地勢言。比應屬德。英人乃乘機戒比曰。盜凡爾者。非爾主要之海口乎。德國之工業日益發達。其天然之出口地。厥惟盜凡爾。汝殆成德之屬國矣。汝欲吾援手乎。吾可助汝建築要塞。以為之備。比人聽之。故其後德首相欲假道於比時。雖肯擔保土地完全及損害賠償。而比終不從也。至若條約上之關係。如何余姑不論。蓋格拉斯登嘗自謂此種條約。複雜異常。苟或不利于英。則英必不能遵守之也。是故英欲保守比之中立。以其中立之有利于英也。若謂比之中立。一經破壞。即為英國加入戰團之理由。則過矣。觀於上述葛雷之公文。不已顯著乎。

人之詆德者曰。德視條約一若廢紙。嗚呼。德之視條約。豈若是哉。惟關於比國中立之約。確乃一紙空文。即英國亦不信其有何等效力。一八七零年。英人以為此約不能發生效力。北德聯邦乃與法議定他種辦法。以代之。故比國在精神上。在文字上。皆已自毀其約。則德之假道於比。又何不可。況德之此舉。蓋出於萬不得已。而德之首相。又深表歉忱乎。美人之論條約也。曰。凡條約之違反。公共政策者。必不能遵守。此此美國最高法庭對於排斥革工條約案全體一致之判詞也。（見美國法庭紀錄第一百三十卷第二百零頁）蓋國際條約與私人之契約不同。私人之立約也。雖受大損。蒙大不利。亦必當履行之。若夫手

握政權之人爲六千六百萬人之生命自由權人權所寄託而肯冒世界之不韙以救其國者豈可與背約之私人同日語哉葛雷因比國中事而提出道德問題其計不可謂不巧然英之保守其中立豈出於道德之心耶夫亦曰有利於英耳英欲在英海峽兩岸維持其優勢故不得不遵守比之中立耳美人之論戰局也每觀其外狀而忽其內相見其明而不察其隱曰德國如是俄國如是曰某政治家如是某政治家如是噫彼烏知此某某國某某政治家之後尙有數千萬各具生命各有意志之人民乎彼又烏知交戰各國之中其主動者大半非登臺人物而乃隱於幕後者乎塞之人民自經一九一二年之閱歷或未必再願從戎故其戰也非出人民之意必有人焉陰挑撥之此所謂幕後之人物也塞之元首名爲塞王實則太子之勢力居王之上助太子者爲陸軍派專事挑唆驅民使戰奧雖擔保不奪塞之土地而陸軍派則造種種蜚語謂奧將吞塞以激民之怒奧太子之被殺亦出於此陸軍派之陰謀今已證據鑿鑿欲辯不能矣俄之內情亦復相類俄民失學不能讀書者什中居七又皆不閱報紙惟牧師皇帝之言是聽俄有陸軍黨屢以用武之言動和平之俄皇俄皇不聽避不見客者凡四日今陸軍黨既得志則其平日之奢願自可一一滿償所可注意者當陸軍黨會議之時陸軍大臣亦未參與其事此動員之令所以無俄皇之署名而在陸軍大臣擔保不動員之後也據駐俄比公使七月三十日報告本國政府之言此大公爵黨（卽陸軍黨）既得英國之擔保謂倘有戰事英必助法而其勢力乃大增然當時比利時問題尙未發生也塞俄之內幕若是奧英亦然奧之大公爵弗迪南素主張與斯拉夫種之人民調和而以奧匈之二聯合國分爲三部匈將大受損害也反對之甚力及大公爵失勢匈之首相乃請奧皇

宣。布。其。政。策。奧。皇。年。老。不。能。如。大。公。爵。之。堅。持。乃。俯。從。匈。人。之。請。葛。雷。者。英。之。內。幕。人。物。也。當。其。於。一。九。一。二。年。與。法。國。大。使。書。牘。往。來。也。不。令。其。同。僚。知。後。至。不。得。已。時。而。始。宣。布。內。閣。大。為。驚。愕。當。因。此。而。辭。職。者。凡。褒。恩。斯。摩。萊。脫。里。佛。蘭。等。三。人。脫。里。佛。蘭。乃。致。書。於。其。愛。爾。福。之。選。舉。團。曰。吾。向。以。為。英。國。有。自。由。行。動。之。權。亦。未。與。法。締。約。以。束。縛。吾。手。足。乃。不。謂。葛。雷。早。已。與。法。有。約。使。吾。寸。步。不。得。自。由。行。動。而。今。乃。不。得。不。引。入。戰。禍。也。社。會。黨。領。袖。麥。陶。諾。亦。持。同。一。之。理。由。反。對。政。府。自。由。黨。議。員。龐。松。比。則。致。書。葛。雷。痛。詆。其。愚。弄。手。段。愛。爾。蘭。又。方。有。內。亂。之。憂。幸。議。會。即。通。過。欺。人。之。自。治。案。並。以。愛。國。之。辭。相。激。勸。而。愛。之。領。袖。始。允。助。政。府。由。上。觀。之。凡。塞。俄。奧。匈。諸。國。無。一。能。同。心。協。力。其。真。上。下。一。心。者。厥。惟。德。國。蓋。德。國。深。知。列。強。各。欲。得。嘗。德。之。一。膾。肉。俄。之。志。在。得。君。士。但。丁。而。弱。奧。英。之。志。在。使。德。降。為。第。二。等。國。法。之。志。在。恢。復。昔。日。之。威。勢。居。於。虎。狼。之。閒。而。敢。激。其。怒。使。之。搏。我。雖。至。愚。必。不。出。此。況。德。素。求。和。平。未。與。他。國。交。戰。者。四。十。四。年。於。茲。矣。歐。洲。諸。國。孰。有。能。保。守。和。平。至。如。是。之。久。者。乎。其。膨。脹。也。以。和。平。其。得。地。也。以。條。約。今。值。列。強。虎。視。眈。眈。之。時。而。德。敢。居。心。與。諸。列。強。幾。全。世。界。宣。戰。乎。為。斯。言。者。其。誰。信。之。況。乎。藉。令。獲。勝。德。將。何。求。邪。余。之。草。是。篇。非。依。據。於。可。疑。之。證。據。亦。非。欲。美。人。信。外。交。家。之。真。實。與。夫。國。際。公。文。之。可。信。余。乃。以。歐。洲。多。年。之。歷。史。及。各。國。之。權。力。鵠。的。與。夫。野。心。一。一。詳。細。解。釋。而。令。美。人。自。辨。其。曲。直。余。知。普。通。之。美。人。經。數。日。之。觀。察。後。即。知。余。說。之。可。信。矣。綜。之。德。之。此。戰。存。亡。之。戰。也。各。列。強。志。在。推。翻。俾。士。麥。之。事。業。使。德。回。復。其。昔。日。孱。弱。之。地。位。而。又。受。斯。拉。夫。人。之。命。圖。摧。殘。世。界。之。文。化。則。德。又。烏。得。不。同。心。戮。力。以。拒。之。



## 新發明之鐵甲橡皮車輪

幸農

鐵甲橡皮車輪。為最近發明之一種新事物。屢試於山路崎嶇之地。堅穩不易破折。其外部之構造。用多數鋼片連綴而成。鋼片之內。襯以棉織物。內裝橡皮管。中盛空氣。故其彈力不下於橡皮管。而其引力則又過之。且鋼質堅硬。能耐磨力。即遇巖石。不為所傷。不致如橡皮車輪。歷時稍久。或與強光油類相接觸。即有腐壞破折之虞。且疾馳之後。受熱不脹。奔突於山路崎嶇之地。經數千里。而毫無傷損。以視橡皮車輪。不數百里而破折不能行者。迥乎遠矣。此輪外包之鐵甲。用鋼片橫連而成。形如鏈環。而其兩端則製造堅實。所以使之易於旋轉。且有堅強之力也。

# 大戰爭中協約國之中堅人物

譯英國溫  
特沙雜誌

陳 政

戰爭者民族之試金石也。蓋戰爭不作則政府機警之手腕不顯。大將過人之智勇不彰。海陸軍士効死之壯志不伸。即全國國民團結一體之愛國心亦莫由之興起。自大局決裂。戰端既開。於是政府則以機警之手腕措置大局。大將則以過人之智勇運籌帷幄。海陸軍士則以必死之壯志効命疆場。人民則以團結一體之愛國心爲國家奔走。蓋若雄雞鳴而天下白。春雷動而萬物蘇矣。吾故曰戰爭者民族之試金石也。今者歐洲大戰爭開始而後。就協約國方面而論。則其君相上下爲國犧牲之大願畢現矣。即如俄羅斯者。素以專制魔王稱於世。今亦上下一心爲諸小邦之自由與尊嚴而戰矣。塞孟諸國則雖壤地褊小。人口稀少。亦舉國一致與強權爲敵矣。而比利時則爲國家之光榮與主權起見。傾全國之兵力財力與德爲敵。雖國之亡亦不肯屈矣。嗚呼。凡此種種協約國之光榮歷史。在大戰未開始以前。孰有能料及之者哉。孰有能料及之者哉。

溯今日協約國之戰爭歷史。所以能如是之凌礫萬古。照耀史冊者。雖云全國國民之一心一德。有以致之。其實中有中堅之人物焉。爲之創大業。建奇勳。故其作戰計畫到底不能爲敵軍所破。外交方針到底不能爲敵國所乘。嗚呼。若輩造時勢之英雄。充足以受千秋萬世人之崇拜矣。今請將諸大人物在戰爭時所立之勳業略爲表而出之。倘亦爲論世者所有事乎。

英皇喬治與協約諸君王皆有親屬關係。如與俄皇尼哥拉士則爲中表親。而比皇阿爾般脫由法蘭西

之末世君主方面言之。則屬於撒克司苛盤皇族。而其御名則以英國康淑脫皇子之名名之。今則皆聯  
合一致。齊心作戰矣。英國者。素以尊嚴之獨立。稱於世者也。可以不必加入戰國。然而竟加入者。則以為



未嘗以天潢之尊貴而稍形躊躇焉。竟脫該艇於險。故英皇之智仁勇。早為全國海陸軍士所信服。今茲  
英國全體將士之能以武功炳表寰區者。雖曰將士之勇謀。有以致之。而未始非以英皇早示之鵠。故羣

英

國家之尊榮起見。有不得不如此者耳。英皇喬治當未

登極時。嘗為海軍

皇

士官。曾一度為魚

雷艇七十九號之

艇兵。某日。其同隊

之某艇。在愛爾蘭

海面觸礁。放火箭

治

求救。今英皇即駕

自己之魚雷艇。開

足速率。駛往營救。

下多能興起耳。

今英皇太子愛德華年少有爲一磊落英爽之少年也。自大戰開始。即欲奮勇前敵。効命疆場。以爲快。屢次懇愿吉青納大將。言於英皇。放其開赴前敵。然而終以不得英皇之同意。未能一伸其志。居常軼鞅焉。



行。怡怡如也。維多利亞皇后對此一對嬌小可憐之玉人。不禁喜形於色。曰。英俄邦交之親切。此一對玉人不啻代表之矣。今皇太子果嶄然露頭角。而英俄邦交亦益形輯睦矣。

其在國中之服務。仍極勤勞。數其功績。實高出於從軍遠甚。如其爲軍人家屬救濟會募集巨款。即其設施之一端也。皇太子之第一次出席於國際交涉之場。即爲在英倫歡迎法總統。卜橫加之戾止。應對進退。動皆中禮。卜橫加氏稱之爲英國未來之賢皇也。當俄皇與皇后來英遊勃爾麻萊耳之時。其長公主亦方在幼年。皇太子導之前

俄皇尼哥拉士在今茲之大戰役中亦爲一中堅之大人物。蓋今茲俄之出而作戰也。其朝野上下之情形與昔年日俄戰爭時大異。當俄之徵集大軍。鏖戰於滿洲之野也。俄國人民無不反對之。以爲勞師傷民。莫此爲甚。俄皇避地於柴司克三洛地方。深居簡出。懼爲民害。竟施行戒嚴律焉。而前敵之軍情。則俄皇如瞶如聵。蒙無所知。一切攻守戰略。均出自諸將之令。俄皇不過爲之傀儡而已。今之與奧德宣戰。



俄 皇 尼 古 拉 士

則實出自俄國全體人民之同意。當俄德國交斷絕之時。聖彼得堡全體市民。歡聲雷動。海陸軍人則躍躍欲試。以爲報仇雪恥之時機至矣。而俄皇則竟理直氣壯。出席於市民之前。抗慨誓師。謂敵人一日不敗。則彼將一日不藏劍於匣。以指揮其前敵之軍人焉。嗚呼。敵愾之氣。豈不壯哉。全市居民則咸歡呼而答之曰。草莽小臣。敢不悉惟陛下之命。較之昔年日俄戰爭時之態度。則幾幾有天壤之判矣。俄軍轉戰於東普魯士及加立西亞之時。俄皇又親自督師前敵。險阻備嘗。與士卒同甘苦。又與皇

后常往海陸軍醫院。慰問創傷之兵。和顏悅色。親如骨肉。軍人惟有感激至於涕零而已。大戰未開始以前。英人對於比利時皇帝阿爾般脫之品性。絕少聞。彼與其後雖數數至英遊歷。深知英國民族之特性。而英國人民絕無有知其爲一何如人也。自大戰開始。德軍欲假道於比。侵犯其神聖永久之中立。於是比皇威武不能屈之英雄人格。遂大暴於世。比皇視皇位如敝屣也。生命如草芥也。惟

國家之尊榮與威嚴。則斷斷乎不可一朝或失。故寧捨其生命。委其皇位。與德之百萬大軍戰。雖明知衆寡不敵。強弱懸殊。勝敗之數。無待著龜。然而終不肯稍屈者。則以家國可亡。社稷可夷。惟國家之尊榮與威嚴。斷不能掃地以盡耳。故比皇之言曰。倘吾人果不幸而失敗也。而吾人之尊榮與威嚴。則將照耀史冊。炳焉與日月爭光。歷千秋萬世。而無替。則吾人亦足以自豪矣。嗚呼。此何等口氣。非英雄人能有其萬



比 皇 阿 爾 伯 脫

一耶。而比皇又不僅以不屈之精神。爲全國倡。其奮戰之勇。亦有匪夷所思者。舉凡步礮馬工諸戰術。皇無一不精。故卒能以殘弱之軍。阻德軍之南下。使其蹂躪巴黎之志。終不得逞。故雖乘輿播遷。大軍敗北。而其所造於聯軍方面。不已多耶。南山可移。滄海可涸。比利時皇帝阿爾伯脫榮耀之歷史。則將永垂示於天壤間矣。

之精神。堅忍之主見。當此危局。而無虞。隕越者。卽爲大總統。卜橫加氏。其人也。卜橫加氏智勇兼全。尤富於膽識。其爲法蘭西第一人。實最允當。卽德皇威廉氏亦深佩其手腕。嘗曰。卜橫加實爲當代雄才。股敬之重。德法邦交。既經決裂。卜橫加氏卽以總統資格。宣示於衆。謂法蘭西男子有一人在者。則決不爲敵人所屈。此亦可見其敵愾之氣矣。

去今約四十五年前。英國大政治家格蘭斯頓氏。鑒於比利時者爲四戰之區。歐洲不見兵革之禍。則已

苟其有之。則比利時不得高枕臥矣。故其時大陸諸國之外交政策。未嘗不以維持比利時永久之中立為務。今英國首相愛斯葵氏者。即私淑於格蘭斯頓門下者也。格蘭斯頓嘗推之為一英國未來之大人。物故即引之入內閣。展其驥足焉。今者比利時之中立。為人破壞矣。愛斯葵氏即仗義執言。聲罪致討。其對外政策。仍一本格蘭斯頓之方針。想格蘭斯頓九原有知。必掀髯含笑曰。孺子果可教也。愛斯葵氏在英德開戰以前國會中之演說。慷慨淋漓。聽者無不為之動容。其為近世之一大演說家。又無待言。



法 總 統 卜 橫 加

國家當干戈滿地。四海不寧之秋。其措施之最關重要者。舍軍事外。當以財政為惟一之急務矣。天相英國。丁此千鈞一髮之時。局掌不列顛之財政者。實為精於財政經濟學之喬治氏。喬治氏出身寒賤。初為律師時。貧乏幾不能自存。其所衣之制服一襲。亦幾乎無力備製。今乃以不列顛之財政大權付之其身。想亦非始料所及者矣。氏有遠到之見。有綜核之才。際此大戰爭之時。英國財政地位之

所以能鞏固而無虞搖動者。豈不以財部大臣之得人哉。喬治氏於戰爭開始之後。即創設國家保險制度。以維持其國外之商業。發行新紙幣。以補正金之不足。與各部大臣共同禁制居民之囤積糧食。以防物價之騰貴。凡此皆其措施之最有利益於英國大局者也。而彼又最初發起威爾司島之志願軍團。其二子則首先加入焉。今英之全國上下。鑒於喬治之真能忠於其國。故無不願贊助其設施也。

按英國自立  
合內閣成立

而後喬治已被簡  
為軍械部大臣

今英國外交大臣愛德華葛萊氏亦今日歐洲戰爭舞臺上最有關係之人物哉葛萊氏外交政策之穩健固早為一般人所稱許而在此大歐洲風雲緊急之際氏固嘗竭盡心力冀圖維持歐洲之平和者雖



所志不遂而英國之外交政策亦可以告無罪於天下矣

英內閣諸大臣際此天步方艱之日固皆竭其股肱之力以造福於國家而其最為任重大負遠歷盡辛苦者則莫如海軍大臣邱吉爾氏矣按自混合內閣成立邱亦已退出海軍部自大海交通門戶洞開戰爭之最關重要者將不在陸而尤在海況英國孤懸三島於北海外其民多務商則海軍者固英國之命脈也英皇之稱其自己海軍謂為着身之盾豈不以此哉蓋英

國環境皆水最易為敵軍所乘而民多務商遠航海外國內之農產物絕不足供全國之需要在在皆須待給海外今戰於比法之境則陸軍不能飛渡更須仰海軍為之保護故英國之海軍一日而不健全也則商業將完全失敗而居民有絕糧之憂敵軍乘隙而入英倫三島亡無日矣又何能以源源之生力軍

以援比、援法耶。幸英國當開戰之頃。長海軍部者。乃爲幹練有爲之邱吉爾氏。英德邦交。一經斷絕。立能調集強大之海軍。會師於師。必脫海特。軍勢之盛。亙古未有。英陸軍之能。安然在法國登岸。商業之能。維持原狀。英民之得能高枕安臥。何一非受邱吉爾調度有方之賜哉。

英國陸軍大將吉青納氏。在戰爭開始之際。適自埃及遣歸英倫。當時英政府欲物色一相當之陸軍人。才以爲陸相。環顧國中。固無有如吉青納氏之適當者。而吉青納氏遂亦當仁不讓。直受之而不疑。於是英國之海陸軍。皆有極適當之大人物。臨於其上。爲之統率。而指揮焉。英國陸軍。素不稱強。今轉戰於比法之境。居然不爲人屈。而力抵德意志百萬之雄師。使巴黎不至有被圍之虞者。問其何所致。而然則孰不曰。賢惟吉青納大將之功哉。吉青納年二十。卽入軍籍。普法之戰。隸勇將欽澤部下。戰功最著。受上賞焉。自是而後。歷任英國陸軍重要官職。可四十年。聲名煊赫。著稱環球。彼曾一度往巴拉斯下探險。喬裝阿拉伯人。學其語言。混跡彼都。竟末由爲人探知。則氏之才大心細。不難於此窺見一斑。南非之戰。則力戰以致勝利。其任印度埃及之總督。則持公無私。人民翕然信服。不問海內外。咸想望其風采焉。今茲之出而任陸相。實最適當。故協約各國之歡迎吉青納氏。實不亞於歡迎英軍戰地總司令弗蘭巨氏。予知吉氏將來之成功。當有不止於此者。

海軍大臣邱吉爾氏。陸軍大臣吉青納氏。既應時勢而出。爲國家之柱石。天又誕生弗蘭巨氏。使之馳騁戰場。殺敵而致果。斯眞英國之幸哉。弗蘭巨氏初在海軍任事。既而當道以氏精騎術。遂拔之入陸軍騎隊。爲士官。於英國陸軍之改良。頗資臂助。然其名固未赫然大著也。洎自戰事開始。人亦不過知其爲戰

地之總司令而已。直至瑪恩河大戰以後。弗蘭巨著著進取。措置悉合機宜。未嘗稍形失敗。於是弗蘭巨之名大著。而人遂以第一等軍人目之矣。弗蘭巨對於法軍之性質。極為熟悉。故英法二軍。互相提攜作戰。能收如此之功效也。



故弗蘭巨之官報曰。八月二十六日之晨。我軍左翼。若非有智勇兼全。堅定不拔之斯密史其人爲之統將。則必致覆滅。可無疑義。觀此可見弗蘭巨推許之誠矣。

英德軍自陷里愛巨。下納暮爾。而後軍勢銳甚。直薄巴黎城。下英軍左翼。受極大之壓迫。陣地之險。甚於累卵。於斯時也。若非斯密史多倫爲之統將。則全軍無噍類矣。蓋斯時弗斯密史以極敵之戰鬪力。當四倍於已精強之敵軍。而猶能力戰至一晝夜之間。阻其不得前進。然後全師而退。此非有過人之勇者。能若是乎。

今日英法二軍在西方戰場互相提攜作戰英軍之奮勇力戰固爲不可淹沒之事而法軍堅忍不屈之精神又何能畧而不論耶則欲論法軍之善戰尤不可不知霞飛將軍之爲人以法國今日精銳之新軍咸爲將軍一人之所造就而今日作戰之方畧亦爲將軍一人之所籌畫微將軍則法蘭西今日寧有立足地乎故霞飛將軍者實今日法蘭西之棟樑石柱也霞飛將軍今日年事可得六十有二身歷戎行者已達四十五年之久其在普法戰爭時將軍與吉青納大將隸同一旗幟之下奮勇殺敵戰功頗著然二



法 國 陸 軍 總 司 令 霞 飛 將 軍

人並不相識也今日二人皆出人頭地爲一國中堅之大人物矣不知皆當日普法戰爭時之馬前小卒也普法之戰後將軍屢在海外建立戰功故軍事學識及其閱歷之豐富稱無雙焉數年前法國本無陸軍總司令一職既而政府中人鑒於天步之方艱來日之大難遂特設是官而以陸軍改革之大權畀與之時勢造英雄霞飛氏遂應運而出霞飛卽本其經驗學識改造法蘭西軍隊未及數年

而法軍遂爲天下雄矣今日法軍之能轉戰前敵頑強不屈者夫豈非霞飛將軍訓練之成效哉

以改造軍隊鞏固國防爲己任未及數年而明效大著者在法則有霞飛將軍在比則有大將惠希史男爵而在俄則有尼哥拉士大公論其功績三人洵可並駕而齊驅矣惠希史男爵亦任陸軍總司令之職與比皇阿爾般脫最稱魚水故其計畫皆能一一見之實施未及數年成績已復卓然可觀其惟一改革

之大計畫。即消除倚賴要塞以爲國防之謬見。而別練精銳節制之師。以便常取攻勢是也。自大戰開始而後。比軍之勇敢善戰。始爲全球所稱許。則男爵改良軍政之勳勞。不於此又信而可徵耶。

尼哥拉士大公。爲俄國陸軍界之砥柱。此爲一般人所公認者也。初尼哥拉士大公。曾一度爲俄軍之統



俄 國 總 司 令 尼 哥 拉 士 公 爵

將。鑒於軍人程度之低下。武器之惡劣。服裝之不完全。及其他種種缺點。即慨然以改造俄國之軍隊爲己任。彼之言曰。俄軍勇敢耐戰。天下稱最。倘再以新法訓練之。而予以新式軍器。則可稱無敵於天下。橫行全球不難也。俄皇極信任之。遂任以大元帥之職。於是俄國軍界。不啻發生一大革命。軍器則易以新者矣。操法則易以新者矣。一切

軍制。則亦重新編制矣。而軍官之資格。則亦從嚴限制矣。尼哥拉士雖遇有種種之阻力。不克完全實竟其施。而其軍政改良之成效。已彰彰在人耳目間。他人雖欲不爲之愉揚。亦不可得也。大公爲人極儉約。

能與士卒同勞苦。故士卒極感戴之。今自大戰爭開始而後。一切作戰方略。均出自大公之手者也。吾人既以比之惠希史大將之功勳。表而出之。則有一人焉。亦不可不連類及之。斯何人耶。則爲比國勃羅色爾之市長梅克司氏是也。勃羅色爾既陷落於德軍之手。德人即逮捕梅克司氏。多方要挾。求其署名作種種不確實之報告。氏堅拒之。終不爲屈。且反向大衆宣言。德人如何迫脅情形。生死問題。則早已置之度外。然德人終不敢置之於死地也。放之於哥隆勤。其剛強不屈之精神。誠足以廉頑立懦矣。



英 海 軍 大 將 約 翰 雅 利 各

英國之海軍界有一傑出之人才焉。曰約翰雅利各氏。精礮學。故英國海軍大礮之裝置。皆受成於氏。擘畫有年。經驗極富。而氏之海軍戰術。又非常精深。富冒險性。屬下咸敬服之。至有稱之爲未來之納爾遜者。生平數建奇功。且屢瀕於險。終得天倖而免。維多利亞號軍艦之沉沒。氏亦與難。爲他人救起。不死。天津之役。則彈中肺部。醫愈。不。死。去。年。則。乘。徐。伯。林。飛。艇。放。乎。天。空。經。歷。長。途。雖。遇。險。亦。不。死。則。天。之。不。死。彼。者。固。將。以。成。就。其。赫。赫。之。勳。名。也。夫。豈。無。意。也。哉。其。部。下。諸。將。亦。皆。爲。饒。勇。敢。死。之。士。如。阿。姆。芬。號。艦。長。福。克。司。氏。則。尤。爲。彼。輩。中。之。傑。出。者。阿。姆。芬。號。巡。洋。之。頃。卒。然。中。一。魚。雷。福。克。司。氏。亦。爲。魚。雷。水。片。所。中。昏。迷。不。省。人。事。倒。臥。甲。板。者。移。時。全。艦。尙。未。爆。裂。焉。而。輪。行。速。率。每。小。時。猶。得。二十。海。里。未。幾。福。克。司。痛。極。而。醒。矣。即。躍。下。機。器。室。立。撥。進。行。機。停。之。集。諸。水。手。下。救。生。艇。棄。之。而。去。未。一。刹。

那轟然一聲。全艦粉裂矣。氏歸稟其事於海軍部。旋即授以無畏號艦長之職。卒致荷蘭海面之凱旋。希利哥島之海戰。英國有建立奇勳之大將二人焉。一曰大衛彼特氏。一曰司令鐵揮脫氏。大衛氏前以埃及尼羅河之役。戰功頗著。擢升為海軍司令官。繼復以在中國任所之勤勞。即舉為海軍後衛大將。希利哥島海戰之時。大衛在猛獅號助戰。以弱摧強。竟致凱旋。鐵揮脫氏則為阿蘇撒號之司令官。領滅魚雷艦一隊。與德之巡洋艦隊戰。卒能將德艦梅慈轟沉之。而阿蘇撒號則亦已受有礮火。速率減至每小時十海里矣。然終得脫重險。安然駛還英之海軍根據地焉。

英軍艦卜明海號之司令官特夫氏。則以轟沉德潛艇一艘。著稱於英之海軍界。當時德潛艇在驚風駭浪之中。神出鬼沒。英軍艦旗布星羅。所在皆是。處境之險。蔑以加矣。脫非特夫氏礮術之精。將潛艇之瞭望鏡。一擊而中。則英國軍艦。必有被其危害者矣。

英潛艇E字九號之艇長梅克司霍東氏。沉德巡艦海拉號。其功最不可沒。而三星期後。又沉敵之滅魚雷艇一艘。聲名愈著焉。猶憶去今三年前。第而希號失事於大洋中。時霍東氏亦與其難。而彼則竭盡己力。冒險拯救人命無數。皇公主及大公爵法埃夫見而嘉之。英商部卒與以名譽勳章獎其勇。以如此之人格。一旦身臨前敵。自然決不有所退縮矣。

今日英國當戎馬倉皇。四郊多壘之日。其國內人民之熱心毅力。齊以救國為己任。自無待言。而海外殖民地亦團結一致。忠於母國。是誠極可欣喜者也。如加拿大者。尤著。嘗以巡洋艦二艘。潛水艇二艘。加入母國之海軍。又組織遠征軍隊。挑選精壯之軍十萬餘人。供以糧食。子彈。軍器及服裝。以為母國後援。

凡此贊助。有益於母國。殊不可以限量。然加拿大政府中。有中堅之人物二焉。不可不表而出之。其一卽爲其首相洛盤脫巴登氏。彼於協助海軍組織遠征隊之事。擘畫獨多。功在祖國。誠不可沒。又其一則爲加拿大防務大臣桑休斯氏。彼於前三年中。改良加拿大軍政。不遺餘力。故大戰一經開始。卽能以精壯之海陸軍供祖國之驅遣也。

英屬南非洲土民。自開戰後。舉有不安之象。德人又從中煽惑。大局益形岌岌。則有巴柴將軍及史墨茲將軍二人。昔者英脫之戰。雖嘗與英爲敵。而今則盡心君國。未嘗稍有貳心。故亂事雖起。旋卽底定焉。法蘭西大軍人寶氏者。前在普法戰爭時。中彈炸去一臂。人遂以獨臂將軍稱之。今猶矍鑠。身列戎行。爲霞飛將軍臂助。將軍極倚重之。其料敵如神。有非他人所能及者。滋可崇拜也。

去秋英國第五騎兵團與普魯士輕騎兵戰於比法之界。一以當五。賡續至十日之久。卒能將德軍圍而殲之。作戰之猛。亙古難見。則以其團長飛列泊驍勇善戰。故堅定不動。終致最後之勝利。

屈指數今日協約國之大軍人。則比利時里愛巨要塞總司令里門大將。亦不可不與其列。大將堅守里愛巨要塞。阻遏德軍。不得乘勢南下。俾英法二國。得以從容調集大批援軍。里愛巨雖不耐攻城大礮之猛烈。終致失守。然其有造於聯軍方面。不已多耶。大將親冒礮火。督率將士奮力作戰。直至力盡而後已。泊乎里愛巨陷落。德軍尋見之於瓦礫堆中。已昏迷不省人事。因極優待之。既卽送往哥隆動作俘。上述諸氏。皆爲今日協約國之中堅大人物。有欲崇拜富世之英雄者乎。則芳蹤不遠。英姿可接。盡人可傾其景仰之忱也。

# 最近十五年世界財政史

譯新日本雜誌  
田中穗積原著

農 生

(一)

二十世紀已來。各國財政之增長。有加無已。自一九〇一年。至一九一四年。十四年間。德國歲出總額。由二十三億二千四百萬馬克。增至三十六億九千六百萬馬克。約增十成中之六成。公債由二十七億三千二百萬馬克。增至四十八億〇二百萬馬克。約增七成有奇。法國歲出總額。由三十五億五千四百萬法。增至五十三億七千三百萬法。約增五成有奇。公債增二十八億法。約增一成。美國歲出總額。由五百萬圓。增至七億二千八百萬圓。約增四成。公債由二十一億四千三百萬圓。增至二十九億一千八百萬圓。約增三成五分。英國當一九〇一年。適值南阿戰爭。財政上多臨時預算。不能據爲準則。以一九〇九年。與一九一二年比較。十四年間。歲出總額。由一億一千七百萬磅。增至一億七千八百萬磅。約增五成。公債由六億三千八百萬磅。增至七億二千四百萬磅。約增一成三分。日本國在同期間內。歲出總額。由二億五千四百萬圓。增至五億八千二百萬圓。約增一倍又三成強。公債由五億零五百萬圓。增至二十五億五千三百萬圓。約增四倍有奇。統觀以上各國。於過去十四年之間。財政上皆日形膨漲。就中最急激者。爲日本國。歲出增一倍又三成。公債增至四倍。次爲德國。歲出增加六成。英法五成。美國四成。公債德國七成。美國三成五分。英國一成三分。法國一成。

更觀其財政增長之原因。第一。陸海軍費。第二。關於教育及社會的立法經費。第三。關係郵務電報等項。

交通機關經費。占財政上之大部分。東西各國一例相同。試就陸海軍費觀之。過去十四年間。英國由四千四百萬磅。增至七千萬磅。約增六成。日本國由一億一千四百萬圓。增至一億八千七百萬圓。約增六成五分。德國除一九一四年。陸軍擴張費不算外。其常年之陸海軍費。由六億三千八百萬馬克。增至九億七千三百萬馬克。約增五成有奇。若加算最近軍備擴張費。增至一倍又三成。法國近年以來。其海軍由第二位降至第四位。然以其世仇之德國。軍備逐年擴張。故法人欲保國家之獨立。不可不維持其軍備。達於必要不可缺之程度。其結果增加陸海軍經費。至十九億二千五百萬法。比較十四年前。約增九成。

其次為關於教育的行政。及社會的立法。所需經費。亦各逐年增加。英國屬於內治費之金額。最近十四年間。由二千二百萬磅。增至四千六百萬磅。約一倍強。就中關於國民教育普及。養老年金制度。強制工人保險制度。工人介紹所等。社會的立法之經費。占內治費半額以上。此等經費總額。最近十四年間。由一千一百萬磅。增至三千萬磅。約三倍弱。法國對於教育及其他社會的立法。嚮不如英德之注重。至近年始稍稍覺悟。關於此等事項。在議會中。常得一致協贊。其努力進行之結果。合計內務教育。及關於工人者。所須經費。最近十四年間。由二億八千六百萬法。增至六億六千三百萬法。約增一倍又二成強。在德國此種經費之增加。比較為少。最近十四年間。由五千四百萬馬克。增至九千六百萬馬克。約八成弱。日本此種經費。最近十四年間。則由三千萬圓。增至五千七百萬圓。約增九成。德日二國。關於此種事項。增加經費。皆比較為少。而其公債費之增加。則較他國為鉅。德國由八千八百萬馬克。增至二億三千七

百萬馬克。約增三倍。日本由三千四百萬圓。增至一億四千二百萬圓。約增四倍以上。此兩國之公債。關於不生產的起債之點。亦復相類。德國公債之半。在最近十年間。皆以補經常歲出之不足。而此歲出不足。實生於軍備之擴張。日本最近公債。十分之六。皆因日俄戰事而起。至關於鐵道之敷設。及其他生產的事業。所起公債。不及戰費公債之半。次為郵務電報電話等項。交通機關。所需經費。最近十四年間。英國由一千二百萬磅。增至二千三百萬磅。約增九成。法國由二億零五百萬法。增至三億五千七百萬法。約增七成。德國有三億六千四百萬馬克。增至六億九千九百萬馬克。約增九成。日本由一千四百萬圓。增至二千八百萬圓。約增二倍。此等交通行政。一方增加歲出。同時復於他方增加歲入。出入相銷。尙可得若干之純益。補充國庫。至於擴張軍備。發展教育。及施行其他之社會政策。但就財政上觀察之。固大有不同之點也。

二十世紀以來。最近十四年間。各國財政。但自其歲出方面觀察之。亦如十九世紀之下半年。以軍事教育交通費。及公債償還費。占其最大部分。惟關於社會的立法。增加經費。則為二十世紀。財政上歲出之特徵。此種經費。自十九世紀末。已漸有增加之傾向。德國當一八八三年。始創設疾病保險法。次年。設災害保險法。為社會的強制保險模範。當時歐洲各國。對這種事項之成績。不少懷疑之點。因之所投經費。亦無多額。至入二十世紀以來。早經過試驗的時代。而進為實行的時代。故各國財政上。銷費於擴張此種政務之用者。亦漸增多。英國至一九〇五年之末。現自由黨內閣。取統一黨內閣代之。即熱心社會政策之實行。德與法反體乎若後。日本明治四十四年三月。始制定工場法。詎未施行。所費僅十萬圓內外。

以視歐西固已有望塵莫及之歎矣。

(二)

二十世紀世界財政史上。歲出與歲入兩方面。果孰重乎。則必曰歲入方面重。先就英國論之。英自由黨內閣秉政以來。稅制之根本的革新。為世界開一新紀元。比較他國稅制上之改革。誠不可同日而語矣。法國自入二十世紀以來。屢屢起新稅或增舊稅。而同時在他一方面。復減少多種之稅源。故實際上租稅增額。自一九〇一年至一九一〇年。五十年間。僅增七千二百萬法。幸於此期間內。獲得七億法之自然增收。又受領中國政府之賠款。以為補充。故逐年所起之公債。及短期債券等。始得大體償還。然自後應付諸種之必要。經費以次增加。法政府曾無一定之方針。徒以短期債券。為彌縫一時之政策。屢提出新稅增設案。僅能通過下院。不獲實行。試就一九一四年之豫算觀之。直接稅之收入。六億七千五百萬法。間接稅之收入。乃至二十九億四千萬法之多。合算煙草及火柴之專賣收入。三十五億一千六百萬法。比直接稅收入。竟達五倍以上。又法蘭西之地方稅。專對於直接稅之附加稅。亦達於四億法以上。故僅就中央政府收入之國稅觀之。稅率雖輕。而細察其比較直接稅之間接稅。則稅率又嫌其過重。蓋以間接稅之負擔。恆在中流社會以下之人。其斯為法國稅制不良之點矣。

德國於財政上。最近經數次之改革。自一九〇四年至一九〇六年。有斯丁哈耳之改革。在一九〇九年。有昔德之改革。在一九一三年。有基耶之改革。確定帝國政府。固有財源。最大者為關稅。其次為共同消費稅。即糖稅。煙稅。火酒稅。麥酒稅。及印花稅各項。此外則有郵務電報等之官業收入。在帝國統一之當

初此等收入總額僅一萬七千萬馬克。歲出不足。則按照各聯邦人口徵收賦課。以所謂聯邦分擔金者補充之。否則募集公債。同爲憲法上之規定。然以最少額之固有財源。應付一般經費。終爲不可能之事。故聯邦之分擔金額。逐年有加無已。其結果將使帝國政府之財政。永遠不得獨立。當一八七九年。首相俾士馬克。曾具一關稅增收案。提出議會。雖得協贊。而同時附加所謂法耶克士之分還條件。遂使帝國財政。益形繁複。法耶克士條件。爲中央黨議員法耶克士提案。關稅及煙草稅收入年額。達於一億三千萬馬克以上時。則以其超過之部分。按照聯邦分擔金之人口比例。分還於各聯邦。其後一八八一年之印花稅增收案。一八八七年之火酒稅增收案。皆適用此條件。自後各種租稅。逐年增加。就中關稅一項。自一八八五年。至一八九〇年之間。年額平均得二億六千八百萬馬克。猶不足涵養帝國政府之財源。不得已復增聯邦分擔金。然不能爲無限制的增加。則又發行公債。以彌縫歲出之不足。公債逐年增加。則公債利息之支付。亦隨之而增加。故歲出愈膨脹。而帝國財政愈支絀。政府屢提出增稅案。不得議會協贊。不能成立。惟關稅及其他租稅收入。得充帝國政府財源之額。按照法耶克士條件。限於一億三千萬馬克者。擴張爲一億四千三百萬馬克。後更擴張爲一億七千萬馬克。又依法耶克士條件規定之分還金。超過聯邦分擔金時。得以關稅及煙草稅之中。分還聯邦金額。截留四分之一。償還帝國公債。帝國政府歲出。逐年增加。卽海軍擴張之實行。在財政上。已不能取彌縫政策。至一九〇三年。斯丁哈耳任財政部大臣。次年。始著手於財政上之改革。對於關稅及煙草稅。廢止法耶克士附加條件。其金額之全部。悉保有於帝國政府。至一九〇六年。以二億五千萬馬克之增稅案。提出議會。聲明爲上流中階階

級人民負擔之稅項。隨得議會協贊。成立二億馬克之增稅案。就中屬於關稅及火酒稅。煙草稅。自動車稅。等項消費稅者。增七千四百萬馬克。屬於運送稅通行稅等項。所謂行爲稅者。增五千六百萬馬克。又依市內郵便金之收回。增一千二百萬馬克。此外依繼承稅。得四千八百萬馬克。依公司監察之報酬稅。得一千萬馬克。此等稅項。認爲專屬中上流社會之負擔。亦殊未確。惟對於私經濟上支出之賦課。所謂消費稅者。爲七千四百萬馬克。而對於私經濟上收入之賦課。所謂取得稅者。爲一億一千四百萬馬克。則各階級人民。負擔之分配上。尙不至畸輕畸重云。

當時帝國政府財政狀況。僅得二億馬克增稅。歲出不足尙多。卽軍備之擴張。及公債之償還。籌畫財政獨立。終止借金政策。維持收支均衡。不可無五億馬克之增稅。一九〇八年末。帝國政府新立增稅計畫。對於比較他國負擔略輕之火酒稅。煙草稅。麥酒稅。葡萄酒稅。增二億九千七百萬馬克。對於將來逐年增進之電氣及煤氣。又廣告等新稅。增八千三百萬馬克。惟以上諸稅項。皆屬於消費稅範圍。欲保租稅均衡。使社會各階級人民。負擔上無畸輕畸重之弊。故對於財產所有者。復擬設遺產稅。疏遠者之財產繼承。徵收稅金。固不待論。卽對於直系之卑屬。或配偶者。承受遺產。亦課以相當之稅金。此外又附加一種兵役免除稅。得九千二百萬馬克。合計得四億七千二百萬馬克。增稅案之要點。在對於消費稅。設遺產稅。以保負擔上之平衡。此案出議會。其新設遺產稅一節。爲中央黨及保守黨反對。所持理由。謂德國之國民。在普通選舉上。權利平等。卽一切義務悉平等。如新設遺產稅。使負擔專歸上流階級之人民。殊非公允。在議會中。以多數同意否決之。首相比羅公爵。坐是辭職。嗣政府與議會協商。以印花稅增收。代

遺產稅新設。對於土地賣買證券。其他有價證。支票匯票及息摺等。悉增課印花稅。得一億零九百五十萬馬克。同時對於火酒。麥酒。煙草。及葡萄酒稅之增收。復加修正。別增收茶葉入口稅。新設點火裝置器稅。燃火品稅。及珈琲入口稅。合計增收四億一千九百五十萬馬克。以一九一二年爲限。提出土地增價稅於議會。得其協贊。復增收一千八百萬馬克。通計增收四億三千七百五十萬馬克。其中對於生產方面。所課之稅。即取得稅。約一億二千七百五十萬馬克。消費稅之增額。約三億一千萬馬克。前者約占全額十分之三。後者約占全額十分之七。

自一九一二年。至一九一七年。卽陸軍擴張費一項。繼續支出。須六億五千萬馬克之鉅。一九一二年中。對於家用酒製造者。廢止免稅特例。計可得一千六百萬馬克。至二千萬馬克。同時對於關稅。及鐵路郵務等。官業收入。復加改正。以謀收入增多。而一九一二年。至一九一四年之間。籌撥之陸軍擴張費。計三億三千八百萬馬克。仍取補苴政策。彌縫一時。至一九一三年。陸軍大加擴張。臨時費十億五千萬馬克。經常費一億八千萬馬克。至一億九千萬馬克。此次專求財源於取得稅。對於土地賣買證券。其他有價證券。保險證書。及匯票支票息摺等。改正印花稅則。又增加繼承稅率。延長糖稅之廢止期間。又新設財產增價稅。對於內國土地。營業資本財產。自一九一七年以後。每三年計算其增價。不及一萬馬克。免其納稅。在一萬馬克以上者。以累進稅率徵收之。籌撥陸軍擴張之繼續費。至臨時費。十億五千萬馬克之籌措。別以臨時國防擔金之名目。賦課於財產及所得。對於財產。課以百分之〇。一五。至一五〇。得八億八千萬馬克。對於所得。課以百分之一至八。得八千萬馬克。又對於股份公司公積金。課以百分之

○九五得四千萬馬克。此等臨時稅金。於一九一四年至一九一六年之三年間。分期繳納。此臨時稅金之收入。皆屬於取得稅範圍。即專使有產階級之人民。任其負擔。蓋德國帝國政府之財政。嚮置重消費稅方面。因之中流社會以下。常有負擔失重之嫌。故國民自由黨及社會民主黨。常攻擊之。而社會民主黨。復主張新設遺產稅及帝國財產稅。帝國政府。則以受牽制於中央黨及保守黨。無實行之勇氣。至此次軍備擴張之增稅。始一矯累年之積弊。如增收繼承稅及新設財產增價稅。又對於財產及所得。徵臨時國防分擔金。皆力避消費稅。而置重取得稅方面。不可謂非財政上之一大革命事實也。十九世紀以前。各國財政上之通弊。皆對於無力反抗之中下流社會人民。重課其消費稅。謀國庫收入之增加。自入二十世紀以來。各欲維持負擔上之公平。故凡新立稅法。恆置重於有產階級方面。而德國此次之增稅。其一例也。

(三)

如上所云。德國財政上之傾向。即徵之英國而亦然。英國當一八九九年。南阿戰事爆發。英政府初猶漫視之。其籌措戰費。僅提出一千萬磅之預算。求協贊於議會。欲以短期債券。彌縫一時。其後屢戰失利。戰期延長。竟致一八九九年度。歲計不足一千八百萬磅。一九〇〇年度。歲計不足四千三百萬磅。合計不足六千萬磅有奇。英政府始決然增稅。定額為一千三百三十一萬磅。其中之五百六十六萬磅。以對於麥酒及火酒之物產稅。及對於煙草及茶之關稅充之。餘六百六十五萬磅。以所得稅為主。旁及對於各種契約之印花稅充之。銷費稅約占百分之四六。所得稅約占百分之五四。又中止政府保有年金公債。

之支付。得四百六十四萬磅。其餘三千五百萬磅。則依起債以補充之。至一九〇一年。戰時預算。又不足五千五百三十四萬磅。增稅一千一百萬磅。其中之五百十萬磅。以新設糖入口稅充之。又二百十萬磅。以新設石灰出口稅充之。尙餘三百八十萬磅。增入所得稅中。右石灰出口稅。據財政部大臣薩密耶爾說明理由。謂此出口稅額。歸外國銷費者。間接負擔。而於輸出國之採炭業者。輸出業者。皆不增何種之苦痛云云。此次所增稅額。以糖之關稅收入。與所得稅收入比較。前者約百分之五七。後者約百分之四三。其他財源。亦如前二年度。中止年金公債支付。得四百六十四萬磅。依起債得三千九百七十萬磅。至一九〇二年。英政府認爲戰局將終止。而關於軍隊之撤回。及其他必要之經費。尙需二千八百五十七萬磅。增稅四百四十萬磅。其中二百四十萬磅。新設穀物關稅充之。二百萬磅。增入所得稅中。其餘二十四百十七萬磅。仍賴起債補充。此次南阿戰爭。互三十三個月之久。至一九〇二年六月。始完全恢復其和平。次年財政部之報告。謂南阿戰爭及北清事變。所需戰費總額。達於二億一千七百萬磅之鉅。其中六千七百五十萬磅。爲依租稅取得。四千九百五十萬磅。爲依公債取得。前者占百分之三一。後者占百分之六九。

而戰後之財政。公債費海軍費及一般行政費。皆見增加。惟以和平克復之故。歲計上豫定可生一千一百萬磅之剩餘。於是廢止新設穀物關稅。又於所得稅中。減輕八百五十萬磅。及至實行豫算。乃不如其所期。一方因經濟界。感受戰爭影響。市況蕭條。致減少租稅之收入。一方因海軍之擴張。及蘇馬利蘭之防堵。豫算失出。歲計上至生五百萬磅以上之不足。其時長巴連。任財政部大臣。決增稅四百五十五萬

磅。其中二百萬磅。增入所得稅中。餘二百五十五萬磅。加入煙草關稅。未幾市況恢復。歲計復生剩餘。乃增加公債償還額。減輕茶葉關稅。

至一九〇五年之末。統一黨內閣解散。自由黨內閣代興。亞斯古斯。入主財政。歲計上繼續生餘贏。乃廢止石炭出口稅。再減輕茶葉入口稅。設特別委員會。謀所得稅之根本的改革。至一九〇七年。議會中根據該委員會之調查。對於二千磅不足之所得所有者。分爲財產所得。勤勞所得。財產所得稅率。仍照舊時規定。每磅徵一先零。勤勞所得稅率。減輕爲每一磅徵九辨士。結果歲入減少。乃就死亡稅中之遺產稅。略加改正。增進稅率。百萬磅遺產之稅率。由百分之七。五。增至百分之十。百萬磅以上之遺產。別徵百分之三。至三之附加稅。嚮例所得稅中。區分財產所得。勤勞所得。極爲困難。卒以當局者之苦心經營。未至發生障礙。且因減輕勤勞所得稅率之故。彼一般納稅者。皆據實自陳所得之額。反增國庫收入。殊出意外。與消費稅之增收額合算。歲計上竟生七十餘萬磅賸餘。復減輕海上保險證書印花稅。及糖之關稅等。

至一九〇九年。洛德喬治主掌財政。提出議會之豫算案。殆爲財政組織之根本的改革。前自由黨內閣首相羅斯栢里。斥之爲革命的播種。其結果將盡驅逐資本於海外。前財相長巴連之關稅改革。已負政治罪惡。今喬治之增稅案。其罪惡尤爲不可道云云。然一徵諸事實。其改革固屬根本的。十九世紀之末。卽一八九四年。哈可特所製豫算案。對於英國財政。向以消費稅爲收入大宗者。大施改革。轉以所得稅爲重要財源。且對於死亡稅。適用累進稅法。當日朝野上下。莫不震驚。指目爲民主黨之革命的豫算。然

以之比較喬治豫算規模猶嫌狹小。宜乎喬治之反對黨人對於彼所提出之財政案攻擊之不遺餘力也。

喬治提出豫算案。在一九〇九年。歲入爲一億四千八百三十九萬磅。歲出方面。因海軍之擴張。及養老年金制度之實施。至達一億六千四百十五萬磅。不足之額。爲一千五百七十六萬磅。又新設勞工交易所。及富源開發基金等。合計歲出不足。一千六百五十萬磅。須以新財源補充之。計增收牧酒稅。煙草稅。及販賣酒類許可稅。共得六百七十萬磅。新設自動車稅及燃料稅。共得六十萬磅。改正遺產稅。印花稅。所得稅。又新設土地增價稅。共得七百五十萬磅。其餘以公債償還之減額充之。喬治說明豫算案。在議會演說四時之久。略謂此增稅案。通社會所有之階級。力求負擔公平。故消費稅之增收額。與取得稅之增收額。爲數相等。且打破舊日之財政方針。特於所得稅中。細分階級。對於二千磅不足之勤勞所得稅率。每一磅仍爲九辨士。三千磅不足者。每一磅改徵一先零。五千磅不足者。改徵一先零二辨士。十六歲未滿之小兒。每人許扣除所得額十磅。又對於五千磅以上之所得額。每一磅課附加稅六辨士。死亡稅中。遺產贈與繼承等稅。悉增進其稅率。更新設土地稅。價格增加。不私於地主之個人。故反對黨攻擊。動斥爲復讐的。或社會主義的。非無因也。此豫算案。以一九〇九年四月二十九日。提出議會。下議院之討議。互六個月。採決次數。至於五百五十四次。修正後送於上議院。討議六日。卒於十一月三十日。以多數不同意否決。議會解散。至總選舉結果。政府黨占多數。次年四月。再通過下議院。送上議院。對於二百三十一人。得二百二十四人之同意。是月二十九日。經英皇裁可公布之。始得成立。至一九一一年之增

收額。達於二千三百萬磅。據財政大臣之說明。依酒類煙草自動車等嗜好品或奢侈品之消費稅。增收八百萬磅。依所得稅改正。增收七百九十萬磅。依死亡稅改正。增收六百三十萬磅。依土地稅新設。得四十八萬磅。此次增稅。專使中流社會以上之人。任其負擔。以一八九九年。租稅收入。與一九一二年比較。由九千九百六十三萬磅。增至一億四千六百七十五萬三千磅。約增四成七分。列表如次。

一八九九年

一九一二年

增減率

關稅	一三三·八〇〇·〇〇〇磅	三三三·四八〇·〇〇〇磅	增四成七分
物產稅	三二一·一〇〇·〇〇〇	三〇〇·〇〇〇·〇〇〇	減七分
死亡稅	一四〇·二〇〇·〇〇〇	二五·二四八·〇〇〇	增八成
印花稅	八·五〇〇·〇〇〇	一〇〇·五九〇·〇〇〇	增一成八分
舊地稅	七九〇·〇〇〇	七〇〇·〇〇〇	減一成三分
房屋稅	一·六七〇·〇〇〇	二·〇〇〇·〇〇〇	增二成
所得稅	一八·七五〇·〇〇〇	四四·〇〇〇·〇〇〇	增一倍又三成九分
新土地稅	—	四五五·〇〇〇	—
合計	九九·六三〇·〇〇〇	一四六·七五三·〇〇〇	增四成七分

舊地稅房屋稅兩項。無甚差異。關稅雖增四成七分。而物產稅却減七分。兩項相抵。故統計消費稅增額。僅得一成三分五釐。至所得稅。則增至一倍又三成九分。就中死亡稅增八成。印花稅增一成八分。此外

土地稅之新設。增四十五萬五千磅。合算此等四種之取得稅。已增九成有奇。二十世紀中之英國增稅。通社會各階級。與以公平負擔。力矯從前積弊。置重於取得稅方面。事實上彰彰不可掩。故理想的稅制整理。在二十世紀中。不能不斷推英國也。

蓋當二十世紀以前。各國財政上之一般傾向。自歲入方面觀察之。皆以消費稅為重要部分。故頗難維持負擔之公平。英國此次改革。特對於私經濟上之生產方面。即收入之復得。增加課稅。一矯多年積弊。務使各階級之負擔。出於真正公平。認為二十世紀中之特徵。已無疑義。蓋置重消費稅方面。雖對於課稅貨物之選擇。十分慎重。終不能通各階級之負擔。出於真正公平。試一調查德國之消費稅負擔。分配於各階級間人民者。是否能得公平。即可以推知其故矣。人民之所得額。六千馬克至四千馬克者。為第一級。四千馬克至二千馬克者。為第二級。二千馬克至一千二百馬克者。為第三級。一千二百馬克至八百馬克者。為第四級。八百馬克以下。為第五級。就各種消費稅負擔。列比較表如次。

	鹽稅	穀物稅	煤油稅	糖稅	麥酒稅	火酒稅	煙草稅
第一級	一〇〇〇						
第二級	二〇〇〇	二〇〇〇	四〇〇〇	一五六	一二七	一〇〇〇	一六七
第三級	五〇〇〇	三二八	四五七	二五〇	二九一	一一二	一八九
第四級	一一〇〇	四二八	五五七	二六九	二二七	七五	二八九
第五級	一〇〇〇	四五六	六二九	三三七	二〇〇	八八	一六七

先就必要品之鹽稅論之。第五級之負擔。當第一級十倍。穀物稅當四倍五六。煤油稅當六倍二九。次觀嗜好品中之糖稅。第五級之負擔。當第一級三倍三七。麥酒稅當二倍。煙草稅當七成七分。惟火酒稅少減。據此統計觀察。則知消費稅之負擔。萬難出於公平。在事實上。蓋為無可逃避者也。故專依消費稅以維持國家收入者。於正義公理上。皆不能容。蓋社會之弱者。卽下層階級之人民。雖被重稅壓迫。無法申訴。惟各節衣縮食。以勉盡國民之義務。而社會之強者。卽上層階級之富人。稍增負擔。卽肆喧囂。且為防衛利益起見。不惜以種種之卑劣手段。脅迫政府當局。減輕其稅額。然後已。二十世紀以前。為各國共同之積弊。至入二十世紀。英政府始以全力矯正之。故現時英國之稅制。可謂為世界上之模範稅制已。日本明治三十二年。第十三次議會成立。關於中日戰役。提出第二次增稅案。增收四千二百萬圓。就中地租增收八百四十七萬圓。所得稅增一百四十九萬圓。噸稅增二十三萬圓。登錄稅增一百八十四萬圓。兌換銀行券發行稅。增百五十萬圓。合計屬於取得稅者。共增收一千三百二十一萬圓。其次酒稅增收二千五百五十五萬圓。煙草專賣收入。增二百一十四萬圓。醬油製造稅增一百五十九萬圓。煙草營業許可費。增八十三萬圓。合計屬於消費稅者。共增二千七百一十三萬圓。其餘之一百六十七萬圓。則以郵務電信收入充之。取得稅與消費稅之比例。取得稅約三成二分。消費稅約六成八分。明治三十七年。關於日俄戰役。前後經兩次之增稅。增收一億四千四百六十三萬圓。就中除印紙之收入。一千四百六十萬圓。性質不明瞭外。屬於取得稅者。地租增收四千二百五十七萬圓。所得稅增收一千零五十七萬圓。營業稅增收一千零八十四萬圓。鑛業稅增收一百四十六萬圓。取引所稅增收九十

六萬圓。又新設通行稅。收入三百一十八萬圓。新設相續稅。收入四百三十萬圓。合計增收七千四百萬圓。屬於消費稅者。酒稅增收二百七十四萬圓。醬油稅增收一百一十三萬圓。砂糖消費稅增收一千零六十一萬圓。沖繩縣酒類出港稅。增七萬圓。關稅增收五百萬圓。又新設織物消費稅。收入一千零四十四萬圓。石油消費稅一百三十三萬圓。煙草專賣八百四十六萬圓。鹽專賣一千六百二十三萬圓。合計增收五千六百萬圓。取得稅與消費稅之比例。取得稅約五成七分。消費稅約四成三分。其中穀物關稅之新設。石油消費稅。鹽專賣。及木綿織物消費稅等之增收。頗受非難。然以國家存亡關係所在。故全國之人民。尚不為極端反對。增稅案得以完全成立者以此。

至戰後之財政。則全誤其方針。因標榜無謀的積極政策。促財政之膨脹。舉戰時一切非常特別稅。悉定為永久的財源。比戰後比戰前。竟增加一億八千萬圓之租稅負擔。更於明治四十一年。為補充歲計之不足。復增收二千五百萬圓之消費稅。就中酒稅增收一千萬圓。砂糖及石油消費稅。增收五百萬圓。煙草專賣。增收一千萬圓。試以明治三十二年歲入。與明治四十二年歲入比。屬於取得稅者。由五千八百萬圓。增至一億四千九百萬圓。約增一倍又五成強。屬於消費稅者。由七千四百萬圓。增至二億二千六百萬圓。約增二倍。消費稅之增加急激。略可見一斑矣。

抑從來稅制之整理。當先自消費稅着手。斯為理之至順。明治四十三年。整理稅制。減稅一千五百三十五萬圓。其中最重要者。地租減九百八十一萬圓。其次即營業稅。減二百十萬圓。此外屬於消費稅者。砂糖稅減二百萬圓。織物稅中。毛織物減一百萬圓。而對於必需品之消費稅。毫未減少。明治四十五年。第

二十八議會。政友會提出減輕所得稅之建議案。國民黨中央黨聯盟。共提出改正所得稅之法律案。而對於最繁苛之消費稅。獨無減輕之議。至於大正二年。山本內閣。斷行所得稅之改正。所得免稅點三百圓。改正為四百圓。又增加所得稅階級。採用超過累進稅法。共減稅七百六十四萬圓。約全部之二成五分。屬於消費稅者。鹽專賣減二百十五萬圓。朝鮮米輸入稅廢止。減一百二十五萬圓。數甚微末。日本之有識者。咸斥為取媚巨室之政略。非無故矣。



# 偉人與遺傳性之關係

美國弗來賓立克  
愛達姆胡慈原著

嚴 楨

今試執豸、馬者飼犬者與夫好治園藝者而問之曰「何謂遺傳性」吾知若曹必能詳舉其精理以對而令人曉然於遺傳性之研究實為講生物學者之要點蓋無論為動物為植物皆有其最顯著最確定之一天然迹象迹象維何則曰一種子之精粗美惡輒與其所自出者相逼肖是故價值絕鉅之「極舍」一牛青色斑斕之花驄常得優獎之良犬雖輾轉蕃殖終不失其為名貴之物類也

惟人類亦然凡父母子女兄弟姊妹其血統之關係至為切近者則其形神之間莫不相似耳目也口鼻也體格也姿勢也儼若具同一之樣範往往既歷數世而猶無大更易此亦不可謂非造物之奇妙也願自吾人視之已目為常例但共知為遺傳性之作用而已夫遺傳性之及於物質方面者既若是其深切則使就此理以推測之其精神方面若腦力之強弱若神經之靈鈍若道德心之厚薄亦何獨不有遺傳之特性耶

世之學子對於遺傳性之研求其意見至為紛歧其議論至為繁雜蓋談者每謂人之所以為人實為形而上者故一生舉措行動當視其己身之志願以為轉移具有精神上之自由初不為物質的定例所牽制此一說也亦有堅信人類品性之發達智識之開通必有賴乎外界之觀感故日常所接觸之物於此生進德修業有莫大之關係此又一說也以上二說皆視遺傳性之感應為無足輕重此丹彼素甲是乙非人類道德上智力上之特性之所以發生所以養成究以何者為主要之原因殊莫衷一是曰「遺

傳性」曰「自由之意志。」曰「外界之接觸。」宗旨各異鼎峙。而三此其爭辯之要點也。

是三說中主張後二說者殊不乏其人。而以哲學家、神學家之持論爲尤力。昔者學校之中其見解其意旨每謂人之特性無論爲善爲惡皆自有其固定之原理不然則必爲一己之志願所左右。或外界之事物所感動而與遺傳性初無關係。至於近今則一般教育家與夫志在改良下等社會者持急進主義以希望世界之發達者又莫不公認外界之接觸其影響於人身之品性者爲獨巨。此其論調殆亦盛行於一時者也。

然則主張遺傳性之說者其誰乎。曰遺傳性之發明爲時較晚而於此中獨標新幟者多爲科學家。自達爾文倡人種進化論後世之人玩索其定律乃深信遺傳性之作用實具絕大之效力而益鼓其意興以從事於真確之討論。今之科學家方就實際的事物爲種種之推測以與理論相考證而遺傳性之研究遂日見精進矣。

弗朗舍、卡爾、登氏、闡明遺傳性之著作家也。嘗謂歐洲之偉大人物其彼此互有血統關係者實居大多數（諸偉人中其彼此血統關係至爲切近者幾及半數）遺傳性之足重此其明證也。惟均是出類拔萃之人材而其所遭逢之時會所涵濡之教育所感受之社會趨勢人各不同其所以作育之而鼓勵之使得蔚爲大器者亦正其主要之功用固不得盡謂爲遺傳性之關係。此亦吾人所應注意之一問題也。論者或謂階級之制度家族之思想盛行於歐洲故穎異之士苟出於世家大族益易爲世俗之所推仰社會之所崇拜而其創設偉大之事業也亦幾有因利乘便之勢。然則偉人之胄裔往往復爲偉人者殆

藉家庭聲勢之庇蔭。未必其性質上。果有遺傳之特點也。斯說也。非不持之有故。然未足爲充分之理由。何則。信如斯言。何以解於美國。美國非剷除階級。專尚平等之國家乎。而何以賢豪之後代。有聞人。乃與歐洲各國如出一轍。耶。是知成大業。立修名者。固不在憑藉。而自有其天賦之遺傳性也。

卡爾登氏之於美國。不過舉三四大族。以證明遺傳性之關係。至大願試博稽史乘。一考美國諸大人物之譜系。則遺傳性之垂世久遠。不可磨滅。蓋愈益明顯矣。

美國之巨族。其最著者。爲阜極尼亞州之李氏。紐約州之立文斯登氏。馬薩諸塞州之愛達姆氏。昆舍氏。勞佛而氏。其族人多秉先世遺傳之性。爲瑰奇卓越之材。此外復有喬奈遜。愛德華者。普禮登。紐英格倫之大哲學家也。其子孫之昌大。爲舉世所罕觀。累代相傳。蜚聲於全國者。可一千四百人。其中爲大學校長者。十三人。任主講者。六十五人。爲著名中學校之校長者。更不可以僕指計。且不僅限於學界已也。試求之於法政界中。則業律師而享盛名者。逾百人。爲法官者。三十人。又有爲副總統者。爲南卡羅立那州與哇哈愛哇州之州長者。爲紐海芬。克萊佛倫。與脫老野之市長者。其餘爲外交家。爲國會議員者。尤更僕難數。而以著作家。見稱於當世者。亦過於六十人。近今紐亨泊歇。揆州。雅負時譽之韋斯登。邱却而君。卽愛德華之後人也。不寧惟是。實業界中。若鐵道。若航海。若銀行。諸業。愛德華之胄裔。亦多投身其間。有所建樹。故愛德華之族人。幾執全國高等社會之牛耳。而又無不卓然以專業見長。此殆其遺傳之特性也。

愛德華氏之族。大衆多。固爲全國冠。然亦合男女系而並計之耳。若專論男系。則美國最著稱之巨室。莫

如李氏與愛達姆氏。次則爲勞偉爾氏。愛達姆氏之家聲。且洋溢乎全球。其先有日亨利愛達姆者。於一六三二年卜居於馬薩諸塞州之倍萊因脫利市。子孫最昌。大名流輩。出超越羣衆。世澤之綿遠。甚爲國人所贊歎焉。

今試取極姆遜氏之「美國史」與立賓考脫氏之「世界名人傳」而披覽之。其美國偉人鉅子之姓氏。布在簡策者。李氏一族得十三人。愛達姆氏十一人。勞偉爾氏十人。但佛脫氏九人。脫倫勃爾氏八人。立文斯登氏倍霞特氏各七人。歐文氏西華爾氏泊萊斯考脫氏各六人。疆寧氏愛德華氏梅柔氏萊道而甫氏溫斯羅泊氏各五人。其餘非同姓。而彼此血統關係。至爲切近者。復過於百家。然而遠族旁支。猶未嘗計及焉。

美國黑真河畔有「景賢祠」焉。凡先賢往哲。其學術事業。有足以昭示來茲者。則祀之。故備位於祠中者。悉爲超羣絕倫之人物。而考其家世。則彼此互有血統關係者。實過於半數。此又遺傳性之明效。大驗也。祠中已得四十六人。其湮逝皆在十載以前。國人無長幼貴賤。過此祠者。莫不肅然起敬。蓋深知此中奉祀之賢豪。必先經委員會之投票。公認始得於馨香俎豆之間。佔一席之地。抉擇至嚴。其取予至慎。固斷非純盜虛聲者所能濫竽其間也。會中委員爲數可百人。有大學校長。有歷史家。有編纂家。有財政家。有科學家。有高等法官。殆皆資望夙隆。足當評判之任者。此類舉賢之會。歷若干年。而一集議聞下屆之會。將於一九一五年舉行云。

此全國景仰之四十六人。既互有血統之關係矣。吾人於此。試更取各箇人之家譜。而詳覽之。則四十六

人者其威。鄙其後裔。卽不能與之齊。驅並駕。亦恆有功業於社會。有光榮於國家。仍不失爲卓絕之人物。此非遺傳性之尤大彰明較著者歟。

極姆遜氏之「美國史」與立賓考脫氏之「世界名人傳」中所記錄之偉大人物。僅三千五百人。而以美國之人口核之。則已屆丁年者。可三千五百萬人。此三千五百萬人。設皆接踵而立。列爲單行。則以每人佔地一英尺計。可自華盛頓國會前綿亙至舊金山。再折而之北。以迄於埃拉斯加。於此延長之一線中。居其首者。必爲開國之華盛頓。其次則爲林肯。此固國人所公認者。至若名垂竹帛之三千五百人。其位次當在國會前百英里以內。而景賢祠之四十六人。則皆國會圓屋中之人物也。且以三千五百萬人。而得有三千五百之俊傑。則是於萬人中。僅得其一。殆亦未易多觀者矣。

今使此三千五百人平均計之。人有至密切之親屬二十人（其親屬之較孫輩或伯叔舅氏爲更遠者不計）則其親屬之數。乃佔全國三千五百萬人中之五分之一。換言之。卽普通國民之與偉大人物。有至近之親誼者。五百人中。僅得一人也。然試就三千五百人之範圍以內。而調查其彼此血統之關係。則五人中。必有一人。又試就三千五百人中。更擇其尤者爲一組。而細察其血統關係。則其比例當進爲三人中。可得一人。若夫景賢祠奉祀之四十六人。則幾無不互有血統之關係矣。由此觀之。設其人而爲偉人也。較諸常人。其親族中之超越儕輩者。亦必多至五百倍。或及千倍。此果孰令致之。耶。亦曰遺傳性之爲用而已矣。

吾今者。請更詳稽史乘。旁徵譜系。而以此四十六人之威屬。敘述如左。藉爲一斑之考證。可乎。

勃西老奪華盛頓者。佐治華盛頓之姪也。爲美國高等法官。聲譽甚著。

紹麥斯極弗遜之父。雖爲平民。而其母實出於倫特而甫族。蓋亦名門之裔也。大演說家約翰倫特甫氏。論儕輩與紹麥斯極弗遜爲弟兄。但其親誼猶不甚切近耳。極弗遜之女曰瑪薩。歸紹麥斯倫特甫。甫早極尼亞州之州長也。瑪薩之子佐治。偉士倫特爾甫將軍。爲歷史上著名之人物。則固與極弗遜氏有血統之關係矣。

約翰瑪歇爾。美國之大法學家也。與史籍所載三千五百人中之一人。爲至近之姻姪。其姪曰紹麥斯瑪歇爾。嘗爲法官及國會議員。長於演說。亦美國之一名人也。

愛勃拉海姆林肯之子。爲勞拮脫林肯會長陸軍。又嘗任英國公使。並爲普爾孟鐵路營業公司之長。但訥爾偉勃斯脫。愛勃訥柔偉勃斯脫之子也。愛勃訥柔偉勃斯脫。曾爲法官。革命之際。聲望卓著。但訥爾之弟曰愛實格爾。業律師。亦盛負時譽。

倍極敏弗蘭克林之祖若宗。無著稱於世者。然而弗蘭克林之特性。則已傳諸子孫。其庶子維廉弗蘭克林。爲前紐極舍州之州長。蓋亦卓越之人才也。弗蘭克林之女愛力山大。歸倍且氏。爲美國著名之科學家。至今費雷德費州。倍且一族。猶賦有良好之遺傳性。後起之秀。殊不乏其人焉。

愛力山大罕密登之父。族多爲商人。而其母則出於貴家。愛力山大罕密登之妻。爲非列泊斯克留將軍之女。將軍娶於范萊西勒氏。亦巨室也。愛力山大罕密登之後人。多有貴顯者。若約翰罕密登。若陸軍少將斯克留罕密登。皆舉國所推重者也。

歐文氏六人皆爲大著作家。華盛頓歐文亦其一也。餘五人中三人爲華盛頓歐文之弟昆。二人則其猶子。故與華盛頓歐文有血統之關係者又多爲遺軼羣流之人物云。

路易愛堪舍慈者美國之聞人而實他國人之血胤也。其子爲愛力山大愛堪舍慈以科學家見重於世。關乎科學性質之種種事業如疏濬海道如採集古物皆經營不遺餘力。對於哈佛動物比較園之設立又特捐鉅資以贊助之。近時著名之卡羅梅脫及海克拉兩處銅鑛卽其所創辦發達至速。以是致富。愛力山大愛堪舍慈復爲全國科學中學校及美國科學美術中學校校長於美國科學界中富有資望且嘗贏得德皇之獎章焉。

喬奈遜愛德華特美國最著稱之心理學家也。而其與有血統關係者若祖父若子若孫乃莫不爲三、千五百人中卓越之人物亦盛矣哉。

瑪斯氏者電訊之發明家也。其父爲極但第恩瑪斯。美國地理學家之先進。兄曰薛特奈愛德華瑪斯。亦一科學發明家。蓋皆學界之鉅子也。

亨利克萊系出卑極尼亞州之大族。克萊氏生四子皆顯達。有名極姆克萊者。則固與於三千五百人之列者也。亨利克萊氏嘗爲國會議員。蜚聲於法政界中。卒於一八六四年。壽四十有七。

彼得科伯紐約州之富翁也。以能博施濟衆爲社會所仰望。得入景賢祠。其子曰愛德華特科伯於一八七九年至一八八三年之間任紐約市長。魄力至厚。嘗顛覆不正當之「趣奪爾令」黨。以是名垂史冊。爲後世所稱道焉。

詩人奧禮佛韋特爾福爾摩斯愛倍爾福爾摩斯之子也。愛倍爾福爾摩斯爲馬薩諸塞州開姆倍里奇第一聯合教會之牧師者四十年（自一七九二年至一八三二年）於一八〇五年著一書曰「美國大事紀」敘述種種實業之效果頗風行一時。斯派克氏主講嘗評其書曰此書亦美國出版品中一名著也。可想見其價值矣。奧禮佛韋特爾福爾摩斯之子亦名奧禮佛韋特爾福爾摩斯。美國之高等法官也。李氏爲美國之大族。此固盡人皆知者。而羅勃脫李氏其名益顯。李氏之散見於名人傳者至夥。咸與羅勃脫有血統之關係。羅勃脫之父及其母其子皆傳中之人物也。

極姆斯愷脫著名之法學家也。其子曰維廉愷脫爲紐約州巡行法庭之法官（以一組之法官巡行各處司聽訟者謂之巡行法庭）營業律師聲望至隆。

亨利華特皮邱教士萊孟皮邱氏之子也。萊孟皮邱氏有子女五人皆馳名當世。其女曰哈萊脫皮邱斯脫。胡嘗著「黑奴籲天錄」一書膾炙人口。一九一〇年第一次「景賢祠」人物之選舉。哈華脫氏即當選。因以一女子而得備位於祠中焉。

極斯甫司討萊法學家也。當時論法學者羣奉爲泰斗。其子曰維廉偉脫摩挨司討萊爲雕刻師。固以其技享盛名者也。

約翰愛達姆美國之第二任總統也。愛達姆氏爲美國唯一之巨室族人。之顯揚者。項背相望。故以遠支計之。約翰愛達姆之宗師。其真時譽而得大名者。乃至不可勝數。若散密爾愛達姆。其族弟也。卓然有聲之醫士才勃但爾匏野斯登（才勃但爾匏野斯登爲美國施種牛痘之第一人）其叔祖也。若專論血

統關係之最近者則其子若孫亦皆爲歷史上有價值之人物云。

約翰·昆舍·愛達姆·景賢祠中之鉅子也。（於一九〇五年入景賢祠）其父母皆馳譽全球。子曰却而司弗朗舍·愛達姆·南北戰爭時美國對英之權利實賴其力以保全。足爲祖國之一柱石。孫二並爲文豪。故約翰·昆舍·愛達姆家世最煊赫。後嗣最昌熾。足與皮邱氏·愛德華氏·弗偉而氏諸人相頡頏。蓋愛達姆一族之中堅人物也。

極姆斯·弗訥摩·挨科伯之戚族。似罕有卓然表見於當世者。然其女蘇舍·弗訥摩·挨科伯實一大好之著作家。與博愛家。蓋亦與於三千五百人之列者也。

極姆斯·羅賽而·勞偉爾。美國詩人之聲譽至隆者也。其祖曰約翰·勞偉爾。任法官。嘗爲馬薩諸塞州制定憲法會議之議員。馬薩諸塞州之憲法中所以得有「凡人有天賦之自由與平等」一語。皆約翰氏堅持之力也。極姆斯·羅賽而·勞偉爾之父爲却而司·勞偉爾。著名之教士也。却而司·勞偉爾之弟昆二。曰約翰·勞偉爾。爲律師及法政學之著作家。名重一時。一曰弗朗舍·愷·鮑脫·勞偉爾。爲大商家及製造家。勞偉爾一區所以成。呂·愷·鮑脫·勞偉爾氏亦草創之一人也。故遂以其姓名此邑。曰勞偉爾。羅勃脫·勞偉爾與極姆斯·羅賽而·勞偉爾爲同母兄弟。亦一大著作家。立賓考脫氏之世界名人傳中嘗爲之立傳焉。極姆斯·羅賽而·勞偉爾之妹曰梅·麗·勞偉爾。泊脫孟通數國語言。爲舉世稱道之言語學家。梅·麗·勞偉爾。泊脫孟之子爲特·白·劉·愛爾·泊脫孟。戰死於鮑爾斯·勃勒甫之役。年僅二十。有一國人多崇拜之而痛悼之。極姆斯·羅賽而·勞偉爾有姪曰却而司·羅賽而·勞偉爾。官陸軍大佐。死於南北之戰。年二十有九。亦一忠

烈之國殤也。

維廉克倫勃拉哀倫以詩名。弟約翰哈佛勃拉哀倫亦工詩。但視其兄爲稍遜耳。

維廉愛勒萊疆寧。美國講道師之有特長者也。論其世系爲維廉愛勒萊之孫。維廉愛勒萊爲美國宣告獨立時署名之一人。聲名藉甚。維廉愛勒萊疆寧有昆弟二姪。二亦皆以專業顯。

維廉泰肯舍休孟將軍與約翰休孟爲弟兄。約翰休孟嘗爲上院議員。既又任閣務員。亦卓犖不羣者也。

佐治倍克老甫脫著名之歷史家也。其父曰挨隆倍克老甫脫爲教士。長於著述。所作講道文至多。又嘗著一書曰「華盛頓之生活」頗盛行於世。

以上所述足徵景賢祠之四十六人中與其他名流有血統之關係者。乃得二十六人。此二十六人之祖孫父子戚鄰其爲宏儒碩彥者合計之可五十七人。以二十六人而得五十七人則較諸常人之五百之內僅有一人與偉大人物有血統關係者不幾多至五百倍以迄千倍乎。此其比例相差至遠固不獨美國爲然。世界各國蓋無不如是也。

四十六人中若愛茂遜氏若朗反洛氏若奧賓朋氏若伊立揮脫奈氏若菲列泊斯勃羅克氏若羅斯洛泊瑪脫萊氏亦各有其聲譽優隆之族黨。特以不能合於斯篇之定例故未遑備錄焉。

斯篇之定例果何如乎。曰其性質合乎科學而其方法則至爲公允。蓋篇中所紀述之人物悉以極姆遜氏「美國史」與立賓考脫氏「世界名人傳」二書爲本。若此兩書中未嘗專爲立傳者則其人卽甚

顯著其與四十六人之關係。卽至切近。亦復闕而不錄。至於著者參考此兩書之本意。固非謂舍是而外別無信史。特以其中紀載與著者之草是篇。正多適用之點耳。

著者嘗披閱「皇族之遺傳性」一書中載歐洲皇族可三千人。細考其譜系及其品性才智。乃知其遺傳性之累世相承。與美國諸巨族初無異致。蓋凡功高望重者。其宗族其戚。儼幾無不爲偉人。卽或不然。亦必過於半數也。至於英君賢主。則其祖若宗。必強半爲不世出之雄才。大有爲之豪傑。觀於此。則人材之根於遺傳性。益無疑義矣。

英偉瑰異之人物。亦間有崛起於庸衆之中。一若芝草。無根醴泉。無源而不能以常例論者。若林肯。若弗蘭克林。卽其人也。然此特由於爲之父母者。其性質適相配合。於是調和蘊釀。育此奇才。固非兩間恆有之事。正未可執此以揅擊遺傳性之學說。謂爲無足徵信也。

著者於遺傳性之關係。亦既論之詳矣。凡此陳述。非欲反對他方面之主張。謂人生之事業之運命。乃全恃遺傳性爲臧否。而凡百事物之接觸。與意志之發揮。俱失其一部分之功用也。特是世之偏執成見者。必斷言人類之智力道德。悉視社會教育之勢力。與夫心理之作用爲轉移。而絕無所謂根性。亦誠誇大之詞。甚無當於事理也。

遺傳性之效力。觀於美國。而益著。蓋美國固崇尚自由。尙平等。非若歐洲各國之有階級制度也。若然。則偉人之產出。宜不限於一家一族矣。而徵之歷史。按諸實際。偉異之人物。仍多屬於名門。是社會之趨勢。誠不足以移易種族間之特性。而遺傳性之存在。乃成爲造物之公例。有顯撲不破者矣。

英。國。國。務。員。與。體。育。

英人對於體育。注意非常。故其體魄強健。治事不厭勞苦。卽如其國務員。每日亦必運動數小時。其尤精於此者有三人。一爲外務大臣愛德華格雷。曾在英國中部運動會奪得網球之錦標。一爲內務大臣麥庚那。曩在剛勃列祺大學肄業時。在賽船隊中佔一位置。一爲教育大臣披士。昔日之剛勃列祺大學足球隊隊員也。

# 能書能算之犬馬


譯英國  
世界報

陳彥銳

吾人一聞世間有知書識數具有異稟之犬馬即思及馬戲場中各種獸類所奏之技藝以為任何靈敏亦不過如此而止耳不知戲場中獸類所奏之藝乃盡獸能為之事特加以訓練故能純熟如此至高出於一般獸類能為之藝術則未聞其稍有成也就試問知書識數豈一般獸類所盡能為者乎如曰不然則此出類拔萃之犬馬良足供吾人之研究矣

自知書識數之犬馬一旦發見後吾國心理學家不遠千里往驗其異者大有人在至則見此種犬馬竟能誦淺近之書了解平常數學神經敏捷有時為平常兒童所不及莫不咄咄稱怪歎為異事以為從此以後吾人堅持到底之動物心理學說可以完全打破矣然此雖創聞而靈特山博士於一千八百七十九年所著之下等動物心理學一書中曾論述其事以今視之則博士之學識誠可謂加人一等矣博士之言曰獸類之効用於人類無非任重致遠代其勞役而已不則叫跳號躍博主人之歡而已故人類之訓練動物亦無不於此二點著想蓋所以為自己之利益計也動物之能力遂歷數千年而無進步倘有人焉能從動物之德育習育上痛下功夫而實以改進動物之才能為己任則安知蠢爾之動物不能與人類循同一之軌道共同進化耶（見“Mind in the Lower Animals.” vol.i. P.269）嗚呼博士之言誠有先見之明哉博士創為是說初無有人知其言之有重要價值者直至近十年來有三德人始以能教育下等動物著稱於世一為亞斯吞男爵一為珠寶商克萊爾一為女博士默格爾是也

初亞斯吞男爵對於動物進化之理研之極深其所持議論與靈特山博士實相融合堅謂下等動物若一經有統系的教養即可逐漸進化與人類無異因豢養牡馬及幼象各數頭設為種種方法以教養之



亞斯獲有同一之效果也。果焉牡馬之成就竟如男爵之所期望惟幼象則以疾病侵尋未


亞斯吞男爵牡馬之書算程度殊為高妙有非一般頑鈍兒童所能及者其所學之語言有德語法語二種學習之時或用原文或用亞拉伯字母代之亦無不可惟馬不能直接發音其對答問題常以點首或擊爪之次數代之如二為（是）三為（否）四為（敵倦）五為（出去）七為（床）之類亞斯吞男爵因常以此種方法與牡馬為間接之談話焉至牡馬之數學程度則除能為加減乘除之算術外尚能為乘方尋求方根諸術簡捷明快雖人類猶或難之而該馬等能於咄嗟之間對答無誤是可異也

異稟歷以德法語言與之相問答而其中一馬名「聰敏之乾克」者竟能應對如流毫無支節之弊再

以算術試之亦迎刃而解不差毫釐氏大異之曰有是哉千年學說一朝打破矣

毅力較男爵有加。故所得成效亦較前爲著。凡留心科學之士欲往覘其異者。克萊爾氏無不歡迎之。且當自己及馬丁外出之際。亦准他人前往參觀。驗以成績。絕不因此而爲奇貨之舉也。

(一) 克萊爾之試驗法



海板之上俾馬認明然後囑其爲敏捷之對答有時則以數目字代

史之而該馬等亦能重譯其意一無誤解最奇者有一阿拉伯馬名盤吐者雙目雖失明而腦筋絕靈往驗之人僅須以代表語言之一定數目畫於其背未幾即以蹄擊地爲當然之回答矣。夫此等技藝驟視之似未足以爲奇也。蓋馬戲場中所奏之技或有較難於此十倍二十倍者。然馬戲節奏皆有一定規則。今日然明日亦覺然不過純爲一種機械之動作。究未高出動物之本能也。今所云之云乃有大異乎尋常者。吾人言語千變萬化而算術之公式又非千篇一律。況數目之變化又至無窮。盡耶而該馬等亦能運其靈敏之思精巧之念對答種種言語解決種種問題。與人類之才能無少區別。此豈可以求之馬戲場中乎。予有以知其不然也。然則克萊爾氏之教育與夫其馬之才力不亦難能而可貴乎。技而進乎道矣。克萊爾氏之馬不僅以智力稱也。且亦甚狡。有時於解決數學問題之

頃故作誤答以規他人之才力如答數爲十而以蹄擊地者僅止九次而於擊地第十次之頃惟屈其蹄於空中停頓不下以觀人色如人摘其非始緩緩放下以符定數稍不留意則彼且匿笑人之不我若矣又馬之識數凡箇位與什位最易混淆特一經指摘立可改正云



圖之較比覺視之馬與以覺視之荷男吞斯亞驗試爾萊克

據傑奈大學動物大家柏拉圖之統計謂簡單問題該馬等可以完全解決至百分之五十較難者即難望有此效果然以初小學校之幼稚生較之亦無多讓焉又該馬拼音常以母音作字音如 r 作 er (he) 作 u 作 you 之類蓋取其簡便易學耳

一日一牡馬名柴立夫者克萊爾氏在稠人廣衆前歷驗其成績若干次柴立夫皆對答無誤既而口問其如下公式  $25 \times \frac{1}{10}$  之答數該馬兩次以十二答之克萊爾兩斥其非且告之曰此間有某博士將歷以今日所得之成績筆之於書若不勉爲其難不將貽羞當世耶該馬即以蹄擊地作應答狀而所作何語克萊爾殊不能彷彿之躊躇半晌而旁站之瑞士博士卽悟其意曰彼非揀予之名姓乎蓋柴立夫於一日之前當主人與博士晤對時早已

探得其真名姓矣其感覺之靈敏蓋有如此者又某日有人欲覘某馬之能因發問題數則囑以立時解決而該馬偏不之理曰予倦矣將往馬房休息

人亦末如之何。既而叩他一馬曰：汝之僚友，抑何崛強如斯。其馬即應之曰：彼貪懶耳。曰：然則何以貪懶。若斯曰：彼於初時，即不肯工作。今已養成習慣矣。觀此則該馬之理解力，亦迥異尋常也。

(二)魯爾夫之異稟

魯爾夫者，愛亞代爾種之野犬也。遺棄於道，無人收養。默格爾夫人挈之至家，因留養焉。夫人賦性仁愛，故從無疾言遽色，對待其留養之犬，夫人兩足素患麻痺症，至是增劇，因退居一室，中有七年之久，居於斯，食於斯，教育子女，亦無不於斯。而魯爾夫則無日不與夫人俱儼然為家庭教育之旁聽生焉。

魯爾夫親受默格爾夫人之教育，有年，故書算程度殊為高妙，有非上述之牡馬所能及者。請將其成功歷史與夫實驗成績，略述於左，方為讀者告焉。

初默格爾夫人不知魯爾夫有非常之異稟也。一日夫人方授數學課於兒輩，曰：一百二十二加二，是何數乎？諸兒瞠目，竟不能對。一辭夫人曰：若真頑童哉。二加二，是何數？恐魯爾夫亦知之時，魯爾夫方蟄伏於側，銳利目光，注視夫人，似深會其意者。頃之，魯爾夫竟以爪擊地者四，夫人大異之，以為偶然而已。遂再以簡單數目教之，加減魯爾夫歷歷對答不爽。於是夫人教育該犬之念，大熾。每日抽出其公餘時間，一小時專以教授魯爾夫種種普通常識。夫人誨之不倦，魯爾夫亦虛心以聽，不及數月，居然有初等小學之程度焉。而魯爾夫於數學一門之進步，更為神速。其普通之加減乘除諸問題，舉可不加思索迎刃而解矣。

又一日，夫人方作書與其家人詳述魯爾夫之異稟，舉筆書魯爾夫三字時，魯爾夫遽搖其尾，作得意狀。

夫人因又大異之。今請略述夫人之言如下。夫人之言曰：

方予握管作魯爾夫三字時，彼遽搖其尾，似認識己之名字者。予大異之，因問以願讀書乎。魯爾夫以爪擊地者，二明其贊成之意。予遂以二十六字母一一書於黑板上，於每字之下註有一定數目之符號，俾其默爲記憶。久而久之，予乃任取一字，母授之驗其究能認識與否，而彼以爪擊地之數竟與茲註之數目無少差異。斯真不可思議之至矣。予初以此事告之他人，皆不之信。卽我夫亦頻搖其首，以爲天下無此靈敏之犬。予遂遣魯爾夫至大衆前爲實地之試驗。魯爾夫對答如流，一堂爲之闐然焉。又某日夫人在書室中課兒輩算術，未幾卽以事他出，俄頃而還，則兒輩已全行歲事，觀其答數無一誤者。夫人殊深訝異，以兒輩幼稚，算術素遲鈍，今於俄頃間能不爽絲毫，且全體一致，烏得而不疑。夫人因遣一較幼之兒外出，問之曰：頃算術答數，非魯爾夫告知汝輩者乎。該兒忸怩者，再曰：是也。夫以冥頑不靈之家畜，能教兒輩算術，此豈非世界最可奇異之新聞乎。

家畜之中，犬最忠誠。故主人若逢失意，則其所飼之犬亦往往爲之分任其憂。此在平常之犬猶然，況神經絕敏之魯爾夫乎。某日默格爾夫人之令女遠出求學，夫人涕泗滂沱，不能無離別可憐之色。魯爾夫以爪擊地作語曰：夫人止哭，魯爾夫亦不悅也。

以上云云爲確有證據之事實，非記者臆造之談。且有多數動物學家爲之證明，實絕對可以信服者也。

(三) 德國動物心理會報之記載

德國動物心理學會者爲多數之動物學家、心理學家組織而成，專以推敲動物心理之變化爲目的者。

也。自魯爾夫之異稟發見後，即惹起該會之注意。會員往覘其異者，頗不乏人。其實驗所得舉筆之於書，以備學者之研究，故由該會發行之會報載之，獨詳茲亦轉譯之焉。

默格爾夫人於某日之晨，接讀一書，係由某犬出面，求夫人指示讀書之法。夫人因告知魯爾夫，問其將何以作答。魯爾夫以爪擊地，作不規則之德語，答之曰：「囑其來此受教，魯爾夫更當助之也。」

默格爾夫人於一日，挈魯爾夫往深林中，為踏青之遊。鳥飛魚躍，無不受魯爾夫之注意。每聞鳥語，輒就夫人懷中探問其名。稱夫人因歷告之，魯爾夫默記以為快也。一夕，夫人已安臥矣，魯爾夫忽以爪擊地，與夫人語。夫人因諦辨之，魯爾夫曰：「請聽，外間鳥語果焉有鶉鼻鳴於樹上，夫人乃告之曰：此為鶉鼻之聲。明日詰其鳴鳥之名，魯爾夫立對之，未嘗忘也。」

默格爾夫人曾蒙一金絲雀，一朝忽以病僵臥架上，與以飲食，亦不肯進。夫人謂魯爾夫曰：「今日葛萊脫（雀名）殆病矣，一息奄奄，可憐孰甚。余輩將何以救之乎？」魯爾夫曰：「飼之。」默格爾夫人躊躇半晌，因悟魯爾夫之用意，蓋盼夫人之親手飼之也。夫人因親手進之以食，葛萊脫遂獲生全。葛萊之初不進食者，以目病不能見耳。魯爾夫窺見衷曲，因發為是言，不則殆矣。此又可見魯爾夫之心細云。

某年復活節，有人贈魯爾夫糕餅一大方，以博其歡。魯爾夫歡呼跳躍，興至豪放，乃藏置不密，致為台史（貓名）竊去半方。一經覺察，夫人即重責之。魯爾夫亦切齒不已。乃翌日而台史之食，忽以被竊聞，察之知為魯爾夫所為。夫人大怒，亦盛氣責之。魯爾夫擊地作語曰：「台史亦竊我之物，不圖報施之理。雖獸類亦知之也。」

一日靈特南博士亂取架上畫書一冊任翻一頁與魯爾夫觀之問其畫中名物魯爾夫皆能歷對無誤尤奇者魯爾夫更能作簡單之書信與人互通音問如某日之事是可異也時有人致書於魯爾夫曰可愛之魯爾夫鑒汝之聰明才力予常致念之我家必克犬亦時以汝爲念彼亦有意讀書然賦性愚魯萬不及汝也維爾白



試 驗 馬 之 嗅

魯爾夫讀已夫人曰亦願作一答書否魯爾夫卽作下述之語曰

愛者鑿擊之來此從夫人學魯爾夫復

觀上所述魯爾夫儼然一嬌小可愛之小學生也獸類云乎哉聞魯爾夫方運思熟慮時亦俯首於地默不他顧若與人類無異者斯亦奇矣

(四) 視覺與嗅覺

嗅 克萊爾氏所豢牡馬之嗅視二覺亦最爲靈敏不論何種關於化學上之嗅味一經辨別卽能牢記不忘法先以嗅味名稱書於黑板上然後再以數目符號填於其下待該馬等默認移時卽可再以某種嗅味使之辨別則以蹄擊地之數與黑板上所記數目無少謬誤焉惟牡馬之視覺則稍不及魯爾夫之銳利云夫言生物進化學者達爾文實爲翹楚學者多宗之顧達氏之說謂動物進化乃有一定之程序卽隨其應用之缺點而逐漸進化之論雖透闢而之以語今日受有異稟之犬馬其說終不得而圓焉是在當世君子研究之矣

## 推行新國幣宜速定新輔幣及其種類私議

吳延清  
稿來

幣制統一問題。隨時勢之要求及經濟之變遷。至今日遂有不得不實行之勢。自前清光緒中葉以來。金銀本位問題。重量用兩元問題。其間幾經更議。幾經頓挫。卒以財政困難之結果。採用銀本位制而定元爲單位。蓋不如此不能利用舊銀元以爲節省改革時鑄本之計。此誠不得已中最良之辦法也。然主幣可利用舊有而輔幣決不能利用舊有。凡稍知貨幣原理及中國近年銀銅元流通狀況者。類能言之。茲試就輔幣之不可一日無及舊輔幣之不足用而詳論焉。蓋輔幣者。輔主幣之不足。因吾人日用所需。決不能每次均合整元之數。亦不能舍其角與分之零數而悉從割算。此輔幣之所以必期求備而無輔幣且併主幣亦不利於推行也。明矣。然或謂今日固有銀角銅元流通於市。豈得謂無不知今日之銀角銅元市價。日有漲落。各地未能互用而種數之多。成分之雜。特一種生銀銅塊之變相。固早失貨幣之效用。尤不得謂爲輔幣也。與其認爲輔幣無寧直認爲主幣。蓋其在今日之市場及內地。固與銀兩銀元鼎足而三之勢力。茲更剖析其不合於輔幣之原則者如下。

輔幣之對於主幣交換。當有定價。所謂法價是也。在他國所謂法價。乃因輔幣之票值不及主幣。故以法律定其交換之價格。在我國大小之交換。雖以供求之實值計。然實值之比價。仍不能使其無漲落。今者各省銅元。自爲風氣。禁止搬運。各不通用。且模形之精粗。各別質地之良窳。不同。無法以定其交換之價。流通之方可斷言也。縱曰能之。亦必惹起市面之恐慌。而滋民間之驚擾。此不能訂定法價者一也。

輔幣使用之數量宜有限制。此世界之通例。而國幣條例第六條亦規定銀輔幣每次授受以廿元及五元爲限。鑲銅輔幣以一元爲限。今日若仍舊無限制使用。則市價必仍有漲落。且銀銅並用。是銀銅復本位制。無所謂主輔矣。此不能定使用之限制者。又一也。

卽曰能定其價格。限其用數。則必藉公家之收入及中央銀行之交換。無限制以收其自由伸縮之效。則其害又可立見。目前之銅元銀角。因以實值計。等於主幣。故能通行。一旦有定價。有限制。有兌換收受之處。則除市場必需之數外。必盡數歸諸公家及銀行。公家銀行又安得如許之主幣。以爲交換。及如許之資本。以爲收受。能於咄嗟間。卽改鑄如許之新輔幣。以供其行使乎。若但定其價格。限其用數。而公家銀行不爲無限制之收受。兌換。則民間存有之銅元銀角。不得不貶其價。無論如何之法律。斷不足以制裁之。如辛壬之交。天津銀元市價日漲未已。於是商會公定其價爲七錢四分。使不得再漲。然商號人民之買賣銀元。價爲七四。而每千元。又外加十餘元。或廿元。名爲貼色。此卽法律無效之明證。而市場之恐慌及損失。更不待言。綜以上各節觀之。是銀角銅元。決不能利用爲統一之輔幣。而目前又無力以收回。改鑄。計惟先行另鑄一種新統系之新輔幣。發行流通。定其價格。及限制公家銀行收受兌換。則無限制以起其信用。使民間知其爲貨幣。爲輔幣。異於今日之銀角銅元。而後逐漸按照市價收舊。改新。使漸歸於統一。此舊輔幣之所以不可恃。而新輔幣之不可不發也。更進而言新輔幣之統系及種類。其種類爲條例所規定者。共九種。其中二釐一釐兩種。爲一時所不能鑄。姑不具論。可鑄者。爲五角。二角。一角。五分。二分。一分。五釐。之七種。愚以爲宜僅鑄五角五分五釐三種。而緩鑄一角二角一分二分各種。其理由有三。

一生活費增加問題。貨幣價格既大。即生活費用途亦增。當用兩元問題未定時。論者固嘗及之。謂今日用元。一旦改而為兩。則各種需數。為一元者。浸假胥進為兩。平時消費一角者。浸假胥進為錢。是生活費加於無形之中。而小民實受其害。故今日仍鑄一角二角一分二分各幣。始雖顯有大洋小洋之分。行之既久。向用小洋一角者。必增為大洋一角。用銅元一枚者。必增為大洋一分。較十二角及百三四十枚者。即陡增十分之二三矣。或謂既明定區分人民。當知其貴賤。是則固然。而考銅元未行用時。無處不以制錢為單位計算。及行用銅元。其上固明定為當制錢十文。何以至今日購物之向。以制錢計者。均改以銅元計。此非其明驗乎。故今日無一二角一二分。祇有五角五分五釐。則銅元兩枚。可以五釐者三枚代之矣。小洋一角。可以五分者一枚。益以銅元或五釐者若干枚代之矣。況小民零星出入。可以五釐大洋為起數。較之一分大洋者。減以倍較之。目前之銅元一枚者。亦殺生活程度。可期減低。豈非至便之故歟。一關於主幣及輔幣之推行問題。凡創制一物。必使其新奇可喜。而復易於鑑別。然後人樂趨之。故新輔幣。倘仍為一二角一二分。則雖云有貴賤之殊。兌換之價。而一般社會。必以其等於舊也。而忽之。謂為新小洋。新銅元。如今日一元幣之等於舊幣耳。如南方所鑄新模銅元耳。且以大洋一元。易小洋可十二角。此則十之易銅元。可一百三十餘枚。此則百之必羣。苦其消耗之多。而不樂行。使若再化驗其成色。則舊者高而新者反低。新輔幣成色為銀七銅三況模形之大小厚薄與舊者又難顯為區別。將欲起人民之信用。尤至不易。此徵諸當日銅元初行時之情形。亦然。倘祇採五角五分五釐三種。則或為前此所少有。或為前此所未有。且或易廿枚。此種較銅元輕而額面較一角者小。取攜尤便。蓋吾人樂攜帶百餘枚之銅元也。或易二百枚。現今市上當制錢五文之銅元

甚少而市價亦較十文者貴。取攜分折既極輕便，兌換有額，識別尤易，計算較捷，必為一般人所樂用。更無模形精粗之分，省界南北之別，於兌換授受之時，又不易與舊者混淆，自成統系，推行之速，可操左券。一關於將來進為金本位問題，蓋目前既自為統系，均以十進五釐十枚為五分，五分十枚為五角，與舊之銀角銅元顯有殊別，各適其用，不相混淆，引起人民之信用，及注意。至將來改用金本位，其最小之金幣必為五元，則五角者十枚，即易五元之主幣一枚。故前者財政部及幣制局名五角者為中圓，不名五角半圓者，亦即備將來不另訂輔幣，而以十中圓為一金圓。今按此法於中圓下亦演為十進，即不鑄一二角及一二分者，亦無不可，用以省未來之紛更，而定久遠之計劃，利莫大焉。

此外如目前鑄造主幣之虧耗，若非藉輔幣餘利稍資彌補，財政亦難接濟，而舊銀角銅元之收回改鑄，亦必俟新輔幣流通後，逐漸行之。其於改鑄之損失，亦可減少。蓋一面收舊輔幣，一面新輔幣，又未流通，因供求之原則，舊幣價格或陡增，或陡跌，或累及公家，或災及社會，皆經濟家所不取。此不可不慎者也。惟鑄幣原料為我國所無，非購自歐美不可。目今能購大宗與否不可知，然亦可用銅錫之和白銅俗所謂代之。蓋既免利權之外溢，而白銅質之堅硬，亦復可用。即不然，用銀與銅之和減銀之成分以代之，亦無不可。如謂必俟有銀而後鑄五分者，是亦因噎廢食之論而已。

至輔幣之推行，及維持其法價，必於國家財政交通各機關之收入，銀行兌換為無限制之收用，並嚴定其辦法。細則由財政內務交通三部全力以擁護之，而各省行政司法長官協力以維持之。然後有統一之望，推行之效，否則良法美意亦無所用也。此又非一二人及一部分之人所能為功矣。

# 中國之將來

譯英國卜蘭  
特氏原著

王毓祥來稿

一九一一之歲。中國革命告成。鄙人曾著一論。(謂中國民族。非果有革新政治之能力。不過民生凋敝之結果而已。此種事實。在中國歷史上。為慣例。蓋閱世以後。生齒日繁。謀生無術。銜而走險。於政治無與也。是故欲救中國。置置於政體之同異無益也。普及教育。提倡道德。昭蘇生計。乃為探本之論。)迄今在萬三年。乃不幸而言。中國襁褓。呱呱終日。風雨飄搖。朝不謀夕。向之持政體變更。為唯一之救藥。而厚望於中國者。亦橋舌而不敢下。四域之內。兵燹頻仍。烏合之軍。擄掠為業。滿洲政府倒後。而社會之巨蠹。乃虎嘯風生。而起。其和空談耳。憲法空文耳。中國少年乘政之時期。不過數月。其叫囂搗亂之歷史。乃罄竹而難書。此非其實事實哉。

中國今日之現狀。就表面觀之。似較寧謐矣。此不過暴動之後。力疲而思休耳。內亂數次。殺人如麻。謀生之途。因之較易。而中央政府之力。日趨於專制之原狀。雖會匪囂聚於廣東。白狼跳梁於西北。然綜覽全局。似有起色矣。使天假豐年。商復原業。健全之政府。加以提攜。以中國勤儉堅苦之民。不難起瘡痍於十年之內。但觀察之力。華人所缺。善忘之性。與生俱來。中國今日之病。如思大疽。暫束於目前。必大潰於將來。且循環而未有已。徵之歷史。既證其已然。例之將來。可決其必至。不為根本之改革。而期中國之進步。徒虛望耳。

夫民亦勞止。芘可小康。環顧中國。宜可偷旦夕安矣。然此目的能否

達到。全視袁世凱一人建設之能力如何。當此風濤澎湃之時。鳩合全國應用之人才。以組織強有力之政府。誠非易事。使彼能繼續十年在位也。中國之前途。誠難逆觀矣。使彼遵行推倒也。中國之前途。不堪設想矣。甲午以後。瓜分政策。倡言無忌。革命以來。內治之焚派。財政之拮据。有加無已。而道德之墮落。官格之卑污。視前清且更甚焉。則無怪乎。倡瓜分者之躍躍欲起也。三月以前。(此指民國三年七八月之間)中國破產瓜分之局。已成。乃以歐戰爆發之故。列強不暇東顧。此危如累卵之中華民國。乃獲貸死於旦夕之間。

歐陸戰事終局後。德人之勢力。消滅於亞東。中國之局變。列強對華之政策。必與之俱變。英日同盟。以保全中國領土為主義。日本之退還膠州。其明證也。美人對華政策。素主張開放門戶。樸特姆司(P. P. Thomson)之約。以此意為歸宿。則此後對華之政策。吾英美法三國。不能不取一致之進行。更不能不斟酌情勢。以定中國永久之局。滿蒙邊徼。日俄已得之優勢。雖不能概行作廢。長城以內。固中國之鴻溝。萬不可失者也。界限既明。而後中國內部通商之制。當由列強均沾。對華之政策。當以公意解決之。

數年以來。中國政府。日弄玩於比德諸銀行家股掌之上。殘留之產。凡為彼羅羅雀。驚鼠而無遺。即令歐戰不開。我盎格魯人種。散布於大西洋太平洋沿岸者。其能長此袖手乎。巴拿馬運河告成。後世界之重心。由地中海而移於加利比海(Caribbean Sea)。中國之關係於盎格魯人種。實更切矣。十年以來。吾英美之外交家。對於中國之

類沛靡不奮全力以護之。一八九八年以後，德人感逼力壓，以奪中國之鐵路財政權。吾英美則勲勳懇懇，一方面希望中國之自行振作，一方面暗阻列強野心之進行。門戶開放主義公布於一九〇二年，樸特姆司之約締結於一九〇五年，其有志未逮者，則一九〇九年滿洲鐵路中立之議是也。所可惜者，美人前此之於中國，慈善之心太重，而實利之及於中國者甚微。列強挾操刀為割之勢，思分鱗而後快，而美人獨以慈祥愷佛之意，與之樽俎委蛇於其間。陽春之曲和者伊誰？自一九〇九年羅克氏 (Mr. Rank) 滿蒙鐵道中立之舉無效，而日人在南滿進行之機益急。且也美人對於華人之觀察，多高遠而不切事情。一聞中華共和啟幕，即慨然以同調相期。其商人以遠東之商務，未能如願相償，故對於中國之商場，每脫履視之。職此之故，美人政策遂墮於濟人湊湊之一途。日俄乘之，遂得步進。如春蠶蝕桑而未有已。

當英日同盟之初結也，俄人東漸之勢，為之一挫。滿洲殘喘，遂為旦夕之延。誠中國整頓軍政財政之最後機會也。乃燕雀巢幕，嬉然自娛。及一九〇九年滿洲鐵路中立之議失敗，至一九一〇年而日俄協約告成。我英遂處於孤立之勢。英日同盟時猶未續，美總統羅斯福氏所主持之樸特姆司和議，楮墨未乾，而日本背之。自是以後，所謂日英同盟者，徒為日本得寸進尺之口實。當此時也，德人之勢，彌漫於北海。吾英以憂在堂奧，東顧不遑，故對於保全中國領土及滿洲主權諸問題，有曠長莫及之勢。日俄協約之內容，一反日英同盟

之宗旨。彼蓋明知歐洲之風雲方急，吾英不能為彼難也。故對於中國之一樹，遂橫吞大嚼而無忌。一九一一年以後，吾英東洋艦隊，全行撤回，而吾英之勢力，殘留於中國者，僅能於商業一方面，勉強支持。有時以金錢之力，為中國窮途之將伯。其他則愛莫能助也。

夫中國領土保全之說，既為日俄德諸國破碎而無餘，其他之諸國，自不能袖手退讓。故一九〇五年以前之政策，乃復活於一九一一年以後。即所謂勢力範圍是也。日俄戰後，中國鐵路中立，外債公輸之議，大噪於一時。日俄堅持滿洲之優利不捨，而開放之義已乖。至一九一三年，六國銀行團解散，於是列強各奮其靈敏之手腕，以逐鹿於中國。吾英亦被捲於其旋渦中，而莫能自拔。蓋不如是，則吾英已得之權利，必銷蝕而無餘。即美之素以豁達大度自居者，亦不得不為烹翁分羹之計。美孚火油與柏斯雷赫 (Bethlehem) 鋼鐵兩公司，已各獲病夫之一樹矣。

客歲之冬，中國國脈，實達於水盡山窮，九死一生之境。但絕處逢生，冥冥之中，若有主宰，不欲中國之不服者。歐戰終後，吾英無復門戶之憂。保全中國，非徒勢不容緩，亦且義不容辭。吾英美二國，不可不引為當務之急也。保全之方，不徒對於均勢之局，確為規定，即對於中國內體之腐敗，亦須澈底澄清。前之期望中國太高，與夫姑息中國太甚者，當翻然改其故步。狂瞽蔽許之偉人，必加裁制。卑污頑劣之官僚，必施淘汰。故保全中國之要策，約而言之，不外兩端：一遇外侮，一清內弊。其方法非粗疏所能蔽，其成功非旦夕所可期。但吾人

果爲中國五千年文明計。爲四萬萬之生命計。不可畏難而自沮也。欲令讀者朗然於歐洲戰後。遠東問題之解決。如何其急。不可不先知中國目前奄奄待斃之狀。如何其危。吾請以中國近三年來。借債爲生之苦。與夫列強對於中國鐵路瓜分進行之速。爲讀者陳之。自正式總統舉定以後。共和政體。已煙消霧散而無遺。朝野上下。亦相習而忘之。其將軍之建廳一方者。皆自馬上得來。與民意無與也。本年四月。前南京政府數十人所訂之約法。已一筆勾之。於是軍政財政之大柄。悉集於總統之一身。參政院之設。形式擬吾英之內閣。但其命運之長短。一任大總統之意旨爲轉移。中國政體。已返於專制獨裁之境。無可諱也。然就中國目前之勢而論。捨此無他道矣。袁世凱擇吏之法。似以人維求舊一語爲衡。大抵督北洋時之舊幕。操之縱之。而入我彀中者也。國民黨浮囂誑詐之輩。不惜嚴刑以懼之。今已逃之海外矣。白髮大老。重慶彈冠。今之履要津者。大都前清時之受恩深重者也。袁之維一政策。不外鞏固中央政府。恢復前清時各省正供。以救目前之急。知外債之足以亡國。知屆期償債之不可失信。故大部分之精神。幾全注於財政。一方面搜羅目前救急之方。一方面籌畫後日生財之法。然以受病太深之故。終不外剝肉補瘡。割股充飢之一法。亦良苦已。

夫以袁之堅苦卓絕。研精殫慮。宜可有爲矣。其結果乃直等於零。此何以故。則用人不當故耳。財政一部。袁身總其成。乃百弊叢生。與前清無異。梁士詒始爲秘書。繼長交通。袁所親信者也。舞弊弄法。乃爲

衆矢之的。三年以來。梁之羽翼。且充斥於全國。且也省界之爭。各樹旗幟。國事安危。且付之無何有之鄉矣。報章斷斷。有同村蠅。其結果。乃至是非混淆。黑白顛倒。求一正言莊論。已如空谷足音之不可得。革命初起之時。孫袁之勝負。以得債之先後爲斷。民國既成以後。彼皖粵黨派之重輕。以通借債之線索爲斷。甚或一省之中。又分數派。梁士詒梁敦彥同一粵也。而積隙相因。幾成不共戴天之勢。嗚呼。使中國能有正直奉公者十人。貞固幹事者十人。未始不足以圖存也。無如求之新偉人。舊官僚中之寂未一聞也。袁對於屬員之貪婪。借債之黑幕。不惜啞心血以防之。懸大辟以懼之。然一人之耳目。終無如彼等之朋比何也。且也飲鳩止渴。有明知之而故蹈之者。數十萬之陸軍。十餘萬之政客。均視錢力以爲向背。袁雖痛心疾首於外債之危。條件之苛。而無如何也。此外有所謂實業軍。艦借債。鐵路建築。借債。折扣之高。聞者咋舌。經手之人。因緣爲利。此後或有所戒矣。自本年正月。以至五月。總長以吞款被劾者前後五人。各省將軍以公款招誘者不下十人。合覽全局。幾有莫黑匪鳥之慨。其不能決之公庭。使水落石出者。則以一邱之貉。根究甚難。且甚有牽及外人。國際交涉。不無投鼠之忌。求爲王治醫案之大刀。涸竿執一。懲百者。蓋夏乎難遇也。善乎北京晨報之論曰。官格卑污。政府不能無咎。政府以需稅孔急之故。新舊並徵。動章之罷錫。功令之殿最。皆以得錢之多寡爲斷。官僚以思得患失之故。繫於腦中。則凡暮夜苞苴。苟可以得黃白而邀上眷者。亦何所不至。其言可謂切矣。然中國官僚愛

錢之辦故步依然也。

中國官僚之壞既如此。列強之均勢主義。復奇正互用。以擴張其勢力範圍。銅山西崩。洛鍾東應。其為禍乃更大。可押之產。和盤搜出。以供投資家之選擇。六國銀行團比利時之墊款。搖尾乞憐。已為有目所共見。然其倒行逆施。尤不若其短期小債之甚也。前後六內閣。所借短期小債。共四十七億。利率由六釐至一分三釐不等。居債權者。則德法比之銀行實業家也。此外更有所謂德華銀行之小債。比華銀行之小債。摩根公司之小債。由外交部借得者。此三小債中。有最足駭人者。即其抵押品之性質是也。摩根之債。押及美人退還之賠款矣。此賠款者。今日中國留美學生之膳宿費。經條約規定。不能挪作別用者也。比華銀行之款。則押及北京大學堂之校址矣。北京大學者。即前清擬辦之帝國大學也。諸如此類。累見不鮮。為款無多。然無異嗟來食而已。

短期借債之外。更有可為寒心者。即各省借債。與中央各不相謀是也。其數甚鉅。且皆落於各國公司家之手。目前有同養癰。轉瞬已為絕命之疹。其最著者。即熊希齡經手之江蘇八釐公債是也。民國二年。江蘇以無餉之故。告急中央。無以應。乃以五億元之公債。以六五扣而售於德之西門子公司 (Siemens Co.)。其報銷之數。則有三十萬元之軍餉者。有二十萬元落於無賴倖人陳其美之手者。此外之五十萬元。則石沈大海。稽核無從。當此時也。六國銀行團牽押甚苛。大有監督財政之勢。然債率不過五釐。乃中政府竟自願借此亡國。

之小債。自贖其名譽。誠可痛已。然此僅其一端耳。其餘貪涓點之墊款。而購多數不適用之機器。如奧國水魚艇借款。尤更僕難盡也。

(作者所用銀數均以美金為單位)

與財政之淆亂。同時並進者。則各國勢力範圍之擴張。且於勢力範圍以內。攫得鐵路建築權是也。此種心理。實與一八九八年以前無異。蓋逆料中國之必須破產。故先事籌畫。以為瓜分後之基礎。法以忠於同盟之故。與比利時合同一氣。為俄人前導之儀。將由揚子江下流區域。築一路以達甘肅之蘭州 (Lanchow) 以與德國將來經過中國土耳其斯坦線。成一長蛇之勢。法之實業銀行。同時復得自北海 (Paris) 至南寧經興義雲南以達重慶之路權。長約三千華里。草約簽字之際。中政府即要求大宗之墊款。作行政經費。正約簽時。法公司復要求自雲南至成都之築路權。泰晤士記者曰。法人自雲南至成都之線。將來與比人自成都至大同之線結合。以橫貫於中國西部之腹中。比之與法。二而一者也。俄之於比法。烏鼠同穴者也。他日再由大同經蒙古築一路。以與俄之西比利亞線相通。此常山首尾之勢。中國之死命。乃盡操之俄人矣。夫川滇兩省。非所謂揚子江流域。而吾英之勢力罔耶。乃法人竟要求此二省築路之獨有權。意若曰。吾英未遑東顧耳。然一八九六年。色列士伯加博氏 (Stanbury-Camels) 之前約。具在。吾英自難緘默也。況由緬甸經雲南。以至貴州大定之鐵路。與印度之關係尤密。故印度政府爭之尤力。而法蘭西滇蜀築路之特權。不得不暫行打消。失望於此。又

願之池。而川漢支路。由貴州經重慶以達成都之線。乃遂不勞而獲矣。不出十年。法人南部兩線。將合軌於雲南。以直達於四川。中國西南一部。為法人壟斷。而吾英之揚子江流域。受傷多矣。繼今以後。法比二國。能否長為俄人嚮導。誠一疑問。日俄戰後。俄人東漸之野心。經一挫折。馬首重東。與日本之利害。必有處處相衝之勢。惟法人在西南部之勢力。蒂固根深。可無疑義。法之勢力日盛。則吾英之勢力日衰。其致此之因。由於吾英之近患方殷者半。由於中政府之愈趨愈下者亦半。庚子以後。欲獲鐵路權於滿政府。非兵力威嚇不為力也。民國以來。則一公司之買辦。數十萬元之墊款。可迎刃而解矣。與法比二國同時並進者。即德人之於山東及北京附近區域。是已。民國二年冬。德人對於山東鐵路建築權。得完滿之要求。於是津浦北段。悉歸於德人勢力之下。京漢北段。亦間接而受其影響。迨顧前日之膠州條約。可謂得魚而忘筌矣。

日本以無資之故。不能頡頏於法比遠大之圖。且為鞏固其勢力於滿洲內蒙區域。故其舉動。不為世界耳目所注意。但其狼吞虎視之態。則更甚也。以工商團為前導。以新聞團為偵探。揣中國官僚之弱點。因而中之。自北京至各行省。凡達官偉人。不入於橫濱正金銀行三井洋行 (Mitsui Co.) 之羅網者。不數觀也。南京政府。圖目前之揮霍。不惜舉漢冶萍之鐵。揚子江流域之煤。拱手讓之日人。孫逸仙之革命也。金鐵器械。悉仰日人。使孫久於其位。所謂中日企業公司者。其中國之催命符乎。國民黨雖倒。中日企業公司猶存。繼以滬津

男爵 (Milibara) 之發縱指示。其勢力且膨脹而未有已。日政府以與吾英權利衝突之故。乃陽避其名而不居。蓋師一九〇八年橫濱正金銀行。以小債餉張之洞。以阻吾英鐵路進行之故計。其已攬得之鐵路。則自福建經江西南昌。一出九江。一貫江南之全系是也。夫日俄德法比五國。既以鐵路政策。着着進行。以圖最後之一着矣。吾英欲為壁上觀。則勢有所不能。欲為中國開放門戶之主持者。則力有所不逮。自英美鑄愛鐵道之建築。為日俄所阻。吾英政府已知日英同盟。樸特姆司之條約。名存而實亡。然吾英不能以為人作嫁之故。而離異我英俄法三國之邦交。故只有隨波俱靡之一法。當是時列強之張牙舞爪。不特中國主權已耳。即吾英固有之權利。亦大有臥枕酣睡之勢。吾英知優游姑息之不可再也。乃重新確定均勢之局。今年春季。乃與中政府嚴重交涉。迫之重行宣告。揚子江流域。為吾英勢力範圍。他國之鐵路建築。不得闖入。豈有他哉。不過暫保吾英已得之利。其他未遑問耳。

就外交一方面觀之。吾英之揚子江流域。似有備無患矣。然從實際上考之。所彌縫者。僅皮毛耳。且有前車已覆。後悔無及者。當一九〇〇年。吾英許日德二國。有保衛上海之權。無異授人以柄。一九〇八年。復因柏林倫敦銀行家之纏繞。德之勢力。遂闖入於吾英勢力圈內。吾英爭之無濟也。日之於滿洲。德之於山東。既封鎖門戶。而惟恐不固。吾英之揚子江流域。乃反為彼輩日廢月削之資。謂非吾英之失敗不可也。

吾人欲在救國東洋艦隊之故。蓋有開放之空言無保護之實。其所以開放主義。為保全中國領土之要素。此有識者所公認也。吾英美二國。合商務而外。絕無侵略中國土地之心。然日俄德諸國。既將牙禍爪以對中國。吾英僅憑外交之唇舌。保存中國之一部。冀以少支中國之殘局。其能持久者幾何。況均勢主義。明棄於十四年以前。今復活於十四年以後。是明認中國之指日將死。與前日之高麗無異也。保全中國領土。成為口頭禪久矣。今日保護中國領土者。即明日瓜分中國者也。列強之鐵路銀行行政策。既預儲以為亡中國之地。結訂盟約。信誓旦旦。足以制強悍之侵略。不能防鬼域之伎倆。其成功也。鬼域伎倆。與力征經營者無異。且較快焉。傍觀者雖欲為之仗義宣言無從也。夫強勁之民族。當生齒繁殖時。必求隙地。以為尾闕者勢也。日之於朝鮮。滿洲。蒙古。諸處。侵略之迹。路人皆見矣。然猶可諉曰。生存競爭之勢。無可道也。中國內地人繁如蟻。乘其窮困。易以他族。仁人之所不忍也。然均勢之爭。既烈。斯瓜分之小影。已現。吾英之重劃揚子江流域。謂為暫救眉燃。則可。謂為救中國之瓜分。則無益而自相刺謔。何也。保持揚子江流域。於吾英勢力之下。以理論推之。無異割揚子江一部分。為吾英他日之保護國。以暴易暴。列強之進行有辭矣。況保全中國領土。維持東亞和平。為吾英前後條約之明文。今乃不保全體而保一部。背道而馳。不可為訓者也。欲貫徹保存中國之希望。其在歐戰休止之後乎。全歐無內顧之憂。而吾英艦隊。得游弋於七海之上。當注全力於中國。以達其素志。夫

西歐文明各國。以保存公理公益之心。既足護比瑞丹荷諸邦於歐陸之上。本此意以保中國之領土。兼為代之代組其行政理財諸要政。自非難事。歐戰休停之際。其中國生死待判之時。列強而果欲保存中國也。時哉不可失矣。前此固互相角逐。各自私而自利矣。然其動機之起。由於各公司各顧問之騁其手腕。非各國政府之原動者。亦有之。苟中國而有良好之政府。通商之利大而且普。文明各國亦孰不望其獨立之生存。然則歐陸媾和之際。中國保存問題。不可不有破的之解決。開放空言無益也。赫氏 (Mr. Hay) 其前鑒矣。條約空文無益也。樸特姆司其前鑒矣。破的之解決。維何。曰。文明各國。對於中國問題。當有特別之協議。以後對於中國之種種政策。當公定而公守之。商場之利宜公也。土地之野心宜棄也。前日之所謂勢力範圍。皆從今日死。以後發生之問題。一以仲裁為斷。以言乎人道。則四萬萬之圓。顯方趾也。以言乎商務。則四百萬方里之神泉天府也。慈善家乎。政治家乎。當不以斯言為河漢也。

雖然。斯事體大人必有疑。吾陳義太高者矣。然而無慮也。吾人今日之戰德。既以希望和平之心。為消滅武力之舉。則自今以後。武裝和平。難再存立。以中國領土。置之各國仲裁之下。當非難事。是在吾輩愛和平之心。與維持和平之勇何如耳。然保全其土地。而不改革其內政。無異坐視四萬萬人民。陷溺於水深火熱之中。為德不卒。智者弗為也。誠意以勸之。實力以迫之。中國政府。不患不範我馳驅也。雖然。各國在中國有已成之優勢。斷難打消者。則當維持其現狀。而

加以嚴格之限制。日俄之於滿蒙是已。蒙藏現已分立。一旦脫離關係。華人無甚惜也。德人之勢。今已屏出山東。如吾英以威海衛退還中國。此外鐵路管理之權。關稅征收之權。及一切特別優待之利。爲各國所已得。而與開放主義有乖。中國主權有礙者。當一併除之。日本在南滿征收關稅。左袒日人。致他國商人。裹足不前。其明鑒也。論者必又有疑曰。俄二國之野心勃發。難得其同意者矣。此過慮也。吾英法二國。執歐洲金融之牛耳。與日俄爲同盟。況對於彼輩滿蒙已得之權利。並不剝奪。此後十年。彼等開墾滿蒙之物產。不暇他及。使無英法之資本。則跬步難行。苟二國有侵畧中國內地之舉。英法二國。卽可以金錢之力。制之不惟此也。日俄二國。外相善而內相防。苟吾英法美諸國。以保存中國之心。昭示全球。彼二國者。又孰敢冒天下之不韙。以自外於孤立之勢。則日俄二國。不足爲難。又明矣。夫英法之力。既足以牽制日俄矣。雖然。尙有旭日方興。左右全球之美國焉。廿年以來。美之國勢。磅礴全球。全國輿論。非若前此僻居西半球之故態矣。自非律賓羣島歸附而後。遠東之關係。與美日密。而遠東之仔肩。英美遂可一致。威爾遜總統不云乎。吾美而欲雄飛於世界。此其時矣。繼今以後。美之外交政策。不能不與英法二國爲耶。許之援。吾英法美三國。爲世界共和之先河。當普及全球。濟他族於仁壽之域。以盡吾人之天職。穆罕君 (Mr. Mahan) 之言曰。 (巴拿馬運河之成。實以增長吾並格魯共和政體之勢力於太平洋之沿岸。前此之孟祿主義。不能不因時而易。) 足見美人仔肩全球之概。

大有當仁不讓之勢矣。據神皋於半球。輔以偉大之海軍。美之有造於中國。未可限量也。

雖然。吾有一忠告。善道爲美人此後之對華政策。告者。則驚寒觀花之慈悲主義。不可再也。語其結果。無益於美。而有害於華。何以言之。當中國少年黨之初起也。無建設之才能。無共和之道德。以美人之待華。獨厚也。由感情之關係。開共和之名。詭而美之矯揉造作。削足適履而行之。美之傳教於中土者。亦欣然以共和相期。儼若民主制之可行。無間於中美者。意非不厚也。然三年以來。道德墮落。人心洶湧。謀國之效。茫如捕風。美之諄諄期助。可謂勞而無功矣。往者不鑒。來日方長。貫徹十年來愛華之篤念。保護遠東已獲通商之大利。舍與英法援手莫由也。

夫中國魚爛之憂。更甚於外侮。苟列強對於其政治教育財政之三大端。不爲之刮垢磨光。別開生面。則一旦外患既去。適足爲中國老官僚昂然自大之資。此等根本之改革。必有涉於繁瑣者矣。然列強但當計其事之是否當行。不必慮其事之是否難行。半途而廢。羊質虎皮。改猶未改也。改幣制。裁釐金。增加關稅。退還賠款。清理債務。及一切救急之方。固目前治標之策。然收入支出之統系。預算決算之責任。不爲永久盤訂。中國之破產。如故也。前清未業。海關稅務。直隸於外人管理之下。五十年來。成效卓著。既以見外人管理。與中國之主權。無衝突之虞。復可見中國屬員。與以養廉之薪。可祛其貪污之習。今之中國。尙有一線生機。未至於破產者。不可謂非海關之賜也。

然欲推廣於他部。則中國官僚。必出死力以爭之。此無他。會計精詳。乾沒無術。銅山金穴。一朝失之。固若輩之所大懼也。外人不容。乃悞以爲愛國心發現者。此大謬也。丁恩之督外務也。多費唇舌而始得之。但欲中國財政之進步。全國財政。不可不隸於外人監督之下。若夫履行之始。寬猛相濟。使官僚不至難以容身。而公產不使漏卮四散。是在當局者之因時制宜而已。

中國目前之景況。實已瀕於九死一生之境。可押之產。已搜盡而無遺。且有不可押者而亦押之矣。其目前苟延殘喘之術。不外借新還舊一法。循環翻覆。債臺愈高。當此新稅源未開。舊稅額未復之際。就各國理財之成例而論。增加進口稅。似爲不二之法門。但此後之能否履行債務。全在理財行政統系之改良。當責重中央政府。擇各國精明財政之士。聘爲客卿。與以一定之權限。位於財政部之上。量入爲出。以定每年之經費。不經客卿之允許。無論中央省會。不能再舉新債。所有鐵路礦商。當做京漢京奉之成例。報銷總辦。年終公佈之。釐金地稅。當逐漸合一。使有一致之辦法。設立長期優薪之部。以專其責任。如今之海關然。所聘客卿。隸於中央政府主權之下。但擔保之債未清。且與中政府及股東之利益無妨害時。得繼續行其職務。不得無故撤銷。此外購械購船養兵之費。除國防萬不可少者外。一概除之。各省警察組織。由各省自行負擔。不能仰給中央。至關於地稅畝稅鐵路礦產之進款。每年上供留省之額。尤宜明白確定。庶巧者不能文好。強者不能把持。皆中國財政之改革。萬不可忽者也。

欲期此等條件之見諸實行。發軔之始。不可不以壓力迫中政府之必行。刑亂國用重典。勢有宜然。况中國官僚。私爾忘公之習。已入膏肓者乎。若藥不暇眩。厥疾弗瘳。假威力以集事。本公理以行事。列強於此。不必顧慮也。若在國民一部分必且馨香禱祝之不暇矣。不觀今日之租界。已成華人之安樂窩乎。此等正本清源之改革。當有視同大旱之雲霓。而興我後來蘇之咏者矣。總之中國今日。救亡之策。在化舊官僚貪污庸劣之習。而啓之於光明正大之途。普及教育。輸入新智。猶後也。嗚呼。中國危矣。譬彼舟流。不知所屆。凡領袖文明之邦。即皆有借箸代謀之責。其將坐視彼之江河日下。爲波斯土耳其之續。而萬劫不復乎。抑將抱扶危定傾之主義。使彼於地球上仍占一席之地乎。謀國者可以興而起矣。

是篇爲英人卜蘭特氏所著。於將來列強對華政策。及吾國內近情。可謂言之詳盡。然攝其大意。不外劃吾國疆域於長城以內。而以吾國之軍財內治諸政。置諸各國混合統治之下。如此以爲造福吾民。彼固持之有故。言之成理也。譯者不敏。誠不知屆時是何景象。痛乎悲哉。其殆埃及第二乎。篇中指摘吾國舊舊人材。不少假借。其特別援引之外。牽及顯者數人。譯者之意。非欲引之以翹吾當局者之短。不過希望吾邦人諸友。觀察世界之輿論。去其我人非之見。而劑之於平耳。譯者去國久矣。是非真僞。不得而知。但人既言之。我姑譯之。不庸愈於掩耳盜鈴哉。若夫有則改之。無則加勉。是又譯者之所深望矣。

譯者誌

# 泰西禮儀指南 (續)

陳霆銳

## 第十六篇 登臨會集

仲秋之交。天高氣清。金風乍扇。玉露已滴。登臨之美。於斯稱最。偷攜二三知己。相與徜徉乎水涯山巖。以吸取新鮮空氣。心曠神怡。置身畫圖中。不啻也。然此情此景。終非俗子之所能領略。於萬一耳。述登臨會集篇十六。

泰西風俗。每於九月之交。遍邀親友。爲登山臨水之舉。蓋此時天高氣清。最宜吾人之旅行也。

登臨會集。西國社會。視爲一種極有興味之事。故舉行之先。亦用柬邀親友。一與平常會集同。會集之地。總以清雅宜人爲貴。蓋無論何地。必有佳山水。或名勝古跡。可以動人憑弔之思。吾人徘徊於其間。可以發思古之幽情。可以養磊落之浩氣。於身心大有裨益。豈僅平常會集已哉。

有時會集地點。離出發地遼遠。則往往乘汽車往。一切茶點等物。均須預爲備置。其經理之人。則由全體公推專司其事。或同二侍者。俱其所用之茶點。以簡單可口爲貴。每人約佔五先令至十先令之價值。不。等。如會集地點。有大道可以通行。則不如雇備自動車。或馬車幾輛。緩轡徐行。沿路風景。即可隨時領略。豈非美事。

凡舉行大會集者。則往往同男僕二人與俱。以爲檢點行裝。陳設席面之用。登臨會集。例有該地小宴。以爲歡樂。其設席地點。則或在山之巔。或在水之涯。均無不可。

有時登隨會集。並不邀請賓客。僅與同志數人。乘輿出發。一切費用。亦歸各人均派。放浪形骸。斯爲最矣。凡出遊。名山水者。當雇遊艇。一蕩舟中。流扣舷而歌。濯足濯纓。且歌且舞。亦人生難得之佳境也。而有時於月夜出發。則更極悽清之致云。

凡雇游艇出遊者。會宴之事。即可在艇中舉行。宴罷。然後上陸。閒步飽領風景。登隨會集之來賓。男女參半者居多。而有時男賓往往過於女賓之數。

游山之艇。有時以舢板船代之。來賓可分登十數船。用力齊賽。致足樂也。

### 第十七篇 幼童會集

昔有多數貴族婦人。集華屋中。舉以希有之寶石。相爲誇耀。旁坐一荆釵布裙之婦人。默然不語。一無作色。人爭問之曰。汝獨無以爲寶乎。曰有之。卽指膝下之寧馨兒曰。此我之珊瑚玉樹也。嗟乎。若此婦者。誠不愧爲賢婦人矣。西俗之幼童會集。其亦本此婦之卓見歟。述幼童會集篇十七。

幼童會集。最盛行於冬季。幾乎每家兒童。無不有一次或二次三次之會集。以鼓舞其與會。其會集之大小。亦至爲不同。有時增至數十兒童以上。有時則僅有兒童六七人。在親戚家作平常之會集而已。

幼童會集。固爲鼓舞兒童興味。誘進兒童智識之目的。起見。然亦有弊竇發見。卽如所穿衣服。兒童各有好勝之心。則難免不養成其奢汰之習。其餘如時往熱鬧場中。又恐有礙幼童身體之發育。凡此皆宜特爲注意者也。至於兒童出席於該種會集之優點。亦非一言所能盡。例如家居之兒童。往往舉動呆遲。一無活潑之象。常與同年之輩。互相會集。則自然手舞足蹈。活潑潑地矣。又如劣等兒童。常與優者雜處。則

相形見絀。觀感自速。此皆其優點所在也。

幼童會集。例宜舉行種種遊戲。以提起其無窮之興味。然種類不宜過多。須恰四小時內能完畢者爲度。其舉行鐘點。大約自下午之四句鐘起。至八句鐘爲止。然亦有自五至九。或六至十。或七至十一者。幼童晨會。當由其母或姊陪伴。既抵會。卽至客堂中小憩。

幼童會集。最宜拘守一定之鐘點。毋稍先後。開會後之半句鐘。卽在宴堂內開始。進用茶點。其時則主人家正宜預備各種玩物。陳列桌面之上。或開留聲機器。或奏批雅拿。以娛各幼童。

進用茶點之時。主婦或其女。須在旁爲之敬茶或咖啡。各種點心。則由侍者分派之。其陪伴兒童之母或姊。則另在一室。進用茶點。不與兒輩共桌面也。

茶點用罷。兒童卽可相率至客堂中。爲種種之遊戲。其遊戲種類。一以簡單而適宜於兒童之性情爲主。過於浮囂。非所宜也。其最普通者。爲猜謎、猴戲、犬戲、鳥戲等類。皆遊戲名爲時約可二小時。至有舞蹈會舉行。

則當排列於上項遊戲之前。爲時約半句鐘。至三刻鐘不等。

主婦當預備各種可愛之紀念品。分贈兒童。其分贈之法。亦以一種遊戲之法行之。兒童可增進興味不少。又罷會時。亦當預備輕薄茶點少許。以款兒童。

### 第十八篇 請柬儀式

請柬儀式。似爲一種浮文。不足以辱大雅之注意。然措辭之雅俗。人品之高下。判焉。凡留心交際之士。可不於此重加之意乎。述請柬儀式篇十八。

凡書寫請柬或答柬者。於式樣之取舍。措辭之繁簡。用字之輕重。皆宜特爲注意。否則不失之簡略。卽失之繁縟。皆非適中之道也。

主人所發之請柬。如僅以平常名片代之者。則賓客答簡之措辭。以愈簡單爲愈妙。如請柬上僅云「某日某刻。敬備粗肴。恭請密史脫王光臨。」則答辭僅須云「密史脫王。敬遵張夫人之邀請。准其於某日某刻。如約前來。」或「密史脫王殊爲抱歉。以先有成約。將不能遵張夫人之邀請。有某日某刻。如約前來。」是也。

凡舉行跳舞會。被邀請之來賓。例得爲他人向主婦請求加入。其請求之言。可在平常短箋中表明之。其志願加入之姓名。亦須附述其上。至主婦之應允此項請求與否。則殊不能一定。如先經邀請之女子。向主婦爲某男賓請求加入。爲其舞偶者。則主婦自然當一律承認。至男賓或女賓。爲其舞偶以外之人。請求與會者。則今昔之習慣不同。昔時開跳舞會者。來賓人數。以愈多爲愈妙。雖會場中鮮立足處。亦不肯辭絕他人之請求也。今日社會慣習。則於請求與會之人數。頗示限制。故每經開會。往往有多數妙齡女郎。徒以座上客滿。致有不得與會者。然主婦對於此項之限制。實爲不得已之故。若稍可通融。當爲之承認也。否則亦當以不能承認之故。設辭答復。其措辭。以謙遜之說出之。

凡爲他人向主婦請求加入與會者。自己須先得有主婦之邀請。若自己未見邀請。則斷不能代爲他人請求。此爲一定之慣習。不可不記取者也。然住居較遠之友朋。則不在此例。如住居鄉村之人。雖未經主婦之邀請。亦得爲與主婦鄰近之來賓。請求與會是也。

凡宴會場中來賓。例不爲他人請求與會。其他如園游會。下午茶集茶會舉行時。則請求之人最多。主婦可不必躊躇。一律承認。至與主婦親切者。則可不必先爲通知。遲於戾止時。一同引進。惟疏遠之人。則終以預先請求爲正當辦法。

凡舉行各種會集時。如有來賓代爲他人請求與會者。主婦不論應允與否。終以立刻答復爲正當辦法。不可以不復。爲一種默允之意思表示。蓋有時人將以爲忽然勿答。卽爲不承認之誤會矣。

賓客對於主婦之請柬。除以先有成約。可以却還外。尙有其他理由。可以爲却還之藉口。然能抽間前往。則終以接受主人之邀請爲佳。

其普通謝却之成句。例如下述。「某太太殊爲抱歉。以有前約。不能接受某太太之請柬。」

如賓主間本爲極形相得之人。則不能接受請柬之某太太。可以第一身出面。無事作第三身口氣也。至於前約之性質。則不必提及。雖因此可將謝却理由使之充分。而終以不必提及爲妙。卽至密切之友朋。亦無事多言云。

如非以先有成約。而不能接受主人之請柬時。則必有其他不得已事故。如疾病奇寒親戚喪亡等類。然後可以據爲充分理由。如故意辭却。則必惹主婦之不快也。

然除上所述。亦有例外可尋。卽臨時請柬遍發之時。其僕役往往在門外立候回音。而主婦於忽促之際。不及就商於耶君。常以確定到會之辭復之。倘耶君有事不能到會。則不妨遽毀前約。

今日社會慣習。視却還請柬一事。爲通常之舉。並不以此而頓生兩方之惡感云。凡遇空座。得再邀請他。

人承乏。

凡主人爲特殊之賓客。大開宴會。而開宴之時。此特殊之賓客。反不出席者。則主人不能不爲之失望。陪座之人。亦必彼此無歡。此爲一定之趨勢。凡身歷其境者。不可不知也。而在鄉村間之平常會集。其貼鄰之人。亦當一例出席。否則亦足挑起主人之惡感。

凡請柬與辭柬。均一律通用印刷之片。而有時亦得以手書字條代之。

### 第十九篇 散步驅車乘馬之禮節

泰西風俗。人民往往於夕陽在山。暮鴉歸巢之候。攜二三知己。出遊公園。以吸取空氣。或駕汽車。或乘駿馬。馳騁萬綠叢中。樂何如也。徵之我古人。藏修息游之義。亦相符合。述散步驅車乘馬篇十九。

#### (一) 散步

公園散步時間。以上午九時至十時半。下午四時至七時爲最適宜。至星期日散步時間。則微有不同。以下午一時至二時。及五時至七時爲普通時間。而在夏間。以下午五時至七時爲散步公園之絕好時間。凡已嫁之女子。外出閒步。可不必有他人之陪伴。然年事過輕。及衣著華麗者。則亦往往有人與俱。以表誠敬。而女子之獨身散步於熱鬧街道者。今日亦至爲通行。特不宜遲遲吾行耳。

在公園或公共遊戲場中。男子得與其熟識之女子。並肩散步。半小時或一小時之久。然此必先經女友之同意。否則恐惹人厭。

男子與女子。並肩散步時。無論熟識與否。一例不准挽臂同行。惟所同之女子。年事稍長。或身罹疾病者。

不在此例。

(二) 驅車

夏季驅車時間常在下午之三時至六時半。冬季則以二時半至四時半爲最合宜。下列種種乃爲上車下車之普通禮節。不論自動車馬車電車均以一例論也。

凡與人共同乘車。車中座次並無一定。車主位於客人之左或右。可各從其便。惟來賓上車。統在主婦之先。

倘同車之人爲三女子。則未嫁之女子應就後坐。讓其前座於已嫁女子。此雖無一定之限制。然未嫁女子之對於已嫁女子。自應略爲謙讓也。

主人主婦同乘一車。而再有其他女子加入者。則主人應背馬而坐。倘爲自動車者。則應與御者同坐。讓其座於女客。

下車之時。男子應先趨出。以扶助女子下車。主婦下車。則更在諸女賓之後。然有時爲便利起見。不妨稍一破例。

主婦半途遇見女友。招之入座。不必特爲下車。以引進之。僅須停輪俟之而已。

凡在下午之時。少女驅車遊行於公園。或熱鬧街道者。可不必有其他已嫁女子爲之陪伴。至已嫁女子能獨自驅車遊行。則更爲不必說之事。

俗例未嫁女子不得與少年男子同乘一車。惟兩方有親戚關係。或已訂有婚約者。則不能以此爲限。

主人乘車常應面馬而坐。如與其他已嫁女子俱，則不妨並坐。

凡主婦與少女同車之時，使主人而在，則當與主人並肩坐。不當以前座讓諸該少女。脫果以前座相讓，少女辭却之爲宜。

(三) 乘馬

跑馬場乘馬時，夏日以上午之八時至十時，冬時以上午之九時至十一時爲最合宜。初習騎馬之人，宜照上述規定之時間，每日習練。女子騎馬，則宜與親戚俱。公園騎馬時間，則通在上午之九時半至十時半左右。

女子在公園中騎馬，可勿必有他人爲之陪伴。至騎馬遠遊，則當結伴與俱。蓋防有意外之險也。

女子騎馬不必有人陪伴之習慣。今雖通行已久，然拘守舊俗之父母，凡令其女乘馬遊行者，往往仍囑御者隨後。雖往公園亦如之。

凡二女子同乘馬遊行，亦往往無男子或御者隨後。

第二十篇 鞠躬與握手

鞠躬與握手爲西人會見時所行之最普通禮節。邦人君子不可不知其大略焉。述鞠躬與握手篇二十。

(一) 鞠躬

凡男女初相見時，應彼此鞠躬以表敬禮。惟女子應先男子爲之。男子宜立刻脫帽答禮。切勿草率從事。

然在法蘭西及其他大陸諸國之慣習。適與英國相反。即男子應先對女子鞠躬。然後女子報以相當之禮。

凡雙方多為女子。而其所處他位。顯然有不平等時。則地位較崇之女子。應先對他女子鞠躬。如俱為平等之人。則無分先後也。

女子對於他人鞠躬禮。最宜注意。切不可對於未曾交談之人。貿然行之。雖為似曾相識。亦不能草率從事也。

女子對於熟識或初交之男子。當遇見時。宜一律先行鞠躬禮。雖其時有他男子或女子在旁。而其人又為並不相識者。亦不宜因之而罷。

男子間互為鞠躬時。不必脫帽。如一方男子與女子俱者。則不在此例。否則一方男子地位較崇。或年事過高者。則彼方男子亦宜脫帽鞠躬。以表誠敬之意。

男子相遇時。若他一方男子曾與一女子或多數女子俱者。則彼一方男子。僅須脫帽向相識之男子鞠躬敬禮。女子方面不必注意及之也。

女子對於非熟識之人。一概不能貿然行鞠躬禮。固也。即曾在他家茶會。或下午茶集時。有一面之交者。下次遇見。亦不必引為相識之人。而與之行鞠躬禮。非特此也。即曾在某處會集。與之為一次或二次之談話。若非確認彼真能認識我者。亦不應施以鞠躬之禮。否則我殊殷勤。彼偏落窳。甚非計之得也。

彼此相遇。而僅行鞠躬禮者。本為平淡之交。然一經締結。即不應反眼若不相識。否則殊非久而敬之之

意。

女子對於在跳舞場中。或他家會集。常相遇見之男子。不應貿然與之鞠躬。已如上述。即兩人在熱鬧場中。偶然相見。並立至二十分鐘之久。亦不應互爲鞠躬。惟男子有時稍爲女子道地。則女子直受之可也。女子在應酬場中。逢男子扶助時。往往以一鞠躬之禮報之。然此僅表明其當時之感德起見。將來遇見時。可勿引爲相識。

鞠躬一事。雖爲通常相見之禮。然性質各異。非可一概而論。有所謂親戚的鞠躬焉。疏遠的鞠躬焉。尊敬的鞠躬焉。勉強的鞠躬焉。蓋純隨兩方交情之深淺而異。其性質焉。

凡女子與男子。締交不深。而僅爲極平淡之交際者。而每日相見次數又不止一次。則兩方互爲一次鞠躬禮足矣。不必每次致意也。

## (二) 握手

女子與人相見。當一律行握手禮。否則必有下列之二原因。(一) 締交極淺。行鞠躬禮已足。(二) 意存猶疑。不知果應握手與否。則不如不握手之爲愈。

有多數男子。往往不論親疏。與人一例行極親切之握手禮。此等人可分爲二派。一派固爲善與人交。表明其相見恨晚之意。而又一派則往往諂媚成性。藉此可以取悅於人。殊令人生厭。然二派之狀態。不難立辨之也。

有時女子僅出其纖纖二指。與人握手。自視過高。顯然有不屑與人握手之意。然此種惡習。適足以自貶。

其身價他人爲之齒冷而已。而再有多數之人。往往與不應握手之人。相爲握手。而對於應行握手禮。斬而不與。不知其何所取義。

女子與人握手。固不可輕爲嘗試。然過於固執。亦非交際之道。大約一視介紹者之爲何人。及介紹之人。是否可以與之行握手禮。而定奪當時之從違也。

如主人與主婦。對於來賓所介紹之生客。當一例與之行握手禮。

女子對於已訂婚約之耶君之親戚。逢人介紹。當一例與之行握手禮。

女子對於知己所介紹之友朋。當一例與之行握手禮。

凡女子對於爲他人已經介紹之友朋。初未行握手禮者。而後來與之談話移時。可以水乳交融。則當別去時。應相握手。以敦友誼。若僅爲寒暄語者。則似可不必。

男女間互行握手禮時。女子應先伸手。以就男子。一與行鞠躬禮同。然以實在情形而論。二人當時爲之。蓋兩方交誼素深。或中有親戚關係者。則當時自然有握手之必要。固無事有一毫之猶豫也。

女子對於品行不甚端正之男子。一概勿與之行握手禮。

凡別去之時。宜互爲握手。以表親切之意。普通習慣。臨別之握手禮。舉在二人爲最後之談話時行之。而女子間則往往互執其手。移時然後別去。男子間亦間有行之者。特此爲歐陸之習慣。英國人行此者甚鮮。在英國社會。自當從英人之習慣也。

凡女子對於一經握手之人。以後遇見宜廢續而行握手禮。切勿有所間斷。除非彼此稍具惡感。則行鞠

躬禮已足。

凡在宴會場中。對於非所熟識之來賓。當一例與之行握手禮乎。此殊無一定之規則。可以垂示。然姑且以大概情形言之可也。卽凡在平常家宴時。戾止之候。距開筵時尙遠。則儘可從容。一與來賓握手。略話溫涼。如在大宴會場中。而戾止時。又開筵在卽。倘欲與衆賓一一握手。非特事有所不必。卽欲從容爲之。亦斷無此空閒之時間矣。則斯時與衆賓。僅爲普通之鞠躬禮。已可。至其他會集之時。握手與否。亦正可相機爲之。

昔時習慣。凡行握手禮者。臂須上舉。今人則已鮮有行之者。今日普通習慣。行握手禮時。僅須略舉其手而已。握他人之手。不宜過用氣力。惟以手指相交。接。勿必堅持手掌也。

### 第二十一篇 鄉村間之訪問

西國農人。每於秋穫以後。攜其家人子女。遍訪親友家。相與慰勞。存問。蓋農事既畢。小年正永。正可藉此時機。共話桑麻。何必隴上。輟耕嘆息。以俟時哉。述鄉村間之訪問。篇二十一。

鄉村間之親友往還。大約概始於每年之九月。八月間亦間有行之者。特究非慣例耳。

拜訪親友。往往均有一定日期。年復一年。一無更動。至有新交往來。則可順序排下。留居他人家期限之長短。至爲不一。或信宿而去。或駐住兼旬。要視與主婦家交誼之深淺而定。

九月間之第一星期。如農事已畢。富庶之家。往往舉行狩獵會集。借此以大會親友。蓋天高氣爽。士飽馬騰。正馳騁沙場之絕好時日也。如以天氣不佳。收穫愆期。則狩獵會集。可順延至第二或第三星期。又凡

在第一星期舉行者。其邀請之第一日。常爲八月三十一號。所以便各來賓於九月一日立時出發也。狩獵會集範圍之大小。亦至爲不一。有遍請各級親友。連皇族亦包括在內者。有僅限於知己之戚友者。然狩獵時期。終以三日爲限。

如狩獵會集。僅限於五枝鎗者（即男賓五人之意）則所邀請之女賓。不得過七人以上。而狩獵會集所邀請之賓客。須均同志。若生疏之人。引入在內。往往不能極酣暢淋漓之致。故爲主婦者。不可不於此加之意也。

狩獵會集告終之候。主婦宜將所獵得之物。擇尤分送各來賓。其全部之領袖。往往贈以野雞二及兔子一。然有多數地方習慣。並不拘守此項俗例。即將各種獵獲物。除少數供自己需用外。餘均出售於本地市場。或倫敦市場。

九月間之開始三星期。氣候最佳。極宜於戶外游戲。故爲主婦者。不難爲女賓安排種種消遣之事。以爲娛悅之計。惟持鎗行獵。最爲危險。斷非弱女子所能勝任。男子會獵之候。女子一律不准嘗試。雖間有略知鎗法者。亦不宜假以便宜。

狩獵會集舉行之時。女賓一例與男賓同食。間有多數女賓。雖並不持鎗行獵。而往往隨男子俱出。睹當時馳獵情景。然車塵馬足。至爲勞頓。非強健之女子不辦。況如獵取竹雞。必須馳行多里。女子追隨於後。殊非所宜也。

主婦在鄉村間之親友會集場中。招待之周。至與否。最足表示其幹才之有無。以屆時親友戾止者。動以

十數。而留連至旬日之間者。一切設備。務須應有盡有。然後不致有慢。衆賓如飲食之美。備起居之安。適固宜。在在留心。他如衆賓出遊。則宜多備各種車輛。俾得全體出發。中有願散步近郊者。則趣人爲之陪伴。新聞紙則宜多爲購備。郵信則宜趕早寄遞。晚歸又可舉行紙牌戲。以款來賓。務使有賓至如歸之樂。則主婦之本分盡矣。

有時獵狩鬆懈之際。主婦往往在樹林勝處。與女賓共爲宴游。會啜茗清談。致足樂也。然獵人動以是舉爲有礙行獵。不願舉行者多。主婦可相機爲之。故事行獵二日中。必間以休息一天。主婦在休息日。款待來賓之法。每人而異。有與來賓作園遊會者。有攜之往郊外訪其親友者。有同往觀賽花會者。有同往名勝處作野集者。統以下午八句鐘歸來。如主人自己備有車輛者。則用己家之車。否則宜雇自動車。或馬車行。如男女賓中有願乘馬者。則亦預先代雇之爲宜。

九月間之親友會集。凡在大戶人家。動輒數百十人。蓋年僅一度。故親友之被邀請者。無不惠然而來。職是之故。來賓之衆。直爲他種會所僅見。來賓中因往往彼此分黨。自成風氣焉。惟男子則落落大方。殊無此種慣習。蓋黨派競立。主婦周旋於其間。最爲難能。故主婦頗不贊同焉。

親友會集時。每於黃昏之候。舉行種種遊戲。以娛來賓。至游戲之種類。則每隨主婦。與其女兒之嗜好而異。或爲紙牌戲。或爲跳舞。主婦皆可列席其間。與衆共樂焉。然此等游戲場中。行獵男賓。往往不與其事。晚餐後。所舉行之遊戲。以紙牌戲爲最普通。且能得衆賓之同情焉。其他如素人演劇。文虎猜謎等事。亦極普通。且不僅可在晚上舉行。卽日間亦可資以爲消遣之法。

有多數主婦。款待來賓。極爲周至。舉行遊戲。往往至深夜十二時。方始罷去。然男賓則以早出行獵。有先罷去者。

凡已嫁女子。戾止此等應酬場中。而其主人。適爲未婚男子。則須與其夫俱。如未嫁者。則須與其父或母俱。否則亦必與他人家夫婦同去。而又須素爲交好者。然後此已嫁女子。可作爲該女子之準監督人。方可不受人指摘。未嫁女子。如無已嫁女子。或其女戚同者。不得寄居未婚男子之家。此亦爲一定之慣習也。

凡寡婦與其女。可與已嫁女子。一例同往未婚男子家進調。或留居。或邀請未婚男子會宴。

凡未婚男子。在九月間舉行親友會集者。閫內之事。可由來賓中之已嫁女子代行主婦之職。

如寡夫舉行親友會集者。其一切閫內之事。亦得由他已嫁女子代司其職。然有長女在者。則長女可主席焉。

## 第二十二篇 主婦之職

二。西俗請宴。或會集。舉以主婦爲主體。故應對進退之禮。主婦不可不重加之意也。述主婦之職。篇二十

招待來賓。似乎非異人任。然欲於應對進退之間。不爽毫釐。恰如其分。亦非易言。應酬場中。固宜隨時閱歷。而相機對付。則全由於箇人之幹才也。故主婦每在主席之候。當和顏悅色。對於出席之來賓。一例每人而悅。殷勤招待。切勿稍露勢利之見。或親疏之別。以惹起一部人之不快。能如是。則人將以完全之主

婦目之矣。

凡善於應酬之主婦。皆有一特具之長。卽口才之敏捷是也。每遇何人。卽與之爲適當之談話。如遇醫生。則與之談疾病。遇牧師。則與之談教會。遇兵官。則與之談武事是。

又客有口訥思鈍者。主婦應善爲誘導。助以談料。俾勿兀坐無言。

座客中有意見不同。而互爲爭論者。則主婦應善爲排解。以止之。苟能就事轉入戲謔。尤爲不落痕跡。最稱相宜。

主婦與衆賓談論之際。不應談人之短處。雖偶出戲言。不可深刻。卽恭維之言。亦須確當。不宜過分。使受者反難爲情。

來賓談話。有差誤時。主婦切勿當面冷笑。或直接指摘。令人難堪。

主婦對於來賓談話。不宜專注一人。應與全體賓客爲同等之交談。又賓朋滿座時。最忌附耳私語。

主婦與男賓談話。固宜避去穢醜之事。而對於女賓。亦務須爲大雅之言。

主婦不宜對客瑣述操家之事。如傭僕之勤惰。糧食之貴賤等。

主客交談。不宜互詢年歲家資。亦不宜論談他人之擁資若干。

主婦見全家人問安。不可統問。宜分別一一問到。以上諸端。皆主婦於應酬之際。宜特爲注意者也。否則

偶一犯之。人將無不竊竊然議於其後矣。

主婦之第一惡習。卽不肯拘守一定之時間。以招待來賓是也。如於來賓戾止之候。猶盛粧未罷。不先在

客堂中招待來賓。致來賓冷坐。客堂寒暄無人。岑寂寡歡。當有非言語所能形容者。則來賓對之。自然覺得萬分不快。及賓客盛集。主婦方珊珊而來。乃欲於忽促時間。一一與來賓握手致禮。無論勢有所不可。即曰能之。豈非大失體面。而有反客為主之譏乎。故主婦既規定一定之時刻。會集賓客。則於此時。宜先在客堂等候。俾勿使客人先我。而在致有失迎之歎云。

至於主婦如何招待來賓。則殊無一定之成法。以招待之周至與否。每隨會集之種類而異。如來賓有增至二三百人以上者。則主婦周旋來賓。必不能每人而悅。如僅有二三十人之來賓時也。

主婦在款待賓客之際。往往發生種種失望之事。然木已成舟。決不可存之腦海中。以致面貌上顯然露出不快之意。惹人疑慮。

凡在跳舞會及晚會舉行之際。主婦宜先在階次接候來賓。直至大多數來賓戾止之後。然後趨進客堂。再與衆賓周旋一切。

每一來賓戾止。侍者宜在外唱名。唱名既畢。主婦即當趨前與之行握手禮。略道寒暄。即引進客堂。不必多與之談話也。

凡在鄉村間之跳舞場中。跳舞既開始。主婦宜爲來賓遍擇舞偶。如有不願跳舞者。則宜介紹他人與之。敘談。免致岑寂。

在下午大會集之時。主婦可站在客堂門首。接待衆賓。倘來賓過多。主婦僅須與之點首而已。若平常下午會集。則主婦不必候之於門外。僅踈於客堂中。客人戾止。則一一爲之起立握手。

主婦對於會宴之來賓。宜一一與之握手。如儀款待衆賓。務須備極誠懇。如來賓戾止之候。距開筵時尙遠。或以等待主要賓客。故而不卽開筵者。則主婦在此時間。應設爲種種方法。引起衆賓興趣。俾勿致坐久生厭。

又按西國少婦。每出酬應。理宜與其父母或兄弟或丈夫偕行。否則亦須與年長之婦人。有可以爲少婦監督人之資格者。俱。故主婦當邀請處女或少婦時。當注意於此點。惟邇來社會習慣。凡在宴會與跳舞場中。少婦與處女。可以單獨出席。無需他人爲之陪伴。監督之責。可由主婦任之。惟出席於戲園或晚間音樂會者。監督人須一定與俱云。

凡少女在晨間結伴出遊。或散步於公園之濱。或馳馬於遊戲之場。照今日習慣。可一例自由出入。無需他監督人爲之陪伴云。

(未完)



偵探小說 拿破崙之情網 (續)

法國華度甫勃海傳名著

天笑 同譯  
聽 鷗

第七章 皇后宮中之大會

狩尉與羅鑑談話後三日。晚間七點鐘。狩尉勃直爾復入兜意勒離宮。宿衛皇帝。爲狀困疲而愁悶。蓋三日間奔走巴黎城中。晝夜不息。索此離奇之英國女郎。上天下地。竟不能得。狩尉遂快快失望。自念曰。極於萊曠於費桑之無名女子。豈已行耶。抑已離巴黎而往遠地。永不能見之耶。又欲問之薄蒙。然薄蒙不入宮者累日矣。遂發書詢之。并遣其屬之兩軍吏往見問之。薄蒙答詞頗峻厲。以爲彼決不能以此女郎之名姓告狩尉。彼之不告者。侍衛長職守所在。不敢以內廷機密洩之於外也。狩尉勃直爾苟必欲知其名姓者。可自往見皇后而問之。勃直爾初聞大怒。擬見而掌其頰。繼思之。此不足爲薄蒙罪。羣臣私相往還。爲皇帝所深惡。今屢往詢問。薄蒙爲遠嫌計。不得不以峻語報之矣。無名女郎之踪跡愈杳。勃直爾之愛情彌擊。初會於萊狩尉。雖因女郎而脫險。然狩尉猶不介意。以爲是村姑耳。故第二次會於費桑時。幾全忘之矣。今則不然。既驚其行踪出沒無常。又歎其面貌之妍麗。絕人誓欲得之。雖冒不韙于禁例。亦所不惜。狩尉平生未嘗因美婦人而一動其心。未嘗因愛情而失其容止。未嘗於射擊超乘外有所嗜。奸凡此高貴之性情。壯往之精神。今皆爲無名女郎情焰所焚。燬敗無餘矣。彼之猛追女郎。無異見奧大利日爾曼俄羅斯之敵騎而躡之也。然猛躡敵騎。猶可獲寶星進官階。以償其勞。而今則如何。耶身既疲而女

耶復不見事之懊惱。孰有甚於此乎。三日中三次叩其友羅鑑之門。備書肆空無人。扉牖皆閉。問之鄰人云。抹朗果騎士已三日不見矣。狩尉遂返阿勃安散克街之寓。盧頃之忽有一人遞一函至。啟而閱之。乃一短簡。其詞曰。余正爲汝忙。爲汝覓英國女郎。汝其少安。毋躁。下署羅鑑謹啟。此函不特不足以慰狩尉。且增其煩悶。蓋自得此函時。念羅鑑曰。吾友今往何處。覓女郎耶。其已得端倪。耶狩尉不得女郎踪跡。神志頹唐。失其故常。是日雖仍入宮宿衛。內廷而心緒殊惡。不發一語。同僚中若侍衛官若參乘官。有與之交接者。皆漠然置之。至內廷之宮眷。華裝麗服。嬌聲柔色。以媚人。爲能事。狩尉今日視之。尤深惡而痛疾焉。狩尉戎服佩劍。羽冠躡絢。加利革履。行經前楹。至聽政殿。羣臣已畢集矣。時七點鐘。又半也。皇帝皇后晚膳尙未畢。有頃。兩陛下離席。卽循故事。由內務部大臣導引兩陛下。兩承宣耶執燭隨之。入皇后便殿。卽於殿中行晚朝禮。皇帝乃傳旨召樞密侍從之人商議要政。議畢。宣羣臣進見。於是各部大臣各軍將領。國會議員。元老員。封疆大吏。及侍從命婦。司事女侍講女。皆依次入殿。至皇帝前恭肅行禮。此朝儀爲勃直爾所習見。然心殊不謂然。以爲臣之報主。固自有道。致命疆場。乃見血誠奚用。虛文縉節。爲哉。故每當朝會。狩尉嘿然立殿隅。見羣臣惶恐狀。悉鄙視之。是日既入聽政殿。卽立於第一窗下。是處適有輕騎尉及持戟耶兩人會談。皆勃直爾之友也。持戟耶曰。勃直爾君。乃在此間。老友汝豈病耶。何消瘦。若是輕騎尉曰。勃直爾與吾同志。樂閒放。而惡拘束。寧入咖啡館之於室。與二三知己作菓子戲。手盃酒。而口菸。斗不願衣制服入宮作衛士也。持戟耶曰。或者勃直爾君身爲羽林軍統領。久不與與人相見。以兵戎不免有腴肉重生之慨。悲憤而致羸瘠耶。勃直爾曰。此說是也。輕騎尉復曰。余有一事欲以詢君。吾

儕飽食安居日日深藏於廣廈細氈之殿。廷宴安鳩。毒豈不損志。況謹趨走工諂媚之內臣。又豈吾儕所樂。比肩吾儕。皆奧斯且離。褚及抹朗果之戰士。而皇帝顧令吾儕與不識不知。專工刺繡之妃嬪。相周旋。抑又何耶。試觀殿中宮眷傲慢之狀。安得不令人氣索。勃直爾聞輕騎尉之高論微笑。頷之。卽流目盼殿中。人有頃輕騎尉持戟。耶忽見狩尉色變體震。異而詰之曰。勃直爾君何爲。然是時狩尉神情激蕩。已爲一物所劫。持不復省其友之語矣。夫狩尉果何爲。而若此耶。離彼十步以遙。有一女郎與宮嬪一人共桌而談。女郎非他。卽行踪詭秘。會於萊暉於費桑之無名英國女郎也。卽前日蒲落亞街中狩尉馳馬追逐之少女也。然是日華服艷粧。尤令人注目。嬌紅溢面。御白袷衫。腰圍綠帶。豐厚之髮光澤耀目。妝成古髻望之。若神仙體態之輕盈。綽約面貌之媚媚溫柔。內家宮眷無有能出其右者。咸屬目以視。油然而生羨妬心。至殿中羣臣則其魂魄似皆爲此麗若天神之女郎所攝。目光專注於是不見他物矣。狩尉見大索三日不得之女郎。今乃天涯咫尺。心砰然動。驚愕失措。繼卽自克。乃指女郎而謂兩軍官曰。君等識此女郎乎。蓋與甲尼散夫人共話者。輕騎尉與持戟耶。卽凝眸視之。尉驚歎曰。此女何其艷麗也。持戟耶以舌作聲而附和之曰。此女直艷若神仙。不審誰家眷屬也。勃直爾曰。君不知其名乎。曰。余初次見之。安從便得其名氏。曰。是不難。第問宮中之內臣。必有知之者。適有一嬖儀衛之參乘官。在三人前趨而過。輕騎尉呼而問曰。亞特奈特君。余有一事詢之。足下亞特奈特者。皇后之信臣。常稱之曰。是乃予之良參乘官也。爲比利時人。二十歲時。曾効力於奧大利軍中。及呂奈維爾和約定後。遂去職而入法蘭西軍籍。以功擢步兵尉。因服務於皇后宮中。遂由步隊而調騎職。故與勃直爾及輕騎尉皆爲同僚。甚相親暱。亞特奈特伯

爵聞輕騎尉有言，即趨近三人而問曰：君等將以何事垂詢？下走勃直爾微指女郎而問曰：君識此女士乎？參乘官曰：識之，此爲脫累伐昂女士也。曰：非英國人乎？曰：否，彼爲法蘭西人，彼爲真實之法蘭西人，脫累伐昂氏者，樸望思省之舊貴族也。勃直爾申言之曰：此女必曾居英倫，離彼士必不久。亞特奈特君曰：此則某所未知也，彼之入值內廷，蓋僅自昨始耳。皇后命彼爲侍講員，此固絕麗之女郎也。勃直爾遂低聲曰：謹謝君教，自是狩尉遂識女郎之氏族矣。夫三日，前女郎已由皇后召見而命爲侍講員，則後日必居宮中，可知矣。既居宮中，則狩尉入值內廷，相見固甚易也。狩尉一念及此，樂不自持，綠色戎衣之內，心跳躍不已。輕騎尉曰：勃直爾，汝固有情人也，不然何以兩目灼灼不稍轉瞬？勃直爾不答，是時脫累伐昂女士已起立，與甲尼散夫人作別，婀娜其身，向俯臨甲虎賽兒街之窗邊，款步進行。勃直爾見其起立，即穿前殿徑向女郎，以趨女郎，見其來微笑以對之，及其近身，面色陡變，蒼白恐爲人覺，即凝眸注視窗格，以掩之。勃直爾是時心旌動搖，不能自持，即女郎之變色，彼亦未覺，惟以震顛沉着之聲問女郎曰：女士，尙識下走乎？女郎倉皇之態已於一秒鐘間盡排脫之，故是時體態已舒適矣。面色嬌紅未褪，固已洋洋若平時，從容而答曰：將軍殆有誤耶？儂從未與將軍有半面緣，此時安能識君？耶勃直爾聞而大震，若以利劍劈其腦，注視女郎，不瞬，瞋目驚呼曰：噫，女士，乃不我識耶？狩尉之期望至是盡歸太空，自念曰：余於彼女郎識之審矣，今日確未誤指，蓋此女容貌顏嬌好，有若童穉，目巨而睛作蔚藍色，口小而唇薄，兩頰有微渦，恆作笑容，髮黃若金光澤，可鑑軀幹脩而柔，吐音和諧而抗墮，殊甚有類英人。今日所見之女郎，正昔日所見之女郎也，豈得謂余之誤耶？否否，彼殆欲戲余耳，余必不誤。三日，前余一見即識之，今在目。

前如何反誤耶。且有一事足徵余言之不謬。女耶耳際有一小黑痣。曠於費桑之夕接吻時已識之。今固猶在也。狩尉復申言曰。噫。女士竟不我識耶。兩年前有一人至萊。踵富爾先生之門。幾蹈陷阱。幸女士救之得免於禍。此事女士尙憶之耶。數月前費桑海濱有一人拯女士於海。女士豈忘之耶。語未畢。女耶微笑而問之曰。幸君恕我。揚言足下之誤認。殆無疑義。余固曾居英倫。然君所言之地名。余悉不知。至於費桑。則余實不審其位置。余於君實初次相見。將軍其恕我。狩尉聞之。植立。女耶前不語。亦不動形。若木雞。自念曰。豈真誤耶。遂稍前以逼視之。愈逼視而愈覺其似然。女耶固力辯其非。語清爽而態安舒。似非僞飾者。天下人有若是之相肖者耶。豈余實誤視乎。抑女耶固爲此以戲我也。久之。忽自擊其額。念及一事。曰。余在萊。在費桑時。皆作平民裝。女耶見之以爲是美姿容之少年耳。曠之無害。故遂與余親。今日則否。所處之地。則兜意。勒離宮之殿廷也。所服之衣。則羽林軍狩尉之制服也。所任之職。則出納皇帝之命令也。女耶不敢冒昧。就余故自諱其前事。以遠我。歟。狩尉念至此。希望又生。卽直趨而前。擬重提前事。以挑之。忽憶女耶之約指。及約指裏紙之兩語。遂欣然微笑。僂僂而進。曰。女士恕我。冒昧。余尙憶女士前日臨別之贈。語書於片紙。裏約指上。置於費桑村店之桌上者。女耶聞之。忽作噴容。曰。將軍直誤認人矣。所謂約指。所謂贈語。所謂費桑之村店。余實夢夢。繼卽正色告曰。將軍其少休乎。以此相誑。毋乃太甚。且儂與將軍雅未相識。而必以將軍情事加諸儂身。在君或係誤認。而在儂則受侮不少。殊怪將軍之唐突矣。是時殿之深處。洞門忽啟。一導引官自內出。高聲呼曰。有旨召羣臣進。見脫累。伐昂。女士遂捨狩尉而去。狩尉兀立。面色灰白。神氣頹唐。當導引官傳宣時。武臣禮宜舉手帽側。至是狩尉亦忘之。皇后之侍講員既

捨狩。尉即與衆宮嬪合流目。以盼怏怏。失望之狩。尉而自語曰。可憐之少年。

第八章 一局紙牌戲

每日皇帝晚膳。與皇后同桌而食。循例六點鐘爲進膳之時。然皇帝時因要政於樞密院中。與諸大臣從容論難。忘其食時。是日亦然。皇帝臨席。去進膳時已遲一小時矣。覺饑甚。一望席間。衆肴畢陳。饑火爲之少遏。是時猶循法蘭西舊俗。衆肴悉陳於桌上。至進菓時始撤之。是日導肴四曰粟羹。曰雞羹。曰牛脯。曰鯉。主肴四曰竹雞脰。曰鴨脰。曰煮雞。曰羊脯。副肴四曰橘汁。曰咖啡。曰羔脯。曰葡萄酒。拿破崙非食量過人者。且於烹飪事不甚措意。對皇后與呂山君罕談此事。呂山者內務部大臣。與帝后伴食者。是夕適召文部大臣入宮賜膳。帝與之暢談文部事。諭其注意於近日發行之印刷品及肆口雌黃之報紙談至極酣適時遂忘舊例將置於面前之衆肴傾所有以食之。於是筵席之序次以亂。及文部大臣奏告日間部事已畢。帝即起立。擲其拭手之巾。是時約瑟芬及呂山君尙未畢正肴。見帝已起立。亦不得不相率離席。隨皇帝入皇后便殿。殿中一侍衛官捧赤磁盃而立。盃盛咖啡。見帝后進。即以盃呈后。后取盃置糖於其中。獻之。帝飲咖啡。恆忘置糖。故此盃必由皇后親獻也。拿破崙取盃急飲之一呷而盡。即諭曰。傳旨召見。是時殿門外羣臣畢集。是濟濟者。其爵位皆足以承帝后之色笑者。聞命皆魚貫進。首爲皇族中之皇子公主。及已得封爵之大臣與其夫人。次爲羽林軍之統帥。御前參謀大臣。國會議員。元老員。翰林學士。既進殿。皆厲行立。行朝見禮。禮畢。傳諭游息。是日游息之事。非音樂。亦非唱歌。乃牌戲也。殿中設牌戲桌數事。桌上各陳小籃。籃中滿貯銀籌。此籌爲寶農所創。奇穎所雕琢。籌面刻福神及凶神。宮中牌戲輸

贏不以幣。以此銀籌也。諸大臣命婦及宮中妃嬪之牌戲。則另設小桌。以別之。形製精巧。尤與牌戲相宜。是夕。皇帝與會絕佳。議論風生。此必日間所得之奏報。皆屬佳耗也。皇帝款步至翰林學士詩人萊儂氏之前。盛譽其所著之哀劇「教堂騎士」。此劇編成。已將數月。非萊儂氏之新著。然帝於前日始盡心觀之。大賞之。覺此中妙趣。有非僅觀一次者所能領會。萊儂驚喜。以爲天語。褒嘉已屬異數。矧茲雄武蓋世之主。於文士少所可。而獨屬意於余之著述。其榮寵爲何如耶。方欲頌揚聖德。以酬帝恩。而帝目已他射矣。拿破崙是時忽於嬪妃命婦叢中。見一面目新異之女子。驚其美艷。遂問萊儂將發之頌辭。而謂之曰。學士試告朕。侍立皇后左側。而方與賴華勢夫人談論之。女郎卿識之耶。萊儂聞命。卽流目盼女郎。而對曰。臣不識也。拿破崙不語。捨詩人而他去。薄蒙方趨。而過帝止之。而問曰。薄蒙卿識此新來之女郎乎。願卿有以告朕。曰。陛下此皇后新選之侍講員也。曰。朕不知也。帝凝眸以視女郎。者可一秒鐘。繼又問曰。女郎何名。曰。脫累伐昂呂須兒也。曰。舊貴族乎。曰。陛下彼族之貴。已歷數世。爲樸望思之世家。亨利五世朝彼已尊爲貴族。法蘭西之勇士及基督教之信徒。多出其門。曰。今已廢乎。曰。然曰。已被流放乎。曰。誠如聖論。在大革命時。脫累伐昂老侯爵。落黨人。手入甲末獄。獄中衛護皇后。陛下殷勤懇摯。自脫戴合米道國法革命軍起。廢古曆稱十一月爲戴合米道。九日之厄。老侯爵遂僑居英倫。數月前始返。故土意將求皇后周卹之也。皇后賞脫累伐昂女士之秀慧。故留宮中。而授以侍講職。皇帝傾耳靜聽。若深有味乎。其言者。然當薄蒙奏告時。銳若鷹鶚之目光。射女郎。而不釋女郎。覺帝之盼睐。時繞其身。面忽發頰。帝且觀且語。聲甚低。微幾不能辨。其詞曰。舊貴族之女郎。竟若是之秀媚耶。語畢。卽流目迴。盼殿中諸少婦。欲求一貌相若者。竟不能得久。

之謂薄蒙曰。薄蒙。朕甚感。卿之詳告侍衛長。遂肅然行禮而退。

帝穆然兀立。以賞女郎之美麗者。可一秒鐘。繼乃定意。直向女郎而趨。脫累。伐昂女士。雖與宮嬪談。而於皇帝之舉動時。流目送盼也。今見其來。則心碎。然以震訝。帝於衆宮嬪中。何獨屬目於已也。然伴若鎮定。絕不露驚恐狀。惟兩頰漸呈輕紅。目膚跳躍。三四次。徵其胸中之擾動耳。轉瞬間。皇帝拿破崙已立於前。於是女郎儻身垂目。靜候皇帝之發言。非貴族女深諳朝儀者。不能若是之從容也。帝對之微笑。以拿破崙之尊嚴。忽對女郎開顏一笑。亦寵眷異數也。帝謂賴華勢夫人曰。夫人其爲朕引見此嬌好之女郎。兜意。離宮中。朕實初次見之。頃有人面奏云。此皇后新任之侍講員。帝是時探手於襯衣之袋中。撮雪茄。匣擲之於地。帝固不好此也。繼復言曰。宮中之事。朕乃弗知。賴華勢夫人即趨前。儻身莊重。其聲以答曰。敬奏陛下。此乃脫累。伐昂氏。呂須兒女士也。於是呂須兒復鞠躬。帝植立凝眸。以察之。見女郎面目既秀麗。而舉動又合禮。大悅之。謂之曰。女士來自英倫乎。曰。誠如聖諭。曰。汝久居何地。曰。恆居英倫。臣離法蘭西時。纔七齡耳。曰。汝今年幾何矣。曰。臣年二十有三矣。帝是時背手微笑。曰。二十有三歲。繼復問曰。汝居巴黎。爲日幾何。曰。纔兩月耳。曰。然則汝固英吉利人。而非巴黎人也。曰。臣心固猶是法蘭西人。且滿貯陛下之榮光。帝俯首若深喜。女郎對答之得體者。嘿不語者。有間。是時賴華勢夫人已退。皇帝之前。惟脫累。伐昂女士之獨對。然此非女士所懼。有頃。帝復曰。英吉利人謂我爲何如。主曰。皆稱陛下神聖。天縱之姿。曰。小女子亦知面諛。耶。曰。臣實據實以奏。不敢妄言以欺陛下。曰。豈披德也。專與拿破崙爲仇敵。與其同志。亦以朕爲聖主。耶。汝之言。安得不令朕疑。曰。陛下臣實不知披德與其同志。意見若何。若就臣所交游。

者論則彼輩無不頌法蘭西皇帝之功德者曰卽此足徵汝在英倫擇交之審慎也拿破崙此時置手袋中取鼻煙壺煙未及鼻又言曰汝父尙存乎曰臣父雖老尙健曰在巴黎乎曰否蒙皇后陛下發私帑以周之彼於昨日行往樓望思之脫累伐昂去矣曰然則汝獨居巴黎乎曰然曰汝有友朋乎曰無之曰不患寂寞乎曰旣承皇后陛下之恩供職宮中黽勉從事猶虞隕越安有餘閒患寂寞乎皇帝曰汝之辭令抑何巧妙帝以手撫女郎肩如家人親暱狀而謂之曰脫累伐昂女士汝固聰慧絕倫之女子也曰敬謝陛下之恩曰今日遇汝朕之幸也曰陛下褒臣太甚令臣惶恐不敢當曰以汝聰穎才藝諒亦勝人一籌朕聞凡生長於英吉利之女郎恆擅技巧蓋英吉利者吾國工藝教育之所自出也以朕度之汝必長於馳馮……曰臣妾於騎術略知其梗概曰首次大狩時朕將觀之朕命汝入圍場以試汝技是時有一傳旨官趨至皇帝前而奏曰陸軍大臣預備召見曰陸軍大臣乎曰陛下曾諭陸軍大臣今夜進宮陛下豈忘之乎帝愠曰此老殊拂朕意豈不能少緩須臾以待朕稍事憩息耶今旣來此可囑其少待遂顧謂脫累伐昂女士曰朕今獲觀麗人如獲重寶而不能稽延五分鐘以與美人相對耶今夜誓不辦事朕將爲菓子戲汝英人也必精此事曰臣略知其例曰試爲之朕將觀汝藝術也帝所立之處適有一牌戲桌遂坐於旁而囑女士亦坐帝流目四矚卽呼曰亞特奈特爲我覓山巨夫人菓子戲之健將也朕今與脫累伐昂女士偕山巨伯爵夫人遂趨而前以應帝之寵召於是菓子戲遂開局內廷精此戲者首推亞特奈特及山巨夫人拿破崙則殊不善此往往失敗及其敗也憤形於色然當博時不願他人之有所假借見對敵者爲己讓步必盛怒責之故帝偶爲此戲必命亞特奈特及山巨夫人爲其敵以此兩人紀律絕嚴葉

子戲中聖手第知有己不知有皇帝也。脫累伐昂女士落子甚緩。然其應敵也審慎而周密。同局者無不歎其精練而美。其深得奧妙。以爲非久習此事者不能也。然帝與女郎首局皆負。女郎曰：陛下如此可見臣藝之劣。此局臣誤下兩子也。拿破崙答曰：葉子戲之可貴者以其靜也。女士母多言其重整旗鼓以禦強敵。汝今已知敵軍之伎倆。後局必大勝。遂授以紙牌。此次帝落子屢誤。然以呂須兒之幹旋補救。未爲敵乘。局終遂大勝。山巨夫人請曰：陛下許吾儕報復乎？曰：許之。復戰。亞特奈特與山巨夫人又負。脫累伐昂女士遂爲帝常勝軍矣。帝歡呼曰：今日得脫累伐昂女士如獲一大將也。喜何如者？復顧呂須兒曰：脫累伐昂女士苟朕與汝恆聯盟以戰。朕殆無敵於天下矣。女郎答曰：此皆陛下天竄聰明。故連戰疊捷。臣曷敢冒其功。拿破崙欣然微笑。端視之而語曰：既研麗而又聰穎。是兒真可人意。是時亞特奈特及山巨夫人皆退。帝遂斜身以向女郎。顛聲謂之曰：今日之勝皆汝之功。朕必有以報汝。語略停頓。則曰：少頃朕命功斯當引汝入內。帝遂出殿。往見陸軍大臣於樞密室。脫累伐昂呂須兒傍牌戲桌而立。意不知所可。兩頰微紅。悠然若有所思。

## 第九章 秘密室

拿破崙固非溺於聲色者。然亦非真情之主。雖不若法蘭西前王佛朗塞亞一世。享利四世。路易十四世。路易十五世之恣情縱欲。然亦不能如路易十三世。路易十六世之耽靜好道。雖不徵選美。然亦多情好色之人也。約瑟芬外尙有兩人爲拿破崙所眷。此威震全歐之雄主。所纏綿於胸中者。惟此三人耳。三人外鮮有能承其寵眷。邀其盼睐。擾其思慮。消其雄心者。雖間有所眷。而所眷之時至短。當千八百零六

年拿破崙年三十有七。帝年方盛。精力又強。戰無不勝。攻無不取。遂登帝位。繼贖爾末業。大帝之後。提三尺劍。起家於卒伍。建茲廣大赫濯之帝國。功亦崇矣。業亦廣矣。而約瑟芬年已半老。色衰愛弛。原欲徵求一二美人以娛英雄。垂暮故宮中之女伶侍講員及侍女。苟貌美而性情和柔。易與皆足以當皇帝片時之眷戀。蓋軍務倥傯。帝實無暇與性情高抗者相周旋也。且皇帝爲郭思島產。故性情飄忽。類意大利人。其用情也亦然。當其熾時。有若水沸及其息歇。烟消雲散矣。

此夕皇帝甚樂。蓋自奧大利及日耳曼來之消息皆爲佳音。新集之聯軍已組織完備。彼將率其健兒酣戰於奧大利之郊原也。故是夕臨席衆肴皆覺馨香飽食之餘。卽歡然入皇后便殿。忽見脫累伐昂女士心搖震不自持。是時帝之魂魄似皆爲此艷麗女郎所劫持矣。自念曰。是姝爲誰乎。朕在皇后宮中前所未見也。豈某將領或某大臣之女初次引領入宮乎。抑約瑟芬新選入宮之嬪乎。帝欲知其姓氏。遂詢之。薄蒙苟是女而爲其將帥之女。貌雖美。容雖艷。帝必愜然置之。今知爲約瑟芬之侍講。則是其掌中物矣。又知爲前朝貴族。是則零落無歸矣。又知是女無室家。無財產。是則淒涼寂寞可見矣。帝意中固以女郎爲道旁之果。可任意擷之也。又是果色艷而香濃。非擷而食之。必不足以饜其慾。望帝遂與女郎接洽。可五分鐘而大悅之。故葉子戲畢。帝卽出。皇后便殿呼功斯當。功斯當者。皇帝所信任之承宣官也。諭之曰。汝識脫累伐昂呂須兒之女士乎。承宣官答曰。臣不識也。曰。此皇后之侍講員也。曰。臣謹誌之。曰。彼今在殿中。曰。臣往識之。皇帝曰。甚善。今夜汝可引之入吾祕密室。且朕已面告之矣。曰。遵陛下命。功斯當者。帝之瞽僕。聾僕。啞僕也。以彼自無耳目口鼻之官。能以皇帝之官能爲官能也。功斯當大不似人類。乃善。

達皇帝命。令之機器也。皇帝有。任何命令。功斯當。即遵行之。不問其意。義之。若何。帝若命其殺皇后。彼亦將殺之。宮中。僅有。功斯當一人。若此。耶曰。否。功斯當。外。尚有。胡斯當。胡斯當者。功斯當之。輔弼也。功斯當。既奉。皇帝命。遂往。皇后。便殿。立於。門側。以俟。皇后之。散會。

約瑟。勞雖不。愛。早眠。然。羣臣。畢集。禮繁儀縟。非其所好。惟欲。與。二。三。親狎。宮嬪。聚於。寢宮。相對。閒談。故。俟。皇帝。出。殿。皇后。雖。方。與。一。侍衛。官。作。擲。骰。戲。即。匆。匆。散。局。起。立。舉。手。以。示。散。會。后。遂。入。寢。殿。兩。宮。嬪。隨。之。羣。臣。皆。徐。徐。散。去。脫。累。伐。昂。呂。須。兒。以。居。侍。講。職。故。留。宿。宮。中。殿。之。前。楹。翼。以。遊。廊。廊。中。有。一。大。扶。梯。通。宮。樓。之。第。三。層。呂。須。兒。之。寢。室。在。焉。方。欲。循。廊。以。登。樓。而。功。斯。當。阻。其。前。進。問。曰。貴。人。非。脫。累。伐。昂。女。士。乎。曰。然。君。意。何。指。曰。陛。下。有。諭。來。召。女。士。呂。須。兒。是。時。既。不。抗。拒。亦。不。驚。恐。蓋。帝。頃。已。面。諭。之。矣。況。彼。以。一。弱。女。子。獨。處。宮。闈。烏。能。抗。此。威。嚴。無。比。皇。帝。之。命。乎。遂。謂。功。斯。當。曰。儂。即。隨。君。行。承。宣。官。對。女。郎。微。僕。其。身。即。循。廊。行。登。一。暗。梯。梯。盡。至。一。樓。廊。昏。黑。中。惟。殘。燈。一。盞。留。一。粟。將。燼。之。餘。光。以。燭。行。人。此。燈。似。晝。夜。不。息。者。蓋。四。圍。無。窗。牖。以。引。日。光。也。廊。盡。得。一。室。功。斯。當。遂。延。女。郎。入。此。室。低。而。小。屋。頂。皆。幕。以。板。然。陳。設。則。至。華。美。床。榻。茵。褥。皆。用。錦。繡。小。桌。及。衣。櫥。皆。以。文。木。爲。之。塗。以。黃。金。飾。以。蠟。鈿。象。牙。幔。板。下。懸。一。古。銅。燈。籠。以。碧。色。瑠。璃。燈。光。慘。淡。四。射。室。隅。滿。綴。鮮。花。香。氣。馥。郁。功。斯。當。對。女。郎。僕。身。而。言。曰。請。女。士。居。此。以。俟。陛。下。之。臨。幸。遂。啓。門。出。此。非。功。斯。當。頃。引。女。郎。所。入。之。門。也。門。啓。時。女。郎。於。黯。淡。燈。光。中。見。一。人。首。纏。金。帶。服。長。袍。立。於。門。側。此。即。監。守。是。室。之。衛。士。胡。斯。當。也。脫。累。伐。昂。呂。須。兒。女。士。觀。此。情。狀。靦。然。微。笑。此。東。方。式。之。小。室。即。功。斯。當。頃。引。脫。累。伐。昂。女。士。居。之。者。謂。之。秘。密。室。兜。意。勒。離。宮。中。人。多。知。有。此。秘。

室且時張大其詞以資談助。願罕有人身入此室而目覩其情狀者。此室本爲前樞密大臣蒲離愛納氏寢室之一部。有一曲折之扶梯逕通皇帝室。職是之故。無論晝夜。拿破盜皆可與其樞臣商議軍國要政。後因蒲離愛納舉動有悖慢處。遷其室於他所。此處遂爲秘密室。矣呂須兒悄坐於此。良覺寂寥。遂流目四矚以觀此室之結構體態。安閑殊無驚懼狀。惟不識皇帝將自何門入。未免中心鶻突耳。苟勃直爾狩尉。今日亦在此室。必將偃傍脫累。伐昂女士與之談。當日萊地之恩意及費桑之情。好女郎必無術以掩飾矣。呂須兒坐於繡茵之圓椅上。以白綾衫下幅之綯邊覆其兩足。拄肘於膝。以手扶頰。作沉思狀。目光灼灼。視功斯當所由出之門。以爲有衛士以守此。必皇帝出入之要道也。女郎沉思良久。額起縐紋。一痕斂唇微笑。似喜若嗔。憂己身之將被摧折歟。亦樂拿破崙之爲其籠絡歟。爲喜爲懼。此固無人能識其用意矣。有頃門忽徐啟。皇帝來矣。仍服白色褲絲襪革履。惟頃御獵衣。今則易以絲鈕之常服。呂須兒亭起立兩腮嬌紅。帝携手囑其復坐。乃取一圓椅置於女郎旁。坐而謂之曰。卿果來矣。呂須兒答曰。悉遵陛下之命。皇帝曰。汝心怯乎。女郎佯若不明。此語之意義者。率爾對曰。怯復如何。臣敢抗陛下之命乎。彼承宣官引導。臣妾入於兜意勒離宮之幽深處。然天下之至平安者。莫如此宮。闈臣何爲懼怯乎。拿破崙微笑曰。呂須兒。凡貌麗之女。郎胸中恆有所畏怯。以汝年齡尚未犧牲。汝之麗質。脫逢一二鍾情少年。與汝纏綿。汝雖不欲。而無可如何也。女郎搖首曰。臣實不明陛下之語意。帝近女郎身。握其手曰。呂須兒。汝有所愛乎。曰。臣不知所愛也。皇帝曰。咄哉怪事。以汝年齡。詎乃不解情愛。汝非告朕今年二十有三矣。曰。臣居英倫。守身如玉。除老父外。僅有一老牧師。時來寓廬耳。曰。得有二三俊美之騎士來汝室乎。曰。無之。曰。

然則當汝出外閒遊時曾遇貌英秀而體斌媚之少年對汝巧笑當是時能無猝然有動於心乎帝語時漸以手加女郎胸女郎亦不拒惟答之曰臣永未遇此類事曰設有以柔媚之聲語汝曰 I love you (吾愛汝) 呂須兒汝將何以答之曰陛下乎臣實不知所答帝是時覺女郎情動夫拿破崙非長於媚術者其對婦人也不能絮絮作軟語彼之愛情猶彼之戰術也貴神速而惡緩進今見女郎情動即急起乘之語之曰朕苟語汝曰吾愛汝汝將何以答吾女郎嬌羞無以自持曰陛下乎陛下乎皇帝曰朕實愛汝 朕一見汝情絲即纏縛吾身呂須兒 呂須兒 遂摟女郎親其吻帝是時情不自禁遂定情也復緊握其手而語之曰呂須兒汝勿畏朕朕固愛汝者今朕所鍾愛者惟汝一人而已汝今所居之職非汝所宜明日朕即解汝侍講之職俾汝毋幽居宮廷以增煩悶也脫累伐昂女士明日朕即還汝初服朕今晚即降旨朕於摩松會樂室數楹今以賜汝且賜汝祿以贍汝用汝苟以皇帝之愛情爲不足道而不加盼睐則朕將爲汝僕爲汝情僕爲汝忠僕爲伺汝妝臺之奴隸汝亦可以許朕矣呂須兒明日再相見矣遂呼曰胡斯當安在衛士應曰吾皇臣在此曰汝可引此女郎歸寢室於是呂須兒長跪於皇帝足下嗚咽而奏曰陛下臣謹謝至尊眷戀之恩然臣之微軀已爲陛下所有矣願陛下勿捐棄焉皇帝曰吾兒速立起速立起朕今鑒汝誠意呂須兒遂隨衛士以出帝茫然若有所失者久之

第十章 勃直爾狩尉之驚愕

勃直爾以脫累伐昂女士爲昔日會於萊曠於費桑之情人與之款語而女郎堅拒而奚落之狩尉大失所望神思飛越如喪其魂兀立殿中不語亦不動時羣臣陸續進見聽政殿中人漸寥落所存者僅導引

官承宣官侍衛官及未蒙召見之外臣數人耳。狩尉植立原處不稍移易。如兩足黏附於殿庭之上者。恍惚迷離。五官百體皆若因此一激而失其所守。則大如時計。陡被猛擊而止。其擺動機械雖未損而針則已停運也。是時狩尉身後一承宣官。闢俯臨甲虎賽兒街之巨窗。清鮮空氣冷然入殿。勃直爾漸覺頭腦爲之一清。遂緩步至窗側。憑欄遠眺。見街衢昏黑。惟半明半昧之路燈數盞。於黑影叢中耀其微光。若晨星數點。隱約見於天際。狩尉呼吸清氣者良久。神志漸爽。遂重念往事。低聲自語曰。是真造物弄人哉。余必誤認然相肖若是。雖至慎細者不能不誤會矣。狩尉復將此女子反覆冥思。覺與今所見者面貌相同。狀態相同。軀幹聲音無不同。且耳際之小黑痣亦同。遂轉念曰。雖非此女亦必此女之姊妹。行不然必不能若是之相肖也。於是狩尉又歎主宰之萬能以爲斯兩人者。形容畢肖。官體悉同。造物之神奇。竟若是耶。有頃。狩尉忽搖首曰。此必不然。夫狩尉勃直爾者。非理想家也。其知識至簡。其從軍也。主帥有命則遵行之。不論其是非不考其意義。故往復討論非其所長。而於心理學又非所素習。婦人之心理至奧。曠勃直爾孰從而推測之乎。然脫累伐昂女士之心理。勃直爾亦窺見其大略焉。以爲女郎之堅不肯承者。或係膽怯所致。彼固不意服狩尉制服立於殿廷者。卽其昔日費桑之情人也。狩尉轉輒思維中深以此說爲長。繼又斷續其聲而自語曰。捐棄勿復道。吾何爲因一女子而勞神焦慮乎。我輩軍人寧可以兒女子爲念乎。願言雖如是而心仍戀念不置。欲以他念易之而轉瞬間此事仍來腦際。無術以拭去之。蓋脫累伐昂女士是否爲昔日相瞻之女。耶雖不敢必然迴念。當此之夜女郎宛轉相就。情味甚摯。而今乃冷若冰霜不假辭色。狩尉所受之激刺何如者是。非其意中人有以撫慰之。必不足療其懊懣之念也。狩尉復

念曰。卽此女。非余夙昔所見者。而爲別一人。今日見余。誠懇若此。亦宜感之。而稍假辭色矣。奈何。淡漠若此。耶。皇后宮中。諸宮嬪之悅我者。不知凡幾。此侍講脫累。伐昂女士。乃竟受此奚落。而拒我。若是之甚。耶。狩尉自恃青年貌美。以爲己脫悅此女。此女必不拒之。且皇帝重我輩。更可乞於皇帝而娶之。以己之恩寵。帝宜無不允。則一侍講女者。將安所逃乎。狩尉勃直爾念至此。未來之希望。又來勇氣。又勃發。與會又淋漓矣。

是時皇帝方畢菓子戲。入辦事室。皇后倦於禮儀。傳諭散會。羽林軍狩尉之職務遂畢。勃直爾神情恍惚。中決意明日往訪老友羅鑑。以此事商之。或可得一良策。狩尉勃直爾遂於月光希微中。循昏黑之曲徑。歸阿勃安散克街之寓廬。至明日而往訪羅鑑。之舉又不克果。蓋次日黎明得宮諭云。皇帝幸風的白落命狩尉勃直爾。率羽林軍。扈駕也。至從駕之次日。狩尉乃有餘暇。訪羅鑑於芒達街。至則傭書肆扉牖。仍閉見肆門之側。有一縫衣女。置籃於地。而勤女工。遂詢以羅鑑之行踪。答曰。羅鑑耶。此固余所熟識者。且前日晚間。彼曾告余曰。將作數日之漫遊。脫有友人勃直爾狩尉來訪。噫。所謂勃直爾狩尉者。非卽先生耶。曰。然。余卽是也。以下云何。曰。渠囑余告先生云。至遲三日。必歸歸後。卽訪先生於阿勃安散克街之寓廬。勃直爾驚曰。異哉。彼烏知我住址。耶。縫衣女曰。狩尉余甚願爲君効力。昔日余曾製軍衣。惟其式與今時異耳。先生苟有所需。請賜我樣。余必爲先生仿製。狩尉曰。余暫無所需也。狩尉遂行。途中沉思曰。此詭奇之羅鑑。乃能知我居於阿勃安散克街。耶。似余未嘗以地址告之。寧非怪事。今夕兜意。勒離宮。羣臣大會。勃直爾雖不當值。亦宜進宮備位。然出芒達街時。夕陽未落。爲時尙早。狩尉爲消遣。光陰計入一。

咖啡館名王宮者。覓契友數人。與之作骨牌戲。飲啤酒數杯。吸雪茄數支。至晚間七點鐘。勃直爾遂衣狩。尉制服入兜意勒離宮。登聽政殿。是時狩尉心躍不已。而其神情之激動較之奧斯且離。緒大戰之晨身。先士卒直犯俄人與人陣線時尤厲也。狩尉今日之來。決意與脫累伐昂女士暢談衷曲。當離寓廬時。其僕拔胡飲以密調之火酒。用壯其氣。故勃直爾是時神氣絕旺。無中餒態。其狀若壯士猝遇敵軍前鋒之輕騎隊。奮勇格鬪。絕不作畏縮態也。將入聽政殿。一念及脫累伐昂女士。即自奮曰。勃直爾勉之。其母畏縮。天必佑汝。狩尉遂昂然入殿。壯往之概。仍如昔日既踰門限。即舉目四矚。急求女郎。自思曰。詎彼妹尙未蒞此乎。蓋狩尉於人叢中。未見脫累伐昂女士也。復自言曰。彼妹何爲。姍姍來遲乎。舉頭一望。見遊廊深處壁上懸鐘之針。已指七點有半。較規定之時已略晚。女郎未應。此時尙不入殿。狩尉遂躊躇而思曰。皇后之侍講。豈亦如皇帝之傳令官。事務紛繁。無暇至此歟。彼妹今日之不能蒞會。蓋可知也。於是狩尉胸中遂生相反之兩意。今夕不見所愛之人。是其所恨。而與女郎之交涉。因此亦得展緩一日。布置亦可漸臻妥洽。是又彼之所樂也。亞特奈特君見狩尉來。即趨近之。握手作微笑曰。狩尉已蒞此乎。曰然。曰君今日不當值。乃亦來此耶。曰然。曰余不意君赴皇后之會。乃若是之勤奮。余深爲君賀。蓋勇士往往往沉囁寡言。而與內廷不通聲氣。勃直爾答曰。君始不知余之來意。曰余誠昧昧第覺君今日不當值而入聽政殿。知君或有他故耳。勃直爾雖鎮靜。今聞是語。直透隱微。不覺面頰遂喟然而歎。繼思亞特奈特亦出身行伍。性情仇爽。無內臣柔媚氣。直告之亦無害。遂笑而語之曰。亞特奈特先生。衆宮嬪中有一年少者。余之所識也。今夕余入兜意勒離宮。亦欲與此女郎略談耳。亞特奈特曰。此說殊信。狩尉勃直爾未及考參。

乘官之語含譏。諷仍繼續言曰。亞特奈特先生。余所欲見之人。適不在殿。意者今日皇后之旁。彼無職務。故未蒞此歟。君能告我此女之所在乎。曰。苟有所知。無不盡言。君所詢者誰耶。曰。爲皇后陛下之侍講員。曰。願聞其名。狩尉曰。蓋脫累伐昂女士耳。亞特奈特驚曰。汝所求者爲脫累伐昂女士乎。曰。君不識此人耶。亞特奈特沉吟曰。余不甚識之。蓋脫累伐昂女士進宮之日甚淺也。曰。彼膺此職。僅在五日之前。曰。我聞今已去職矣。勃直爾驚曰。亞特奈特先生。君言云何。曰。余言脫累伐昂女士已出宮矣。曰。豈其然乎。曰。三日前朝會曾見之。自後遂不復見矣。勃直爾此時如擊疾電。倉皇問曰。君知此女之究竟乎。曰。余安從知之。曰。君必略有所聞。參乘官不能耐。遂謂之曰。狩尉君當知宮闈中曖昧之事。日有所聞。烏能一推其究竟。窮其底蘊。前日羣臣畢集。忽不見脫累伐昂女士。衆咸異之。然皇后陛下絕不驚駭。誰肯以一女郎之行踪。上瀆至尊者。且宮嬪如鯽。一侍講之來去。亦屬恆事。於大局有何關係哉。故羣臣亦遂置之不加窮詰。此就羣臣之與女郎無關係者言也。若吾子與彼。夙有情好。固不能以常理相提並論矣。望君諒我下走實不知此女之所在。侍衛長有事相召。謹與君別。亞特奈特君遂旋身輕步效。內臣之謙敬狀。離勃直爾而與向壁翁合。

此脫累伐昂呂須兒乃狩尉勃直爾確認爲意中人也。今忽出宮。且其出宮之時不先不後。適在狩尉與彼將合之際。苟是女誠爲狩尉昔日之情人。則因此一見。舊好不難重續。苟非是。則亦可因此一見。訂新歡焉。今則已矣。狩尉之懊恨爲何如耶。然勃直爾不因此而頹其志。奮然曰。造物弄人。乃若是耶。廷臣中固罕有詰女郎之行踪者。然余必不若是。余必告之警務部大臣。富顯請其廣發偵探。以索之。誓必得此。

女。耶。而。後。止。狩。尉。遂。握。手。作。拳。抑。其。軍。帽。出。兜。意。勒。離。宮。向。阿。勃。安。散。克。街。而。去。是。時。離。狩。尉。寓。廬。門。約。兩。步。駐。一。車。帷。幙。四。垂。然。狩。尉。殊。不。措。意。至。門。卽。以。鑰。置。鎖。寶。以。啟。門。蓋。是。時。風。尚。雇。閣。人。者。甚。鮮。也。甫。欲。推。扉。忽。有。一。偉。丈。夫。服。寬。博。之。棕。色。外。套。立。於。旁。而。問。曰。君。非。勃。直。爾。狩。尉。乎。勃。直。爾。愕。然。答。曰。僕。是。也。君。因。何。事。枉。駕。顧。敝。廬。偉。丈。夫。曰。君。願。隨。僕。行。乎。曰。隨。君。行。將。何。往。曰。往。造。吾。女。主。第。彼。命。僕。來。迓。狩。尉。也。狩。尉。曰。敢。問。君。之。女。主。爲。誰。曰。彼。命。僕。來。迓。先。生。不。命。僕。以。其。名。告。先。生。也。勃。直。爾。憤。然。作。色。曰。既。不。知。名。去。將。何。爲。是。時。狩。尉。已。闢。寓。廬。門。將。入。此。棕。色。外。套。之。偉。丈。夫。忽。舉。袖。阻。之。而。謂。之。曰。人。皆。料。先。生。必。不。往。今。果。然。吾。女。主。亦。早。見。及。故。又。命。僕。荷。先。生。不。往。者。卽。以。此。紙。呈。之。先。生。狩。尉。曰。速。以。紙。來。遂。取。偉。丈。夫。手。中。紙。葉。卽。至。門。側。路。燈。桿。下。就。燈。光。讀。之。大。驚。而。號。曰。咄。咄。真。怪。事。哉。是。時。偉。丈。夫。已。啟。帷。幕。四。垂。之。車。門。勃。直。爾。噤。不。能。聲。兀。然。癡。立。蓋。狩。尉。燈。下。所。讀。者。卽「汝。其。念。之。汝。其。秘。之。」之。二。語。也。

(未完)



告 廣 局 書 華 中

著 原 士 女 爾 卡 國 美

# 慈 禧 寫 照 記

洋 裝 一 冊 定 價 八 角

是書為美國  
卡爾女士原  
著女士入宮  
寫照接近慈  
禧太后頗久  
故其紀載富  
有趣味與前  
出之慈禧外  
紀同為宮闈  
秘史茲將特  
色詳列於下

## ● 紀述真切 ●

女士入宮既久聞見自確故於慈禧之真相之才調之經歷之特性之軼事寫來有聲有色非常真切

## ● 趣味濃雋 ●

書中述大內祭祀萬壽節宴等儀節歷歷如數家珍而於慈禧之起居習慣服飾朝覲游覽交際以及寢宮之陳列御用物之華貴李蓮英之權勢宮眷之待遇尤覺繪影繪聲

## ● 譯筆明暢 ●

此書為大中華譯員陳君靈銳所譯文筆明顯曲而能達且於每節上欄標明提要尤為醒目

## ● 插圖珍貴 ●

插圖有卡爾女士所繪慈禧畫像及女士滿裝肖像慈禧御暈出宮闈湖上遊幸圖視朝圖御筆書畫暨光緒后妃公主宮女等圖均用銅版精印插入編首精美絕倫

新四(357)

小外交  
和 平 歟 戰 爭 歟

周瘦鵬

一千九百〇八年十月五日午後。那奧大利的皇帝弗耶士約瑟。同著一班奧大利和梅格亞的公爵伯爵們。一塊兒在御園裏談論少年土耳其黨成功的事。那老皇帝搖著他頭。愴然說道。吾們原早已料到他們必有這一天。那瑟爾丹土耳其皇帝之稱的權力。不過是虛名罷。咧說到這裏。猛見那外交總長愛倫瑟爾男爵。三脚兩步趕將進來。滿臉現著很得意的神氣。老皇忙問道。你怎麼如此興頭。可是有甚麼消息麼。男爵欣然答道。好消息。好消息。這消息。吾們委實已盼望了好久了。今天早上。菲迭南親王已宣告自立。爲蒲爾加利亞的國王。老皇聽了。磨擦著那一雙枯瘠的手兒。說道。這當真是箇好消息。吾親愛的男爵。你的政策。好算得圓滿呢。這時有一箇梅格亞啟口說道。吾知道這一年中。那新王定能統著他赫赫王者之師。浩浩蕩蕩的去攻打土耳其首都君士但丁。了一箇奧大利貴族接口道。那些塞爾維亞人一定和他們聯合著。又有一人說道。塞爾維亞人何等利害。定能凱旋而歸。土耳其人休想敵得住他們。這人剛說罷。却有一箇貴族快快的說道。那塞爾維亞人既凱旋而歸。怕要把這巴爾幹半島變做他們的塞爾維亞帝國。吾親愛的男爵。在下以爲你的好消息。未必十分好呢。男爵微笑道。你未免過慮了。要知塞爾維亞人當真打了箇勝仗。即使凱旋時。滿載歸來。可也不能獨自享用那些巴爾幹人。免不得像羣狗爭骨一般。都想來嘗鼎一臠。若是分不均勻。大家就要鬧將起來。塞爾維亞人那裏還能建立甚麼帝國。說完。又有一人插口道。他們鬧時。吾知道那俄羅斯定要長驅而下一口吞了去。吾們恐怕也不免捲

入戰爭的旋渦。愛倫瑟爾搖頭道：「你難道不知道吾們的北面有一箇國度喚做德意志的麼？這德意志很多勁旅，誰也不能及得上他。聽說那德意志皇帝和吾們也十分相得呢。這當兒那老皇帝揚聲說道：『列位吾們不必擔心，吾們那箇同盟德意志皇帝是箇很利害的人，甚麼都肯相助。』就是吾們預備去侵伐聖彼得堡，他也能助一臂之力。一箇梅格亞的公爵忙道：『陛下小臣有一箇哥兒在巴黎做股份經紀，曾和吾說法蘭西人還沒有忘却當年普法戰爭時巴黎之恥，因此把德意志人恨得切骨。很想得一箇好機會召集了四百萬軍人穿過伏司巨山直入蘭因河流域殺進柏林一報宿仇呢。』愛倫瑟爾道：『要是德意志當真去攻擊俄羅斯，不消說法蘭西定要跳將出來助著同盟國用了全力抵制他的仇家。然而德意志却毫不在意。那柏林的軍事部中人都在那裏誇口道：『吾們下回去攻擊俄羅斯時，很望法蘭西斜刺裡跳將出來，不上兩月說不定又能到巴黎去逛咧。』若是再弄到了五十兆的賠償費，俄羅斯可禁不得吾們靴尖兒一踢呢。』吾的朋友，你想他們敢說這大話，可見得有恃無恐。就是吾們目前所要進行的事，他也一定肯在後邊相助。』吾們說時，即有幾箇人嚷著問道：『吾們目前所要進行的甚麼事？』男爵可能發表麼？男爵轉身向著老皇，鞠了一躬，說道：『這發表之權操在陛下手中，須聽陛下的卓裁。』老皇現著不安的樣兒，抬頭問道：『你所說的可是要聯合蒲司尼亞和赫芝高維那的事麼？』那張草案呢？愛倫瑟爾便從衣袋中抽出一張紙兒來，授與老皇。老皇一聲兒也不響，默默的瞧了一會，纔把眼兒抬起，向四下裏望了一望。天顏上滿露著索漠的狀態，向愛倫瑟爾道：『吾親愛的男爵，吾很不願意簽字。怕這棋兒一下滿秤皆輸呢。』愛倫瑟爾很莊肅的答道：『陛下的高見，很是，是，是，不過小臣以爲吾們目前必

須把那蒲司尼亞和赫芝高維那聯合起來纔能把塞爾維亞建立塞爾維亞帝國的癡夢打醒只等柏林好戰的心發狂熱時出兵相助吾們的利益正無窮呢老皇點頭道不差你想得好主意說時又向衆人道列位跟吾一同入書室去瞧吾在這一張紙兒上簽字不久眼見得全歐洲的地圖也因此改變咧大家聽了那末一句話不覺變了色眼兒裏都含著恐怖之狀向老皇瞧著知道這一舉直把那一千八百七十一年列國所訂的約倫敦宣告書踹在腳下悄悄地竟竊取了那兩箇孤立無助的小國歸入自己的版圖這消息一傳播出去全歐各國定然大大的震動從倫敦到君士但丁從聖彼得堡到巴黎不免要現出一派騷亂之象然而他們雖是這樣擔心那老皇却態度安閒慢吞吞的向著書室走去不到幾步忽有一箇梅格亞的少年貴族放出一種低弱震顛的聲音問道陛下吾們可是多早晚總得一戰麼老皇答道正是不出十年吾們總得和俄羅斯一戰那少年道戰時吾們要費……愛倫瑟爾不動聲色的接口道不過三萬萬克耶罷了把這三萬萬克耶換那巴爾幹全島委實便宜得狠少年道你這話只說戰勝後的結果要是打了箇敗仗便如何老皇轉身過來銳聲說道先生吾們那裏會打敗仗有箇德意志在後邊勝利直可操券的少年人你不必學杞人憂天呢那少年鞠了一躬很謙下的說道陛下請你見恕世界上的事不能預料不見那拿破崙百戰百勝也有失敗之日所以吾們必須三思而行大家的眼光該射到遠處別只顧目前陛下倘不以小臣爲放肆小臣倒有箇又敏捷又便直的計畫請陛下垂聽這計畫若能實行取巴爾幹直如拾芥咧老皇很懇切的說道少年你心中有甚麼話兒儘直直截截的說出來別管人家聽了難堪不難堪贊成不贊成可是各人有各人的意見有時千百人

所。想。不。到。的。一。人。倒。能。想。到。呢。少。年。鞠。躬。道。如。此。多。謝。陛。下。小。臣。斗。膽。說。咧。說。時。回。頭。向。著。愛。倫。瑟。爾。那。奕。奕。有。神。的。蓮。花。面。上。現。出。一。道。道。的。奇。光。冷。然。說。道。你。可。是。要。并。合。那。蒲。司。尼。亞。和。赫。芝。高。維。那。入。吾。版。圖。德。惠。吾。親。愛。的。陛。下。和。俄。羅。斯。宣。戰。好。端。端。費。吾。們。奧。大。利。三。萬。萬。克。耶。麼。愛。倫。瑟。爾。一。言。不。發。微。微。的。點。了。點。頭。嘴。唇。四。邊。做。出。一。種。假。笑。的。樣。兒。似。乎。在。那。裏。暗。笑。這。乳。臭。兒。不。解。事。竟。敢。和。吾。好。幾。十。年。吃。這。碗。外。交。飯。的。斲。輪。老。手。反。對。起。來。咧。那。少。年。却。也。不。管。他。又。向。老。皇。道。陛。下。據。小。臣。的。愚。見。以。爲。吾。們。奧。大。利。與。其。籌。措。了。三。萬。萬。克。耶。和。俄。羅。斯。宣。戰。不。如。籌。措。了。一。萬。五。千。萬。克。耶。劃。分。爲。七。分。給。那。羅。曼。尼。亞。蒲。爾。加。利。亞。塞。爾。維。亞。希。臘。莽。脫。尼。克。羅。蒲。司。尼。亞。和。赫。芝。高。維。那。七。國。的。政。府。目。下。暫。存。在。巴。黎。倫。敦。維。也。納。的。國。際。銀。行。裏。四。成。取。息。以。後。就。通。令。七。國。倘。有。甚。麼。費。用。儘。能。前。去。支。取。不。過。戰。爭。費。不。在。此。例。不。久。他。們。自。然。會。來。和。奧。大。利。匈。牙。利。漸。漸。親。近。將。來。歐。羅。巴。州。說。不。定。也。有。箇。合。衆。國。出。現。咧。那。許。多。人。聽。了。都。闕。然。大。笑。起。來。老。皇。很。溫。和。的。瞧。着。少。年。柔。聲。說。道。吾。的。孩。子。你。這。幻。想。著。實。不。惡。吾。很。嘉。許。你。只。帶。些。文。學。上。的。意。味。不。能。用。在。外。交。上。呢。愛。倫。瑟。爾。也。嚷。起。來。道。著。啊。著。啊。世。界。上。那。有。這。種。外。交。術。至。於。吾。所。定。的。計。畫。簡。直。是。百。發。百。中。一。朝。實。行。吾。們。奧。大。利。就。能。得。無。窮。的。利。益。吾。親。愛。的。少。年。你。總。須。實。事。求。是。別。發。無。謂。的。癡。想。防。後。邊。有。人。來。一。拳。打。倒。你。呢。陛。下。如。今。吾。們。可。能。去。簽。字。了。麼。老。皇。微。喟。了。一。聲。便。又。緩。緩。的。踱。向。書。室。那。少。年。却。又。高。聲。說。道。且。慢。男。爵。原。是。吾。們。奧。大。利。空。前。絕。後。的。大。外。交。家。他。定。下。的。計。畫。怎。會。失。敗。然。而。陛。下。要。知。道。外。交。家。實。是。那。戰。神。的。侍。婢。最。喜。歡。的。是。戰。爭。況。且。數。百。年。來。他。們。只。在。暗。中。做。事。光。明。中。直。毫。無。觀。察。事。理。的。眼。光。因。此。上。小。臣。敢。忠。告。陛。下。

別把國家大計一古腦兒交給外交家還是交給國民聽國民公衆的制裁愛倫瑟爾大呼道陛下他在  
 那裏說瘋話別去聽他少年沈著聲說道爲甚麼是瘋話那一箇說瘋話愛倫瑟爾又大呼道不是瘋話  
 是甚麼照你的意思可是要把吾們國中的內情一起報告列國麼可是要使全世界都知道吾們想攫  
 取那巴爾幹麼可是要使人家恥笑吾們懦弱沒用不敢和俄羅斯決戰麼少年道這種無理取鬧的話  
 兒吾委實不願意和你分辯但望大家都立在這光天化日之下彼此瞧瞧臉兒放些兒天良出來做些  
 兒正直的事也算第一回替吾們奧大利歷史上生色那老皇聽了末幾句話不覺把身兒挺了一挺喘  
 著說道呀你說這話未免也侮辱吾侮辱你的皇帝少年急道但是陛下剛纔會俯允小臣儘把心中的  
 話兒直直截截說出來所以小臣斗膽敢說這幾句痛切的話可是世界各國那一國不知道吾們奧大  
 利那一國不欽仰吾們奧大利吾們自然也該開誠布公以向各國不該做那種鷄鳴狗盜的事陛下可  
 知道那塞爾維亞人爲甚麼一向痛恨吾們也只爲吾們帶著箇和平的假面具暗中時時想攘奪他們  
 的土地財產偷偷摸摸的一些兒沒有做大國的場面然而放在那些外交家口中道來又冠冕堂皇說  
 是無上上乘的外交術咧接著便有一人插口問道只是國際的事不借重外交家借重誰呢便是你的  
 和平政策也須他們施行出去纔得那少年道爲甚麼要經他們的手如今只消由奧大利和匈牙利的  
 議院互相提議大家憑著良心上說話議決後便通告列國說吾們願意出一半的戰爭費把歐洲幾箇  
 小些的國兒聯合在一起組織一箇大合衆國實行真正的和平政策想列國也決沒有不贊成的道理  
 目前吾們就該不屈不撓努力進行先陳請兩議院籌措一萬五千萬克郎然後替這合衆國定箇首都

的名兒。吾以爲不妨就喚他做培爾格萊特（按此爲塞爾維亞首都）首都一定便造一所宏大的議院。請各小國派人到院會議。一切建立一箇新政府。制定一種新法律。豈不是千古未有的盛事。少停更撥那一萬五千萬克郎第一年的利息金六千萬克郎。交給這議院作爲改良巴爾幹街道和學堂之用。包管你不上幾年。這合衆國就楚楚可觀。咧說到這裏停了一停。那幾箇梅格亞的公爵伯爵們不覺面面相覷。都現出一派踟躕不安之狀。原來他的一番話兒。著實有些意思。沒一箇敢駁他一句。怕駁錯了惹人恥笑。只那愛倫瑟爾男爵却毫無顧忌。侃侃說道。吾起初以爲你必有一箇推陳出新的萬全之策。使那蒲司尼亞和巴爾幹其餘的各小國輕輕掉入吾們奧大利的手。不費一些子力。只聽你剛纔的話。直要削盡吾們奧大利的大權。并且替奧大利築起一座千級萬級的債台。這計畫好算得笨到絕頂。少年聽了搖著頭向那大外交家微微一笑。說道。男爵你的話兒委實不錯。在下所定的計畫確是笨到絕頂。既不能使吾們奧大利的國旂飛遍培爾格萊特、蘇菲亞、蒲司脫、雅典、諸城。又不能使吾們神聖不可侵犯的大皇帝握管領巴爾幹全土的大權。然而你要知道。在下的計畫雖笨。笨中却也有些小智。若能照著實行。不出二十年。定能得那但紐勃、河南方的民心。民心既得。巴爾幹全土的商業便統歸吾們經營。若是吾們始終以誠待人。那七國自然也一致傾向於吾。咧愛倫瑟爾的冷笑道。要那些小國和吾們要好。畢竟有甚麼利益。少年悄然答道。你說利益。每十年多一萬萬克郎。是不是利益。那美利堅人「省一辨士。卽賺一辨士」的一句話。實是千古不刊之論。須得記在心頭。要知那些南方的鄰國和吾們要好了。吾們卽能省無數的錢。不用費了幾百萬克郎。築礮台不用費了幾百萬克郎。派間諜不

用費了幾百萬克郎。辦火藥槍彈不用費了。幾百萬克郎造戰艦作戰費。吾們這合衆國一成立除了俄羅斯以外却好算得歐羅巴洲第一大國。況且巴爾幹既變做了一國。歐東問題也從此打消。土耳其人從此不振。俄羅斯從此排去他的野心。俄皇從此不再挑撥那各小國交戰。到了那時簡直已無所謂大國小國。並不分此疆彼界。直成了一箇七國國民共同的國家了。愛倫瑟爾又冷笑道。呵呵好箇不識世故的孩子。你難道能使那世世仇視的希臘教徒和羅馬教徒相抱親吻麼。你難道用了這每年幾百萬克郎的賄賂金。即能消滅他們種族上和宗教上的積嫌麼。那少年急道。這並不是賄賂。實是吾的所謂外交術。那錢兒不過用來收拾那七國的人心和吾們相親以後。不致再動干戈。擾亂歐洲的治安。至於使希臘教徒和羅馬教徒握手言歡。吾原也知道做不到。只使他們不相仇視就是了。說時雙眸炯炯的望著四下裏的人。那老皇忽地把手兒輕輕的攔在少年肩。上柔聲說道。吾老了。這兩箇眸子已飽經世故。數十年來所見倒也著實不少。吾眼見得法蘭西日就衰弱。德意志日見強盛。日本居然也一躍而起。儕於強國之列。意大利漸漸兒有些進步。土耳其却漸漸兒退出歐洲。但是各國的強弱進退無非是一箇老法子。起初是一般外交家相欺於黑暗之裏。末後是軍人們交戰於光明之中。得法的便強盛。便進步。不得法的便衰弱。便退化。然而這也並不是快樂的事。干戈一動。不知道要費掉世界上多少的錢。多少的血。多少的生命。彼此既發生了惡感。到了百年以後。仍然不能消滅。老皇說到這裏舉了舉那雙皺皮的手。又道。少年人。吾決計施行你的計畫。成敗得失一概不管。吾親愛的男爵。你快把那草案撕掉了。吾們大家一起坐下來細細討論那組織合衆國的問題。

六箇月後奧大利兩議院已經了一場最利害的舌戰。末了到底是贊成組織合衆國的一方面得勝。當下裏就籌了那一萬五千萬克郎交託幾箇可靠的銀行家代爲管理。先時還守著秘密不使人家知道。不久那歐洲幾箇大國已微有所聞就互相揣測起來。說這一筆巨款別是戰爭費呢。奧大利別是想和人宣戰呢。幸而後來這一天疑雲就掃盪箇乾淨。大家纔恍然大悟。一天是六月裏風光明媚之辰。奧大利全國和巴爾幹各鎮都揭著絕大的廣告說。老皇帝弗朗士約瑟陛下不願意再見戰事發生於歐羅巴洲東部。因此撥那流血之費去和南方幾箇鄰國修好實行永久的和平政策。請每國都派十箇代表參與那培爾格萊特的第一議院會議。諸事以便進行。這廣告一出惹得全歐各國都大笑起來。那一般外交家一箇箇搖著頭切切私語道。可憐的老弗朗士約瑟他委實在那裏發癡想那愛倫瑟爾是箇小聰明的人。怎麼也鬧出這笑話來。真笑死人。咧。許多新聞紙上都說愛倫瑟爾不該使他祖國老老實實向人說自己。不願意見戰事發生。這一句話直能搖動歐羅巴洲的軸兒。德意志是他的同盟國聽了他這種宣言不免要擔心將來德意志萬一有事於他國看來斷不能得與大利的相助。到頭來他們的同盟協約就此冰消瓦解也。正難說。況且奧大利這一舉實是請那大熊俄羅斯立刻跳進巴爾幹食料室。一古腦兒舐掉那蜜。這又何苦來呢。便是那英國和別國幾張穩健的新聞紙也很不贊成奧大利的計畫。說這樣做去定要激起歐羅巴洲一場空前的大戰。可不是世界的幸福。那廣告揭出後不上幾天忽有一箇消息從奧台薩傳來說俄羅斯的海陸軍已下動員了。那巴爾幹人一聽了這當頭的霹靂不覺都望著奧大利發怔。暗地裏在那裏猜疑說奧大利別是使詭計呢。奧大利著了慌。卽忙通告七國說。

吾們想組織這合衆國並沒旁的意思不過求世界的和平人民的安樂使往時國際間的誤會從此打消流血之局不再見於歐洲東部罷了這宣言一出那德意志和俄羅斯各報紙上都百方的攻擊他說那一萬五千萬克耶的巨款實是奧大利行詐的利器雖說分給七國其實都在那皇帝和議院的掌握之中萬萬沒有交出來的日子只把虛言騙人而已那些羅曼尼亞人和蒲爾加利亞人瞧了都嘲笑奧大利譏刺奧大利有一張法蘭西的滑稽報還印出一張滑稽畫畫那老皇帝蕭朗士約瑟騎在一匹驢子上驢子身上挂著揭貼寫的是「巴爾幹驢」幾個字老皇手中有一根木杖杖頭縛著一束乾草去那驢子的鼻子約摸有幾寸來遠草上寫著「巨款」字樣那驢子却貼貼服服的向一帶小山上趕去山頂上卽是那哈泊司堡按卽奧皇皇室名的御廡這畫兒分明是說老皇用了那一萬五千萬克耶哄巴爾幹想把巴爾幹諸國一起歸入奧大利版圖呢

那老皇的大計畫禁不得他們這樣嘲笑譏刺幾乎失敗下來虧得他議院甚是乖覺立時宣告巴爾幹七國說每國都能派一人管理那巨款以昭信實這通告剛出去可巧奧台薩也有電報到來說俄羅斯海陸軍下動員令實是子虛烏有的事於是第二天濱暮時候那塞爾維亞莽脫尼格羅和蒲司尼亞三國卽有公文到奧大利應允派員參與這未來合衆國第一次召集的議院三天後希臘就步他們的後塵更隔了一日那蒲爾加利亞和赫芝高維那也先後應允接著蒲却萊斯脫城中起了一箇小小風潮殺死了幾箇反對奧大利的俄羅斯貴人那先時不以奧國爲然的羅曼尼亞便也加入六國中來了那培爾格萊特第一次議院召集的那天有一箇人坐了一輛馬力很大的摩托卡匆匆的離開維也納

運入梯洛爾深山中去。瞧他的臉兒，滿現著一種鬱鬱不樂的神氣，彷彿從喪家吊了孝出來似的。這人非別正是那奧大利主戰的外交總長愛倫瑟爾男爵。那時他已辭掉了外交總長之職，概不過問外交上的事。以後預備在山上，一箇風景幽舊的村莊裏，造一所精舍專延一般賦歸去來兮的政治家，一塊兒嘯傲其中，優哉游哉，聊以卒歲。從此做了山中宰相，不問國事咧。

一千九百十四年八月一日，風軟日媚，無異春光好時。培爾格萊特城中有一箇從來所未有的盛會，行經那通都大道，足足有一里多長。許多銅匠，簇擁一箇和平之神的大銅像，大踏步去接著，又是一隊鐵匠，把那一百多箇肩胛扛著，一把挺大的斷刀，後面便是無數的巴爾幹農民，男女老少，一箇箇穿著紅紅綠綠的衣裳。陸離光怪，燦爛奪目。手執著麥做的小花圈，嘴裏唱著二十種各不相同的田歌。村曲，鈎鞦格磔，煞是有趣。他們的後邊，是一大隊城中的人，和絡繹不絕的摩托卡。最後却是那華髮盈顛的大總統弗朗士，約瑟頓，巍巍騎在一匹高頭駿馬上，向那莊嚴輝煌大理石的議院，緩緩而行。一路向著兩旁的人山人海，不住的點頭微笑。他那一雙老眼中，還榮榮的含著樂淚呢。

這一大隊興高采烈的國民，向那議院陸續走去。據說是爲了瑞士尼拾萊比利時三國已承認這歐羅巴洲的合衆國，因此舉行祝典去的。



## 文苑

## 天影靈詩存序

王闈運

余年十五六時。天下方驚於科舉。宣宗重翰林。多由府道兩三年。至督撫一童生。不二年。可至二品官。出爲學使。鄉考官。門庭赫烜。父母光榮。比之蘇秦。尤顯。故父老甘心焉。以科第望子弟。因督其伊吾帖括。中終身不悔。余固少孤。爲叔父所教育。九歲能文。而不喜制舉程式。隨例肄業城南書院。院長陳先生本欽名儒也。專攻八比文。禮聘龍先生友。變助教課藝。龍先生熟精四書。匯參之學。諸老翰林如勞羅諸公。皆推服焉。或聚談。講論龍先生來。則莫敢先發言。而余與其長子隣臣交。及武岡二鄧子。皆在城南講舍。李君篁仙亦從其外。兄丁果臣居院齋。篁仙早入學。補廩生。隣臣亦舉丙午鄉試。下第還。侍父居內齋。皆謹飭。獨余。跡弛好大言。篁仙放誕自喜。余尤與相得。日夕過從。皆喜爲詩篇。鄧彌之。尤工五言。每有作。皆五言。不取宋唐歌行近體。故號爲學古。其時人不知古詩。派別見五言。則號爲漢魏。故篁仙以當時。酬唱多者。自標爲湘中五子。後以告曾滌丈。羅羅山。睡中聞之。驚問曰。有近思錄耶。時道學未衰。故惡五子名。云然。篁仙實先工科舉。學八比。試帖大卷。皆甲於四子。由辛亥鄉舉。應丙辰殿試。卷在進呈十本中。翰林資也。及朝考。誤點注。乃置三等。用主事。分戶部。以此任。僚遂癩。散不樂。曹司趨。走然以才名見。重徐侍。耶樹銘。因見賞於本部。尙書肅順部。事輒咨之。戶部丞理財。設官銀號。凡五。各識以字記。因曰五字。官吏因緣虧空。肅尙書治之。設核對處。以篁仙會王郎中正。誼辦理。銀號欠款。當繳銀錢。而輦當十錢抵償。主者不

肯收。輦者委堂下徑去。篁仙日趨公。數數見之。漫問曰。此錢胡爲露積庭下。將破壞矣。吏具言繳款不收。故則曰不收。可令更將去。吏輒應曰諾。卽呼輦者還其故號。及大治虧空。王郎中以徇縱。當送獄待訊。尙書趙公思救之。從容曰。下獄太重。卽如李主事亦當下獄。耶。意以肅善。李必可寬也。肅驟見抵。因發怒曰。皆奏交刑部。而篁仙入獄。案未結。有夷變。又縱出之。既和復囚之。改元不得赦。及誅肅順。大治肅黨。大臣坐罪者相望。篁仙乃以爲肅所陷。赦復官。蓋在部五年。而在獄兩年。在部時詩不能多。在獄時有讀史史論若干卷。讀史樂府三卷。起戰國至東漢。猶前詩宗漢魏說也。湘中五子既散處。而韓臣以知縣分山西。有循稱。彌之由中書敘浙江道員。省城不守。坐革職歸。與弟保之讀書家居。詩益沈雄。保之讀萬卷書。著井言數十萬言。政學無所不通。余家居專治經。有八箋。自以爲過。鄭康成。潘伯寅。頗疑笑之。獨篁仙捐資得道員。又不知省例。指發安徽。安徽故無候補試用。當補之缺。其先發湖北。張香濤以其詩人爲肅所陷。至籍沒。特令署江漢關道。乃不知以脂膏自潤。而人人皆妒羨。及改安徽。益窮。猶以才望一署蕪湖道員。竟貧老以終。四娶無子。詩人之窮信矣。余與君於辛未。在衡州一別。遂不復相見。嘗過瀏陽蕉溪嶺。憶君舊詩。因賦一律。有詞客才名官後減之句。偶爲人書扇頭。君見而怫然。手書新作數篇於後。人以告。余亦未見也。又十餘年。君弟荇仙在蘄黃間。與余書。請序君遺稿。余諾之。序未成。遺稿亦未見。又十年。而族孫賓四典。鱸長蘆。余適至宛平。因聞賓四方葺君詩。欲余序之。既喜。君詩得存。又悲。荇仙之亡。負諾未償。無以慰君靈。方將哀述。遺事以紀前游。蓋五子僅存一个矣。當世漸無知五子者。況其詩乎。甲寅之秋。賓四訪余宣武之寓。出所印天影齋詩存一卷。齋名前未聞也。前詩題曰蘭林詞社。保之因笑。君慕詞林。五

子中乃無一詞林若在道光朝皆不得比士大夫敢言詩乎君固詞林才詭得卒失餘四人皆未第進士明人有言進士如朝饗夕飧官如酒肴人可無酒肴不可不食然則四子皆餓夫君猶幸不飢則詩固未窮也因序六十年交誼及與君少小好詩成互示稿之由以質世之好爲詩者而不論派別高下云

## 賦贈杏城左丞

樊山

制誥依然陸九風左丞官復小蘇同艱難取日還天上動靜如烟過鏡中銷印密謀煩借箸圍棋機智在臨戎從來綸羽書生面難得麒麟閣上逢

如公早跋中書敕第一寧遣李揆才往日回倫危晉祚於今勝廣亦秦灰九州共切龍興望千里生慚馬力衰七十香山老居士聯吟綠野一追陪

## 乙卯三月三日十刹海修禊分韻得伊字效齊梁體

樊山

垂柳發金黃春波蕩綠漪華林馬射日蘭亭禊飲時地鄰鳩鵲觀花繞濯龍池古剎迷雙樹高樓遠九楹水心人捧劍壇曲客行屐廣陌雞毬競輕陰鶴蓋移洛濱盛車騎帝里繁纓綉時望推王謝朝賢接呂伊餅材青艾葉釀法紅醪醖酌斟千日酒哀集百家詩位業真形具衣冠盛事垂將杯擲海水覺浴蚩尤旗

## 天琴老人以詩贈余並及原姬因和元韻奉畬

一盒

猶幸觀河少皺紋敢云入座散芬氤消磨猿臂封侯相棖觸蛾眉惜誓文雲鞞粵西逢海雪雪堂嶺外掣朝雲漢家飢死東方朔割肉還能遺細君

怪底燈花昨鬪妍朶雲朝墮綠窗前丰姿強說靈和柳豔曲疑歌相府蓮素女近來疏秘戲黃姑多日欠

天錢駐顏定。賴詩仙力寫得。桃花滿紙鮮。

爲莊思緘題西泠感舊圖

一 盒

先君昔友吳先生與譚先生得交海內莊蒿庵長椿僧寺嘗對哭天聚市樓頻酒酣酒家天聚齋在米市山久無譚叟館於萬文敏宅在宣武城之南先君當時過從屢幽人陸吉陪黃甘乾坤湏洞六十載人亡國粹百不堪生桑清淺見滄海種柳搖落悲江潭文敏故宅尙無恙我來賃廡月已三追思前塵暗雪涕自願鬢髮餘毳毳蒿庵先生早卽世有孫蔚起才梗柁示吾西泠圖一幅人影四五波光涵譚叟亦在畫圖裏水天彷彿聞清談死而不亡是真壽我聞此語於老聃雁過長空影沈水我聞此語於瞿曇宣南讀書漫感喟定有仙鶴歸蘇耽湖上烟嵐忽滿紙仍落譚叟之詩龕真烟嵐者世界耳畫烟嵐乃真烟嵐

燕京八景

規 盒

瓊島春陰在北海南岸金鷲玉鍊橋之北

承光殿北禁橋西玉勒青驄步暖堤畫井梧開鴻雁落上林花謝子規囀千家甲第朱雲繞七寶旛幢翠幕低漢武仙蹤何處是茂陵秋草倍萋萋鳥多佛寺有順治時建者世祖喜廣大釋教故人皆疑其五台受戒

金臺夕照

九秋邊木嘯高臺羯鼓流沙動地哀戍幕寒天空鳥道霸圖東北想英才燕庭有表終淪替駿馬無人自去來祖道至今餘易水年年過客漫低徊

玉泉垂虹玉泉山有泉自螭首噴出

西望瑤池。太液疑雲。疑雨正飛。翻魂來故國。依歸鶴夢老。春江聽暮猿。嶠首晴陰關。治化赤城鐘鼓報。黃昏金牀玉几全無用。小苑空餘蠟屐痕。

薊門烟樹薊門即銅馬門

北郭雲山草木稀。黃沙漠漠少人歸。汾陽鳳羽朝銅馬。可汗龍城拜褚衣。交塞河聲吞瀚海。漢營曙色動旌旗。長纓自昔愁無路。何事傾懷論是非。

盧溝曉月盧溝河即桑乾河有石橋可通南北相傳為荆軻獻圖處

四野雞聲曉。月殘誰家紅袖倚。闌干天峯斷處。孤星落山雪。消時一水寒。邑館羈人思故里。邊關宿將渡桑乾。風沙不管顏如玉。辜負琵琶馬上彈。

居庸疊翠居庸為九塞之一古稱險峻之地

高牙建羽擁雄關。馬度涼州去不還。萬古征人憐月色。幾行血淚染衣斑。金杯醉臥沙場外。青帳看來水殿間。曾有音書歸鳳闕。將軍此夜入天山。

太液秋風太液池即今南海也有太液秋風碑在水雲樹上

水雲樹底碧潮通。一夜砧聲入月中。海上青銅愁復見。江間舞旆望還空。滄波日下遊鱗紫。楓樹霜前落葉紅。自是宮牆關不住。滿城白髮怨秋風。

西山晴雪

雪擁西山大野荒。停杯著意正蒼茫。十分月色峯前水。萬里愁情雁後霜。漠漠紫臺悲往事。翩翩白鳥舞

成行終南自古銜雲嶺。未負新詩入錦囊。

曉起

蜀錦青羅看駐車。上陽朱檻彩雲遮。吹來一夜西陵雨。溼透千枝木槿花。

規 盒

六月大雨夜作

海上簇雙峰。窗前響暮鐘。可憐當戶月。此夜暗傷容。朽榼留征馬。寒潭起蟄龍。甘霖思傳說。千載定相逢。

規 盒

穀城過項王墓

萬里河山收戰略。八千子弟渡江來。亡秦張楚巧無敵。寶馬名姝事可哀。蓋世英雄難再得。彌天孤憤此中埋。茫茫又見風雲起。欲爲君王築將臺。

潘 復

石遺翁六十生日

壽人得健方爲福。詩學能醇最養生。久別尙存驚座氣。自芳誰識閉門情。尊前老樹叢臺感。人海黃雞白日聲。早晚著書還向佛。王城應少舉家清。

霜 杰

上巳前一日游十刹海留柬修禊諸公

人生無百歲。幾見澗裙戲。春病久閉關。三會失其二。今年新草綠。池塘滿芳思。晴空鳥羽明。清流魚鱗細。危亭出高柳。四面送青翠。明日采蘭游。北郭不得至。分曹接賓侶。紀曆錯人事。雖非桃源人。日月已不記。請爲諸公先用續舊歡。墜和風引春醪。頽照促歸騎。一任去來心。兩忘主賓意。扁舟訪山陰。乘輿復奚啻。願言遂初服。於此製荷芰。

舅 仙



### ●高等小學校令

第一條 高等小學校以增進國民學校之學業完成普通之教育為宗旨

第二條 高等小學校定為縣立其校數及位置由縣知事定之但須經該管長官之認可

既立高等小學校之經費由縣經費支給之

第三條 各自治區已設國民學校於足容本區學齡兒童確有餘款時得設立高等小學校

二自治區以上依前項之規定得聯合設立高等小學校

前二項高等小學校之經費由自治區或關係自治區之經費支給之

第四條 凡以私人之經費依本令規定所設立之高等小學校稱爲私立高等小學校

第五條 前二條高等小學校之設立變更廢止須經縣知事之認可

第六條 類於高等小學校之各種學校適用前三條之規定

第七條 高等小學校修業年限爲三年

第八條 高等小學校之教科目爲修身讀經國文算術本國歷史

地理理科手工圖畫唱歌體操男子加課農業女子加課家事視地方情形農業可以從闕或改爲商業並可以加設外國語

遇不得已時手工唱歌亦得暫闕

第九條 高等小學校之增減科目在縣立者由縣知事定之在區立或私立者由區董或設立人報經縣知事之認可

第十條 高等小學校得設補修科

關於補修科之細則由教育總長定之

第十一條 高等小學校之教科圖書須用教育部所審定者

前項圖書關於同一教科目而有數種者應由縣知事招集各校校長會議擇定

補修科所用教科圖書皆各學校校長擇定

第十二條 高等小學校之休業日適用國民學校令第十八條之規定

第十三條 高等小學校之教則由教育總長定之

第十四條 高等小學校之設備適用國民學校令第二十至第二十二條之規定但加課農業者應設農業實習場

第十五條 高等小學校之入學兒童以曾經國民學校畢業者爲合格

依照國民學校令第二十六條之規定修畢國民學校之教科者亦得入高等小學校

第十六條 凡教授高等小學校之教科者爲本科正教員專任手

工圖畫唱歌體操農業家事外國語商業之一科目或數科目者  
為專科正教員補助正教員者為助教員

第十七條 高等小學校教員須在師範學校或教育總長指定之  
學校畢業或經高等小學校教員檢定委員會檢定合格並受有  
許可狀者

關於高等小學校教員檢定之細則由教育總長定之

遇有特別情事高等小學校教員不敷時得以未受許可狀者代  
用為高等小學校助教員

第十八條 高等小學校校長以本科正教員兼任之

第十九條 高等小學校校長之任用由縣知事定之並詳報該管  
長官其教員之任用由校長定之但須報經縣知事之認可

第二十條 高等小學校教員之俸額由縣知事依照教育總長所  
規定標準定之

第二十一條 高等小學校校長教員認為教育上不得已時得加  
儆戒於兒童但不得用體罰

第二十二條 高等小學校校長有違背教育法令或怠廢職務及  
有不名譽行為者縣知事應予以懲戒處分

高等小學校教員有前項情事者校長應詳請縣知事予以懲戒  
處分

縣知事認為必要時雖未據前項詳報亦得施行懲戒處分

本條所稱懲戒處分為訓戒減俸免職三種

第二十三條 私立高等小學校校長教員遇有前條第一項情事

者縣知事得停止其職務前條懲戒處分之減俸免職及本條之  
停止職務應詳報該管長官

第二十四條 受高等小學校教員許可狀後若犯左列各款之一  
其許可狀即為無效

一 被處徒刑以上之刑未復權者

二 失財產上之信用被人控實尚未清結者

第二十五條 受高等小學校教員許可狀後若有不正行為或其  
他玷汙師資之行為察其情狀較重者縣知事得褫奪其許可狀  
但須詳報該管長官

第二十六條 高等小學校校長或教員有不服縣知事所施之免  
職或停止職務褫奪許可狀等項處分者得陳訴於該管長官

第二十七條 高等小學校得徵收學費

徵收學費規程由教育總長定之

第二十八條 本令第十七條第一項之施行期視地方情形得展  
緩二年

第二十九條 民國元年教育部頒行小學校令關於高等小學校

各條自本令施行之日起即行廢止

第三十條 本令自公布日施行

### ●縣治戶口編查規則

第一條 本規則於各縣編查戶口時適用之但京師及各省會商

埠設有警察廳地方不在此限

第二條 關於縣治戶口編查事務以縣知事為直接監督其上級監督機關依現行官制定之

第三條 編查以現住戶口為準但編查時戶內人口適往他處者須註明其所在地及事由

第四條 編查區域依左列各款定之

一 設有警察地方依警區（指縣治警察而言）

二 設有保衛團地方依保衛團區域

三 未設警察及保衛團地方由縣知事參照地方情形酌量劃

分

第五條 編查區域劃定後就區內住戶分編牌甲以十戶為一牌

十牌為一甲各依牌甲號數按戶訂門牌門牌號數如稱某縣第

幾區第幾甲第幾牌第幾戶是

其十戶之外有零數在六戶以上者得自成一牌五戶以下併入

鄰牌十牌之外有零數時亦同

第六條 編查職員依左列各款定之

一 區置編查長一人承縣知事指揮負編查本區戶口之責

二 甲置甲長一人受成於編查長負編查本甲戶口之責

三 牌置牌長一人受成於甲長負編查本牌戶口之責

第七條 各區編查長依左列區別由縣知事委任之

一 設有警察地方以警區區長或區員充任

二 設有保衛團地方以保衛團團總或團董充任

三 未設警察及保衛團地方由縣知事遴選會充本地方團董村正等職務或公正紳士會辦公益事務者充任

第八條 甲長及牌長由編查長就本甲本牌住戶中備有左列資格者分別推舉詳請縣知事派充之

一 住居該地繼續滿三年以上者

二 年滿二十五歲者

三 品行端正者

四 財產一千元以上包括動產不動產而言或有正當職業者

五 略識文義者

第九條 各區辦公處須擇區內適中之地設置其房屋由縣知事

指撥公所或借用民房

各牌即就牌長甲長所居之地為辦公處

第十條 各區及各牌甲辦理文牘須由編查長或牌長甲長署名

蓋章

第十一條 編查之次序如左

一 清查由牌長執行之

二 覆查由甲長執行之

三 抽查由編查長執行之

前項各款編查由內務部酌定期限屆期由縣知事依限行之

第十二條 清查事項如左

一姓名

二男女之別及已未嫁娶有無子女

三年齡及出生年月日

四籍貫

五住居處所及其年限

六職業

七宗教

八教育程度

九盲聾瘋癲及其他廢疾

十戶內人口對於戶主之稱謂關係

十一其他事項（指第十四條所載曾受刑事處分素行不正

形跡可疑多數非家屬人雜居等事項並第三條所載編查

時他往者之所在地及事由而言）

第十三條 清查時牌長須按照前條所列事項按戶詢問填入編

查底冊

清查後牌長須造具本牌戶口清冊報由甲長覆查其底冊由牌

長保存之

第十四條 清查時遇有左列各款情事由牌長另行記明於編查

底冊

一戶內有曾受徒刑以上之刑事處分者

二戶內有素行不正或形跡可疑者

三戶內有多數非家屬人雜居者

第十五條 甲長接到各牌戶口清冊後須按照冊內所填各款事

項按戶覆查如有外漏即行更正

覆查後甲長須彙造本甲戶口清冊報由編查長抽查其各牌原

報清冊由甲長保存之

第十六條 編查長接到各戶口清冊後須就冊內所填各款事項

中擇要抽查如有外漏即行更正

編查後抽查長須彙造本區戶口清冊詳報縣知事其各甲原報

清冊由編查長保存之

第十七條 造具戶口清冊時須將左列各款事項另計總數附記

冊後

一戶數

二男女口數

三年滿六週歲至十三歲之學童

四年屆二十歲至四十歲之壯丁

五本籍及客籍

六職業之有無

七現住及他往

八廢疾

九宗教種類

十曾受刑事處分者

十一 素行不正或形跡可疑者

十二 戶內雜居多數非家屬人者

第十八條 各區戶口清冊報到時縣知事須派員抽查彙造全縣戶口表詳由該管監督彙造所屬戶口總數表報由內務部彙造全國戶口總數表登載政府公報其各區原報清冊由縣知事保存之各道監督長官隨時派員抽調清冊查核

第十九條 自編查完竣之日起嗣後各戶遇有遷徙及生死婚嫁承繼往來等事限五日以內責令戶主向牌長開單報明牌長轉報甲長甲長轉報編查長編查長按月報告縣知事牌長甲長編查長縣知事接到前項報告時均須於保存冊內逐一增改各戶遇有遷徙及生死婚嫁承繼往來等事如戶主逾期不報時即由牌長查明轉報

第二十條 關於戶口之變動每屆年終由縣知事造具戶口變動表依第十八條第一項規定辦理

第二十一條 調查經費由縣知事就各地方自治經費內酌量籌撥詳報該管監督核定但不得向各戶科派

第二十二條 編查職員均為名譽職不支薪俸但酌給辦公實費

第二十三條 編查事務完竣後由縣知事將收支各款造具清冊詳報該管監督查核彙報內務部備案

第二十四條 編查時先由縣知事出示曉諭嚴禁需索造謠等事並派員分赴各處宣講編查宗旨但初辦時巡按使或道尹就地

方情形認為必要時得派員分赴各縣指導一切事宜

第二十五條 凡有不受編查或有心誑報者處一圓以上五圓以下之罰金若有妨害編查之舉動者處五日以上一月以下之拘役或五圓以上三十圓以下之罰金

前二項處分由縣知事即決之

第二十六條 編查職員如有不法情事經告發屬實者按照刑律處斷

第二十七條 縣知事不遵本規則辦理者由該管監督分別記過撤任或請付懲戒詳報不實者亦同

第二十八條 左列各款事項須另行編號準照本規則辦理但不列入牌甲

一 船戶戶口

二 寺廟僧道

三公署監獄學校工廠及其他公共處所

造具前項各款清冊時於冊後統計除船戶戶口準照第十七條規定外寺廟僧道祇須總計其戶數男女口數及第十四條第一款第二款事項公共處所祇須總計其處數人數

第二十九條 凡特別行政區域未設縣自治地方由該管長官準照本規則另訂細則分別編查彙報內務部

第三十條 關於本規則各項清冊並門牌程式另定之

第三十一條 本規則自公布日施行

## 間島問題

譯九月十一日公論西報時評

(子材)

間島問題。又起波瀾矣。原夫間島之初與交涉也。實在日韓合併之先。彼時韓國人民。於日本之所謂保護政策。已深苦之。不敢承其厚貶。多遁之間島。棲息異邦。藉避苛政。而日本政府。殊不肯持放任主義也。必欲擴張其勢力範圍。使韓民之逃亡者。仍無所逃。於日人掌握之間。於是間島劃界之交涉。起實則數世以來。間島全境固自有其一定之界線也。間島交涉。其始頗動人觀聽。後亦漸次結束。一九零九年九月四日。中日兩國。訂約於北京。日人因之遂攫得絕大之權利。然根據此項條約。間島韓民。固猶受治於中國。特遇重大案件。日領事得以會審。或以地方官之聽斷。爲未公允者。得要求覆審而已。其他如徵稅之權。管理之權。日人亦莫能願。問中國之損失。尙不得謂甚大也。願今則又重翻舊案。別議新約。新約果成。而日人向者所要求未得之權利。亦且如願以償矣。雖然。自一般人之眼光觀察之。日人固不得違視。間島韓民。爲其隸屬。而過肆其要挾。此則日人所當深自覺悟。以免交涉上之衝突者也。